

ლიტერატურული გაზეთი

№1 (137) 16 - 29 იანვარი 2015

ბამონის ორ კვირაში ერთხელ, პარასკევით

ფასი 50 თეთრი

აკა მორჩილაძე

პრუსტიანი

II

რატი ამალლობელი

ეოლოსი

IV

გიორგი ლობჯანიძე

ოპერაცია

IV-V

პაატა შამუგია

საქმიანი პოეტი

V

პოეზია

რეკენზია

ჩანაწერები

პროზა

ინტერვიუ



ის იყო მეტად ღელვისმომგვრელი რამ, რომ აზნაურიშვილ გიორგი მორბელაძეს მოულოდნელად სახაშეში დაურეკა ტელეფონმა.

არც უპასუხებდა იმ ზარის წერილს, რომ არ დაენახა ტელეფონის ეკრანზე ნაცნობი სამი სიტყვა — „ჩემო ცოლო მართა.“

ასე იმის ტელეფონში აღინიშნებოდა მეუღლის დანარეკები.

ცოლს კი ნამდვილ საბჭოთა დროს დარქმეულ სახელად საკანონმდებლო ენაზე ირინე, ადამიანურად კი ირა ერქვა, მაგრამ ოდეს მონათლეს, უხმაუროდ მონათლის ახალმოდინობის უხამს, იმას წმინდა მართას სახელი დაანათლა ერთმა პირველივე მოძღვარმა ფურცელადის ქუჩიდან, ჯერ კიდევ ლეონიდე ბრეჟნევის დროს და როცა კი მორბელაძემ პირველად შეიტყო, რომ მის ცოლს ნათლობის სახელად მართა ერქვა, გაახსენდა ის ძველი ლექსი, ცხონებულმა საყვარელმა ლექტორმა, გოგი დემეტრადემ რომ ასწავლა რუსეთ-იაპონიის ომის შესახებ საკურსოს წერისას:

ჩემო ცოლო მართაო,
პორტ არტურში ვართაო,
აქ ქალები არა გვყავს და
ერთმანეთს ვთხნამთაო.

ის ლექსი იმ ძველი საბრალო ქართველი ჯარისკაცებისა იყო, რომლებიც რუსეთის იმპერიამ იაპონიასთან საომრად გაირეკა და მართას სულაც არ უჩანდა სანყენად, რადგან იცოდა, რომ მამის მოქალაქე, ან კი აზნაური გიორგი მორბელაძე კაცებს არა სდევდა და მობილურობა კი რაც შემოვიდა, მორბელაძემ თავის ტელეფონში ამ ლექსის პირველ სტრიქონად ჩასწერა ცოლის სახელი.

ახლა კი, როგორც ყოველთვის, როცა დაბერავს ქარი, ამ რიჟრაჟზე თბილისისა, რომელიცაჲც პოეტმა ერთ საგალობელში უწოდა, რა არყისფრად გათენდაო და სწორადაც გამოუვიდა, ვინაიდან თბილისში სრულიად არაფრის ფერით იცის გათენება, მართას ზარმა შეაშფოთა აზნაური მორბელაძე.

ეს როდის იყო, რომ მართა დილის მემვიდე საათზე რეკავდა ხოლმე.

ამ წერილის გამგონებ, უკვე მეოთხე თხლამოიგადაშვებულმა გიორგი მორბელაძემ, ერთი გაიანზრა, რომ ფარსაგია და ან ის წყეული ბლის გამხმარი ხე დეიდრა და დეცა სახლს, ან წყალმა წაილო იქაურობა, ანაც კი, ძალღმა ფრიდონამ კვლავაც რაღაცა ოხრობა მოათრია ახლო მდებარე ტბიდან.

საქმე ის იყო, რომ ირა, მართად წოდებული და ორიც სხვა მისი ამხანაგნი იმყოფებოდნენ მორბელაძიანთ ძველ სააგარაკო სახლში და იქიდან დილის შვიდ საათზე მორეკვა მხოლოდ ნამეტან ცუდს ნიშნავდა.

თვითონ მორბელაძე იქ იყო წინა სალამომდინ, მაგრამ, რა არის რომ მეგობრებმა ამოუარეს და ამინდი კარგია, წყალი რაკრაკით ჩხრიალებს და მაღლა გრილობებში ერთი ჯერ კაი ხინკალი მოვიდოთო და იმ ხინკალს კი ასე მოჰყვა, რომ ბოლოს ქალაქამდეც მოაწიეს და იქაც გააგრძელეს დაუტანებელი სმა ჯერ ვერანდებზე, მერე კიდევ სადღაც მტკვრისპირა კუბებში, საცა გეგულისასა ხერხეპნდენ უაზროდ და ოდენობით და თანაც კიდევ ცივ ღვინოსა სვამდნენ.

მერე კი დაიშალ-მიიშალნენ ღამის სამისთვის და რახან აგარაკზე აბრუნებას იმ ჟამს აზრიც არა ჰქონდა, აზნაურიშვილმა მორბელაძემ და მისმა გულის მეგობარმა ლაშა მესხმა გადასწყვიტეს, მოდი, ჯერ დაუეკტავებში ჩავიდეთ და მერე კი ავლბარში ხაშები ვჭამოთ, ხოლო, ამის მერეთ დავიჭიროთ მანქანა, ავიდეთ აგარაკზე და მთელი დღე ვიძინოთ, საღამოს კიდევ გოგოები რამეს გემრიელებს გვაჭმევინ და ჩვენ კი საზამთროებიც ავაგოროთ და იმის ზემოდან კიდევ ერთი ოჩინ სტარის ბოთლიც მივცეთ, რომელიც აგარაკზეა კარადასა და კედელს შუაო.

შაბათი გათენებულიყო და რით არი ცუდი აზრი?

საზოგადოდ, აზნაურიშვილი მორბელაძე გაბმულ სმასა და აზარფეშობაში ძლიერი არ იყო და არც უყვარდა. მხოლოდ ახლო, გულის ძველ თანშეზრდილ ოთხ მეგობართან ერთად თუ ასე გაატარებდა ღამეს დუქან-დუქან და შეთრობა-გამოსვლაში და ახლაც იმას და უკვე

გულზე ორსტენტიან ლაშა მესხს ეთქოთ, მარტო ერთი ბოთლა მედოფი მივცეთ ხაშზეო, დაჩაზე რო ავალთ, კაი დათენილს დაგვეძინოსო და პახმელიაც არ იყოს გამოღვიძებაზეო და სწორედ ამ დროს დარეკა.

ლაშა მესხს კოვზი გაუშეშდა ხელში და იკითხა:

„ცუდი ამბავია?“
„რა მოხდა,“ ჩასძახა ტელეფონს აზნაურიშვილმა მორბელაძემ, მერე ერთი შეისუნთქა ცოლის სმენისას და უხალისოდ გამოსუნთქულზე თავი გააქანია:
„არაფერიო.“

მერე დიდხანს იყო უფრო მსმენელი, აწვალბდა თითებით საღვეთქს და ამბობდა:

„ხოოო... ხოოო... აუფ... და ვერ უთხარი? და რა ვქნა ეხლა, მე და მესხივეი მოვ-

ალო. მთელი დღე.“

„და ლამეც, ალბათ, სიმონ.“

„და ამ პერეგარით... ჟუფაჩკა იყიდე და ახალ-ახალი ჩაიდე ხოლმე. თუმცა, მაგით უფრო იწვები,“ თქვა ჩაფიქრებით მესხმა, „რა მიღებაა?“

„რა ვიცი. უფლისწულის რაცხა ვარსკვლავების ჭვრეტაო... რა სიტყვაა დილის შვიდ საათზე. რაღაცა, მოკლედ. კი მარა აზნაურებს რატო პატიუებენ?“ პაპიროსს მოუკიდა მორბელაძემ.

„ნუ, ალბათ, სელბრითი აზნაურებს,“ დაასკვნა ლაშა მესხმა, „გავიდეთ, რაღას უკიდებ...“

„სად გავიდეთ, გათენდეს წესიერათ, ლევანამ გაიღვიძოს, ფრაკი უნდა გამოვართვა. ჩოხაო. ან ჩოხაო, ან ფრაკიო, მარა ფრაკზე ლენტი გაიკეთოს იმერეთის სადროშოსიო.“



იდოდით ეხლა მანდ, ვიცდით აგერ, რო გაგღვიძებოდათ... ეეეეე... ეხლა სად ვიპარსო... ნახე, თავისთვის კი უჩალიჩია. აუჰ... დავიქეცი... და მოვდიოდით მანდ... და სად ვიქირავო ჩოხა ამ შაბათ დილას... რა ლენტი... სად არი... ვისი ფრაკი? ლევანა ავლიანის ფრაკი?.. უთხარი, რეებს მეუბნებდა... ამ დილის შვიდ საათზე... გაგაცეცხლია, ხო ვიცი... მზე ლამაზად ამოვიდა?.. არა, ჩოხას ვერ ვიშოვი... და ლევანას სისქე ვარ მე?.. ვარ? მაღადეც... შენ არა, მე... ეს კი, კაცო... მესხივეი გადმოგწვდა... და სად მოვალთო?.. კაი... კაი, აბა, დღეს რაღას ამოვალ. ალბათ დაგვტოვებენ იქ... კაი, კაი, დაიძინე. მე ბოდიში... რა ვქნა, არ ვყოფილვარ ამ სახლში და მოსანვევი დატოვებს, თუ არხიდეის თესლები, რა ვიცი... ამოვიტან, ხო, ამოვიტან იმ თესლებსაც. ამოვალნიო... კაი, ხო. თერთმეტამდე ვიზამ რამეს.“

იგა დილის მემვიდე საათი და ნირნამხდარი ხაში ორს ძველს მათლაფაზე. სირჩები შემცბარი, პაპიროსები მოწყენილი. აგია ცხოვრება? ზაფხული — მშვენიერი. ფორტოკაში ავლბარის კანტიკუნტი ხმები.

„რაიო?“ ჰკითხა მესხმა.
„ჯანდაბაო. მოსანვევი გამოუგზავნიათ. ვერ დარეკავენ?“ ამოიხრა აზნაურიშვილმა მორბელაძემ. „ეხლა დაურეკია ვინცხა წინამძღვარ ეფემიას, მეუფის სახელით, მე მაქვს დავალებულიო, თერთმეტზე მოვა მანქანაო და დრესკოდით დახვდეს, მიღებაა ლამისყანაშიო. ირას ნომერი უპოვინა, შენ არ პასუხობდიო.“

„არ პასუხობდი და,“ გაიცინა მესხმა.
„უცხოს რეიზა ვუპასუხო, მაგნების,“ მწარედ ჩაიციხა გიორგი მორბელაძემ, „უჰ, დაგაცლიან რამეს?“
„მაგ არაფერი. კაცო, მე სახლშიც კარგა დავიძინებ. მარა შენ მოკვდები, შე სანყ-

„და გაქ?“
„თუ ვიპოვე, მაქ. ხო მომანიჭეს... ვიყავი გადანასკვეული პრაჟსკი ტორტის კარობკასავით,“ მორბელაძემ კვამლი სტყორცნა ავლბარის ფორტოკას.

„არ დეგეძინოს, შეჩემა, ბანოვანის კალთაზე,“ გაიცინა მესხმა.

„არა, ესპრესოს მივცემ ფალიაშვილზე.“

„მურაბიან ჩაის. კარგათ ნავა ამაზე... და ირა არ უნდა წამოვიდეს?“

„კი... მარა უთქვია, მე ხელი მაქ მოტეხილიო... დეეზარა და გამოძვრა... მაგის მოგონილი არ არი?“ იწყინა მორბელაძემ.

„აუ, რა მაგარია... ნეტა შენზეც ეთქვა, ორივემ ხელი მოვიტეხეთო. ავარიაში მოყვევითო...“ ჩაიხიბითა ლაშა მესხმა, „ბიჭო და, ტო, დღეს არი ბუნობა. ალბათ, მაგ ვარსკვლავებო.“

„ბუნობა და მაგის... აუ, რა ტკბილად დავიძინებდით?“

„მე კი დავიძინებ... ბიჭო... მისმინე... აი, რო იღვიძებ, სწრაფად იღვიძებ?“

„აუ, ვეღარ. ერთი საათი ვიღვიძებ... ეხლა თუ წამომავდე, ავდგები, მარა, აზრზე მოსვლა მინდა.“

„აუ, მეც,“ ლიმონათის ბოთლს გადანვდა მესხი „და რეებს ვფიქრობ, იცი?! რეები მეჩითება? სულ ბავშვობის რაღაცები შუალედში. მაგარი სტრანნი. აი, მაგარი... კომბრე, ბალბეკი, დონსიერი, პარიზი, დაჟევენეცია.“

„სადაც გიცხოვრია, რა,“ სევდა შეუცუფრა აზნაურიშვილმა მორბელაძემ „დარჩენილიყავით შეჩემა, სად მორბოდით...“

აქ უნდა ითქვას, რომ ექიმი-ინფექციონისტი ლაშა მესხი არ გახლდათ ტომით საქართველოს ქართველი.

ის იყო ჩამონავალი 1921 წელს რუსის ტყვიის ჭეჭა-ქუხილის და ამ მიწაზედ დარჩობილ ნითელ დროშებს გარიდებული და

დაიბადა პარიზში 1965 წელს და როცა შესრულდა თხუთმეტი წლისა, მამამისმა დადუკი მესხმა მოჰკიდა ხელი თავის ცოლს ჟერვეზას და ორს ვაჟს და გადმოსახლდა საქართველოში, იმ დროის საბჭოთა კავშირის რესპუბლიკაში.

ასე რომ, ლაშა მესხი, სხვანაირად კი ლორენ მესკი გათბილისელები და გათბილისელები სრულად, ნამდვილად ქალაქურად და ფრანგული კი არ დაავინყდა და ქალაქური კი ისრუტა სრულად. ეს კი ეილბლა მესხების ოჯახს, რომ დადუკის თითზე კბენანი და ცოლის საყვედურები უცებ გაათავა პერესტროიკამ და უცებ საფრანგეთის რესპუბლიკის მოქალაქეობაც აღიდგინეს და ჟერვეზი კი სამუდამოდ წავიდა იქეთ და მალევე კი ლაშას უფროსი ძმა სვიმონ-კლოდიც მიჰყვა და დადუკიმ კი ალარაფრით დაიხია უკან და

დარჩა და დარჩა აღმოსავლეთმცოდნეობის ინსტიტუტის უფროს მეცნიერ-თანამშრომლად და სანამ ფილტვის კიბო არ დაუდგინდა და სანამ სამოქალაქო ომებისა და ყოველგვარი ომების და სროლიანობის დროებამ საბოლოოდ არ ატირა, საფრანგეთისკენ ვერ დაძრეს და ბოლოს კი იქაც, გუსტავ რუსის კლინიკიდან გამონერილი, გარდაიცვალა, ოლონდ კი, თურმე, როცა რომ ბოლოს ინვა ლოგინში, მეთოთხმეტე უბანში, სადაც ჟერვეზს თავის ჭკვიანობით ადრიდანვე ჰქონდა დედისეული სახლი და არც თავის რამ ფულადი ქონება გაენძრია საფრანგეთში, როცა ქმარმა თავის რომანტიულ ქართველიანობით ჯოჯოხეთისკენ გამორეკა, გამოიშვერდა თითს თურმე ლაშა მესხისკენ და არაფერს ეტყოდა. და ეს გამოშვერა კი ლაშამ იცოდა, რო შენ ხარ იქაური და ასეც საბოლოოდ გამოვიდა, რომ ლაშა მესხმა ფრანგის საბუთი კი ჩაიდო ჯიბეში, მაგრამ ხელახლა სწავლა ნამდვილად აღარ მოინადინა და დარჩა ერთ თბილისელ ექიმად, რომელსაც რომ უკვე კაი წონის და თმისვერცხლის მიუხედავად, მაინც შემორჩა ის ძველი თქმა ოთხმოციანი წლებისა, ფრანგია, შეჩემაო, რაიც ოდესღაც გარკვეულ რაღაცებებსაც სჩუქნიდა მას თბილისელ გოგოების თვალში, ან კი უფრო მისწრაფებამი, რომლის კვლიც, ეეეე-ჰეეეეი, საით მიდენის ფიქრსა. ზუსტად ისე, როგორც მესხების თბილისში გადმოსახლების დროს ეწერა ტელევიზორის ეკრანებზე, სადაურსა სად ნაიყვანო.

ეს უშუამკო სლოგანობა მამინ მეტად მოსწონდა ცხონებულ დადუკი მესხს და

პირველი შეხვედრა ბობ დილანისა ბობ ნოვიკოვთან ის იქნებოდა, რომ ნოვიკოვი მეგობრებთან ერთად შევიდოდა ტავერნაში და დიდ აყალმაცალსაც ატეხდა. და ეს მაშინვე შეატყობდა, პროვოკაციის მოყვარული და თავისუფალი ბუნების კაცი უნდა იყოს, ერთხელად მარტოვანი ვინმესთან დასაპირისპირებლად.

მოგვიანებით, საკმაოდ რომ დაუახლოვდებოდა, თუმც მასთან საუბრისას სულ დაძაბული იყო, მაინც სწორედ მას აირჩევდა თანამგზავრად მოგზაურობისას და ის ფიქრიც გაუჩნდებოდა: ნოვიკოვის უკვდავო ფაქტს ისევე საჭირო, როგორც ჯორჯ კერუაქმა უკვდავო ნილ ქესედი რომანში „გზაზე“.

ბოლომდე ვერასოდეს გაიგებ, რა კაცია ან ერთი, ან მეორე?

მაგრამ რაც უნდა იყოს, მრავალი ნიჭიც რომ მომადლებიათ?

და თუ არაერთ ადამიანს აღიზიანებენ, ყველას ხომ არა... ის კი არა, აგერ გამოუჩნდებათ კერუაქი იქნება თუ დილანი, ყველაფერი რომ მოსწონთ მათი, რაც უნდა ჩაიდინონ. ერთნაირი გემოვნებაც რომ აქვთ?

საერთოდ კერუაქის სახელმა არაერთხელ უნდა გაიღვივოს ბობ დილანის ავტობიოგრაფიულ რომანში „ქრონიკები“.

მაშინაც, როდესაც ის განწყობილება წამოუტივტივდება, რაღაცას რომ ეძებდა. მაინც რას? რას და, რაც კერუაქის ამ რომანში ნაეკითხა — ნაცრისფერ ქალაქს, დიდ სისწრაფეს, სისწრაფის ხმაურს, ეძებდა იმას, ალან გინსბერგი „წყალბადის ჯუკობოქის ხმაურს“ რომ უნოდებდა, და რაც ბობ დილანს ეგებ ისედაც ნაპოვნი ჰქონდა და სულაც იქ ცხოვრობდა.

მაშინაც, როდესაც გულლიად განაცხადებს: „გზაზე“ ჩემთვის ბიბლიასავით იყო.

თუმც ეს უჩვეულო აღტაცება უნდა გაფანტვოდეს და უკვე სხვა თვალთაღმეცხედა ბიტიკური სულის გამოხატვული ამ რომანისათვის, მწერლის მიერ აღწერილი ჰიპსტიკების მიმართ სრულიად რომ დაეკარგებოდა ინტერესი. და თუმც მონონები კვლავაც მოსწონდა ერთი ამოსუხუთქვით დაწერილი, დინამიური, ბიბოპის პოეტური ფრაზები, ჯეკის კალმიდან რომ მოედინებოდა, ახლა მისი პერსონაჟი მორიარტი უადგილოდ მოეჩვენებოდა, არავითარი მიზანი რომ არ გააჩნდა მის არსებობას და მხოლოდ მათი გმირი შეიძლება ყოფილიყო, იდიოტიზმი ვისაც ალაფრთოვანებთ.

ერთხანს სულაც ბიბლიასავით, მაგრამ...

ხოლო თაკო ჭილაძე ამ ორ თხზულებას რომ შეუდარებდა ერთმანეთს, ეს შთაბეჭდილება დარჩებოდა:

— ნიუ ორლეანი „ქრონიკებში“ უფრო შთაბეჭდავდა ჩანს, ვიდრე ბიტიკების ერთ-ერთი წინამძღოლის გახმაურებულ რომანში „გზაზე“.

ეგაა, რაკილა თაობისა თუ ეპოქის ბიბლიად მარტოდენ ეს მუსიკოსი კი არ აღიარებდა, არამედ უამრავი ადამიანი, ის კი არა, მთლად ჯერომ სელინჯერის გვერდითაც მიუჩნდნენ ადგილს, იძულებულია ამ შეფასებას... დიდი მობოდიშება ნაუმძღვაროს ჯეკ კერუაქის აჩრდილთან.

გადაივილიდა აჟიოტაჟი და... დრო საგრძნობლად დაატეხებდა ერთმანეთს სელინჯერსა და კერუაქს, იმას მალა რომ ატყორცნიდა და უკეთეს ამერიკულ მწერალთა შორის დაუმკვიდრებდა ადგილს, კერუაქის „ბიბლიას“ კი ბევრად მოკრძალებულ თაროზე შემოსდებდა.

და აგერ... ბობ დილანთანაც ველარ უძლებს კონკურენციას.

მერე რა, რომ თვითონ განთქმული მუსიკოსი ვერასოდეს იფიქრებდა, მის ავტობიოგრაფიულ რომანს თუ დაამჯობინებდნენ მისთვის ერთხანს სულაც სათაყვანო, მოგვიანებით კი ერთ-ერთ საყვარელ რომანს (ბოლომდე მაინც ვერ შეელოდა!), რეალობა სხვაგვარად განსჯიდა და არამცთუ მუსიკალურ ტალანტს, მწერლურ ნიჭიერებასაც დაუფასებდა და ამ მხრივაც არ მოაკლებდა პატივს.

თაკო ჭილაძის დაკვირვებასა თუ შეხედულებას კი ის განსაკუთრებული მნიშვნელობა ენიჭება, რომ ორივე ქმნილება მისი ამეტყველებულია ქართულ ენაზე — ჯეკ კერუაქის „გზაზე“ და ბობ დილანის „ქრონიკები“ — და ეს მონობს, რაოდენ ღრმადაა შესული თვითეულის ფარულ ნიუანსებშიც და მინიშნებებშიც და ბოლომდე აქვს განცდილი ერთიც და მეორეც.

და თუ კერუაქს არ მოაკლდებოდა კრი-

როსტომ ჩხეიძე ბობ დილანის მწერლური ბარდასახვა

ტიკოსთა მხურვალე გამოხმაურება და აღმტაცე ეპითეტები, დილანის პირველი ცდაც ლიტერატურაში ერთბაშად გახმაურდებოდა და არა მუსიკოსის ასპარეზზე გამორჩეული პოპულარობის გამოისობით, არამედ სწორედაც მწერლური ხელოვნების წყალობით, მთარგმნელისეულ წინასიტყვაშიც რომ არის მოხმობილი ზოგიერთი ესთეტიკური შეფასება, ვთქვათ, „სანდი თაიმის“ ფურცლებზე გამოთქმული:

— თუ ნიგნის დასასრულს მაღლიერებით არ აქვითინდი, ჩათვალე, რომ ეპოქამ გვერდით ჩაგაიარა.

ანდა „დეილი ტელეგრაფის“ მიერ უშურველად გამეტყველი ქება:

— როკ-ენ-როლის ერთი რომ ვთქვათ, ეს ნიგნი შექსპირის დაკარგული დღიურის აღმოჩენას უტოლდება.

ოოო, ეს უკვე ნამეტანია, შექსპირს ასე ადვილადაც ნუ გავუთამამდებთ, მაგრამ... მოდი, ამჯერად, სულ სხვა კუთხიდან შევხედოთ ამ ფრაზას და ვიმარჩილოთ: თავის დროზე თუ არა, ოდესმე მაინც თუ შეიძლება დასცდეს ვინმეს: ანზორ ერქომაიშვილის მხატვრულ-დოკუმენტური პროზა რუსთაველის დაკარგული დღიურის აღმოჩენას უტოლდება?.. და ეს ჩვენში, სადაც ჰიპერბოლიზებისას საზღვარი არ ვიცით. ხოლო ამ შემთხვევაში...

ის კი არა, ვერსად ნაანყდებით დაახლოებით იმგვარ შეფასებასაც, რაც ბატონი ანზორის ნაწერებზე სიტყვა-სიტყვით შეიძლება გადმოვიტანოთ თუნდ ბობ დილანის ავტობიოგრაფიული თხზულების რეცენზიიდან:

— ყოველ გვერდზე და ყველა აბზაცში არის რაღაც მნიშვნელოვანი, რასაც უყურადღებოდ ვერ დატოვებ. ზუსტია მისი სიტორიის შეგრძნება, ადგილისა კი — შესანიშნავი... ლამაზად წერს მუსიკაზე, შთაგონებით, პოეტურად, ჩანს, რომ ნამდვილი მუსიკოსის ალლო აქვს.

„გზაზე“ ჩემთვის ბიბლიასავით იყო...

ასე ბევრი გაიძახოდა იმჟამად და გასაკვირიც არა ყოფილა, რაკილა კერუაქი მოდურ მწერლად გადაქცეულიყო, მაგრამ ბობ დილანს ის გამოარჩევს იმ ბევრისაგან, რომ მონას ნუთითაც არ აჰყოფილა და ამჯერადაც პირად შთაბეჭდილებას გამოთქვამს, რადგანაც იგი იმ იშვიათ მუსიკოსებს მიეკუთვნება, საკმაოდ რომ გათვითცნობიერებულიყვნენ ლიტერატურაში და არავის კარნახი და მიყურადება არ სჭირდებოდა დასკვნების გამოსატანად. და თუ ვინმეს დაუგდებდა ყურს და გაითვალისწინებდა მის მოსაზრებას, უსათუოდ თავისწაირი ნამდვილი მკითხველისა.

ამიტომაცაა მისი ფსევდონიმი „დილანი“ უშუალოდ ნასესხები არა მუსიკოსის, არამედ პოეტის — დილან ტომასის — სახელიდან.

ამიტომაცაა მისი „ქრონიკები“ გადავსებული მწერალთა ლანდებით და მათზე გაფანტული ღრმავაროვანი დაკვირვებებით.

ჩვეულებისამებრ შუაში გადაშლიდა ხოლმე ნიგნს, რამდენიმე გვერდს ნაიკითხავდა და... თუ მოეწონებოდა, მერე უკვე თავიდან იწყებდა.


ანტიკური ხანაც გაიტაცებდა და ფრანგული, ინგლისური, რუსული რომანებიც, განსაკუთრებით კი მაინც პოეზიის კითხვა უყვარდა — ლორდ ბაირონის, პერსი ბიში შელის, ჰენრი უორდსუორთ ლონგფელოსი და ედგარ ალან პოსი. მის „ზარებას“ ზემოადაც დაისწავლიდა და გიტარაზე მელიოდისაც აჩხაკუნებდა, როდესაც ხმამაღლა კითხულობდა.

ონორე დე ბალზაკის მხატვრულ სამყაროშიც ჩაეფლობოდა და მისი ფილოსოფია მარტივად და გასაგებად მოეჩვენებოდა: ძირითადად იმას გვეუბნება, რომ წმინდა მატერიალიზმი სიგიჟისაკენ მიმავალი გზაა. როგორც ჩანს, ცრურწმენაში ხედავდა ჭეშმარიტებას და ყველაფერს განსჯის თემად აქცევდა. ენერგიას თუ თავს მოუყრიდი, ცხოვრების საიდუმლოც ეს იქნებოდა.

— ბატონი ბალზაკისაგან ბევრი რამის სწავლა შეიძლება.

მუსიკოსისთვისაც, თორემ მწერლისათვის — თავისთავად.

ხოლო როდესაც შეეცდებოდა გადაჩვეოდა მოკლე სიმღერების წერას, დაიწყებდა... გრძელი პოემების კითხვას. თავიდან აინტერესებდა, შეძლებდა თუ არა მათ



დამახსოვრებას. გონებას ავარჯიშებდა, სურდა ცუდი ჩვევები გადაეგდო და სწავლობდა, თავი როგორ დაემშვიდებინა.

ლორდ ბაირონის „დონ ჟუანს“ რომ ნაიკითხავდა თავიდან ბოლომდე და ყურადღებით, მიაყოლებდა სემუელ ტელიორ კოლრიჯის „კუბლა ხანსაც“ და ასე ჩაქედავდა გონებაში ყველანაირ ღრმა შინაარსის პოემას.

— ისეთი გრძნობა მქონდა, თითქოს აქამდე ცარიელ ვაგონს მივართევდი, ახლა კი დავეწყე მისი შევსება და უფრო და უფრო მეტი ძალა მჭირდებოდა მის საზიდად.

უილიამ ფოლკნერის ნაკითხვას ამ სიტყვებით ურჩევდნენ: რასაც იგი აკეთებს, ძნელი საქმეა, ძნელია ღრმა გრძნობები სიტყვებით გადმოსცე, თორემ „კაპიტალის“ დაწერას რა უნდაო.

როდესაც არჩიბალდ მაკლიშის, კარლ სენდბერგისა და რობერტ ფროსტის მხატვრული აზროვნების ძირითად თავისებურებებს ამ ლიტერატურულ ფორმულებში ჩანურავდა თავისთვის: ერთს ღამის ქვებისა და სწრაფი მიწის პოეტად რომ მოიხსენიებდა, მეორეს — პრერიებისა და ქალაქის, მესამეს კი — ბნელი მედიტაციებისა, უფრო ცხადი და თვალსაჩინო სურათის წარმოსადგენად, თუ როგორ შეძლეს ამ გრანდიოზულმა ფიგურებმა XX საუკუნის ამერიკის ესპიზის მოხაზვა, მათ მიიჩნევდა ახალი სამყაროს იეიტსად, ბრაუნინგად და შელიდ.

რაოდენ ზუსტი და მოხდენილი პარალელებია.

არა, მაინც რა დრო იყო, რომ ოდესაც ნიუ იორკში, ამ ობობას ქსელივით ჩახლართულ ქალაქში, წამლადაც რომ არავის იცნობდა, თავისი ბედის შეცვლას მოელოდა და თან ძალიან სწრაფადაც ეს მეოცნებე და ყოვლად არაპრაქტიკული ადამიანი, ვინც 50-იანელთა კულტურას იმ მოსამართლეს ადარებდა, უკანასკნელად რომ იჯდა თავის სკამზე.

არადა, მისი დრო იწურებოდა.

მომდევნო ათი წლის განმავლობაში კიდევ რამდენჯერმე უნდა გაეგრძობა ამ კულტურას ფეხზე წამოსადგომად და... საბოლოოდაც დანარცხებულიყო ძირს.

მაგრამ ბობ დილანისათვის ამას რა მნიშვნელობა ჰქონდა, რაკილა:

— ფოლკი ის ექონდა გონებაში ჩაბეჭდილი, როგორც რელიგია. ფოლკი სცდებოდა იმჟამინდელი კულტურის საზღვრებს.

ხოლო დაუმცხრალ ძიებებში რომ ჩაეფლობოდა, გრეგორი კორსოს ლექსს „ბომბი“ ყველაზე ზუსტ გამოხატულებად მიიჩნევდა თანადროული სულიერი განწყობილებისა — უსარგებლო, მექანიზებული მსოფლიო, გახვეული დავიდარაბასა და წენვა-გლეჯაში. და იგი არც აპირებდა რამეზე დაემყარებინა იმედები, რადგან ისედაც პარალელურ სამყაროში იმყოფებოდა, სადაც არქაული პრინციპები და ფასეულობანი მოქმედებდა და თავლდათვალ ამოიხდებოდა კულტურა, რომელსაც ქმნიდნენ კანონდამრღვევი ქალები, სუპერ ბანდიტები, დემონის მოშიშნი... ქუჩები და მინდვრები, ტორფით მდიდარი ჭაობები, მინათმფლობელნი და

ნავთობის კაცები, და ასე იქსოვებოდა უხილავი სამყარო, რომელიც ზემოდან დაგყურებდა.

ასეთი გახლდათ ეს სამყარო — იდეალური და ღვთისმომშიმი, ოღონდ... შენ უნდა გეპოვნა, თავისით არ გაეახლებოდა.

— ფოლკის მუსიკა კი რეალობა იყო, ოღონდ სხვა ბრწყინვალე განზომილებაში. ფოლკი გასცდა ადამიანური გაგების შესაძლებლობას, და თუ თავისკენ მოგიხმობდა, გაქრებოდი, შეგინოვდა და შეეისი-სხლხორცებოდი.

ეს მაშინ, თუკი ამ მუსიკალურ მიმდინარეობა-ტრადიციას ბობ დილანივით გაუიგივებდოდი და აღარც გეცოდინებოდა, რა იყავი დამოუკიდებლად და რა ხდებოდი მასთან შერწყმული. და ეს პარალელური და ღვთისმომშიმი სამყარო, ეს იდუმალეზა უნდა მოეტანა ჩვენამდე მელოდიებითაც და... ავტობიოგრაფიული რომანიც, რომელიც მხოლოდ ჩინებულ მთხრობელად კი არ წარმოგიდგება, არამედ დაკარგული რიტმების მეგზურად, იდუმალეზის მაცნედ და შემადგინებლად, ისევე რომ გითრევს, როგორც გულისშემძვრელი აკორდები.

და მზერას ამიტომაც მიაღვენენ, თუ როგორ ესისხლხორცება ამ იდეალურ სამყაროს, რომელიც პიროვნებათაგან კი არ შედგება, არამედ — არქეტიპებისაგან, თვითეული ძლიერი სულის პატრონი რომ არის, თანდაყოლილი ცოდნითა და შინაგანი სიბრძნით მდიდარი.

და საკუთარ სამეფოში რომ იგრძნობდა თავს, იმდენად რეალური მოეჩვენებოდა, თვით ცხოვრებაზე მეტადაც რეალური.

ფოლკმუსიკის სცენა რისთვის შეიძლება შეედარებინა?

ალბათ მაინც... სამოთხისათვის, რომელიც ადამიანი უნდა დაეტოვებინა.

რამდენიმე წლის მერე ქაოსს უნდა ემძლავრა და ყველაფრის დაწვა დაწყობა — ლიფების, ჯარში განწვევის შეტყობინებათა, ამერიკის დროშების, ხიდებისაც. ეროვნული განწყობა უნდა შეცვლილიყო და ცხოვრება საშინელებათა ფილმს — „ცოცხალი მკვდრების ღამე“ — უნდა დამსგავსებოდა.

და იქიდან გამოსასვლელი საიმედო გზა არ მოჩანდა.

არ იცოდი, საით წავიყვანდა. მაგრამ ბობ დილანი მაინც უნდა დადგომოდა ამ გზას.

წინ რომ უცნაური სამყარო ელოდა? ჭქქა-ქუხილის მომასწავებელი ღრუბელი, რომელიც უნდა გახსნილიყო?

რას დაგიდევდა მოსალოდნელ ხიფათს და... პირდაპირ შეაბიჯებდა იმ გაორებული განცდით ალესილი: სამყაროს ღმერთის ხელი არ მართავს, ოღონდ არც ეშმაკისო.

ამ ყველაზე მძაფრი აკორდი თუ დაბოლოვდებოდა ათასგვარი მღელვარებით გაჟღერებული თხრობა, თვითონ ავტორი სტრიქონთა შორის მიმალვას, მიფარებას რომ ამჯობინებდა უზომო თავმდაბლობის გამოისობით.

და თუ თვითონ ფერენც ლისტის მიმართ შეეძლო გამოთქვა ეს აღფრთოვანება: მომწონდა, როგორ შეეძლო ერთ ფორტეპიანოს მთელი ორკესტრის ექვეტის მოხდენაო, — თაკო ჭილაძე ამ ფრაზაში აღმოაჩენდა გასაღებს ბობ დილანის ხელოვნების შთამბეჭდაობისაც და თავისებურებისაც: მიკვირდა, როგორ შეეძლო პატარა, ტუჩის ჰარმონიკით ისეთი ემოცია გამოეწვია, რასაც მთელი ორკესტრი თუ ალგიდრავსო.

რაღაც ამგვარ შთაბეჭდილებას გიტოვებს „ქრონიკებიც“, ერთი ნიგნი თავისი სისავსით ნიგნთა მთელი წყების შეგრძნებას რომ გიჩენს და... ეგებ მთლად რეალობისაგან მოწყვეტილიც არ იყოს ის შეფასება, ბობ დილანის მწერლური გარდასახვა შექსპირის დაკარგული დღიურის აღმოჩენასთანაც რომ შეუდარებიათ.

თორემ „გზაზე“ და ამისთანები ხომ რა სათქმელია...

თუმც ასე ადვილადაც ნუ წამოგვრავთ ხელს.

ერთხანს იყო თუ არა, ბობ დილანს ხომ არც განერჩეოდა ბიბლიისაგან და ამერიკის გზებსა თუ საკუთარი სულის ბილიკებზე მოგზაურობისას ეს რომანიც შთაგონებდა.

არა მაინც როგორ შეეძლო ფერენც ლისტს ერთი ფორტეპიანოთი მთელ ორკესტრად დაგტყდომოდა თავზე?!



რატი ამალლობელი

ეოლოსი

ეოლოსს ეფრინოს, ეოლოსს ევლოს,
უქროდეს ფიქრის აფრებს და არფაზე
უკრავდეს, უკვირდეს, უყვარდეს, ეულს რომ
მომძებნის მითოსის ცარიელ დარბაზში.

ქუსლზე რომ უკბინა გველმა ევრიდიკეს,
ეოლოს მინდვრებით იფრინე იქითკენ,
მაგ შენი ქარული კალთების ქარავანს
გაყვებები, მინდა რომ იქ ვიდგე.

განცდების ზღვებში რომ გიყვარდა შებერვა,
გრძნობების ამღვრევა, ერთხელაც შენ ქრისტემ
თუ გახსოვს გიყვირა, შეგთოკა, შეგრისხა —
მას მერე ისურვე ნიადაგ შეფარვა.

ეოლოს ოდისევს ეგ სიო როდი სდევს,
იგი ქარიშხლებით დაბურე,
მე კი გაქვავებულ სივრცეში ლოდინს ვერ
ვუძლებ და ზღვა მიდგას ირგვლივ უდაბური.

ეოლოს დაბერე, ზღვისპირა ზეფიროსს
აფრებში ეფრინოს, ეყვიროს, ესუნთქოს,
მე თვალებს დაეხუჭავ და ქარით შესუდრულ
სივრცეებს ხომალდით გაყვებები ზეპირად.

ეოლოს გველოს, ეოლოს გეფრინოს,
ეოლოს ამ ხომალდს, ამ სხეულს დამსხვრეულს
მოგანდობ, სრულიად რომ შემომეფინო
და ვერ განგასხვავო.

პოეზიის ანგელოზი

როგორც მოლანდების ელდა — მოალდები,
თვალწინ ამენთები როგორც მოჩვენება,
რაც კი დაკარგულა ზღვაში ხომალდები,
შენში უპოვნიათ მოსვენება.

როცა სიზმრებიდან მაკვირდები,
გიყვარს ჩურჩული და შთაგონება,
მე კი თვალღიას და გაკვირვებულს
ცხადში არაფერი მაგონდება.

მდგარი ძილვედილის გალავანთან
წვეთ-წვეთ, ნაწილ-ნაწილ, ალაგ-ალაგ
ვცდილობ ასო-ასო ვთარგმნო სიზმრებიდან
შენი ბაგე-სიტყვა და ქარაგმა.

როცა გამოითქმი — გარეთა ხარ,
სიტყვის დინება ხარ, ნაკადი ხარ,
მთავარანგელოზის ბაგეთაგან
ქალწულის ნიაღში გადადიხარ.

შორის ღვთისმშობლის და გაბრიელის
თავად უწყება ხარ, ხარება ხარ,
კაბა უხილავი გიფრიალებს,
შინაგანიდან რომ გარე გახვალ.

კაბა უქსოველი პერანგივით
შროშნებით ამოკემსილი გაქ,
ზევიდან გზვერავს სერაფიმი,
გვერდიდან წმინდა სესილია.

ხარების შროშანი

აყვავდი როგორც ხარების შროშანი,
დაძლიე დრო-ჟამი, რომ ფერი მოშავო
მოშალო შენში და იცვალოს ზნე-ჩვევა,
გაოცდე იმგვარად, რომ ქრისტე გეჩვენოს.

დაე, მე არ მენდო, ანგელოსს გაენდე,
მოძებნე, აინთე, დილიდან ღამემდე
შენშივე, შენს ნიაღ, შენს წილ და შენში რომ, —
„ანგელოსს ეჭიროს გრძელი პერგამენტი“.

გიკითხოს ძილისწინ ღვთისმშობლის გზავნილი,
კითხვაში ჩატვლიმოს დაღლილი მგზავრით,
შენს ნაპირს მოადგეს ხომალდი ზღვა ვლილი —
ცა იყოს ბალი და ვარსკვლავი — ყვავილი.

შროშანთა სურნელით შიგნიდან აყვავდი,
გეაროს შემხვედრთა შვებათ და შენდობათ,
მშვიდობით ოდესმე შემთხვევით ნახვამდე
და მერეც მშვიდობით.

სამშვიდობიანი

ავგისტოს ბოლოს ხშირ-ფოთლოვან, მრუმე, ვეება
ღამეულ ტყიდან ვრცელ მინდორში გასვლა ხარ, ვიდრე
მინდვრის გარშემო ისევ გიგრძნეს ტყის სიღრმეებმა —
გავაკება ხარ, გამინდვრება, რომ ციდან მკვიდრი

შენ ვარსკვლავების ნახო ცვენა, გახდე მონმე და
დამკვირვებელი, აღმრიცხველი, ციდან მოწყვეტილი
მნათობთა, მერე სახელდება უნდა ითავო
მათი და ასე, ასო-ასო თქვა — სათითაოდ.

შუქი, წამით რომ გაიღვავა და გაანათა
ტბის ნახევარი, ჰორიზონტი, სიმაღლე ტყეთა,
შუქი, მოწყვეტილ ვარსკვლავების შეკრიბე ერთად,
გახდი მიზანი მათი ვარდნის, გახდი კალათა,
რომელსაც ავსებს სინათლის და ხილვების ელდა.

თუ კი არ მოგხვდა ვარსკვლავეთი, ვაი, თუ აცცდა
ცეცხლმოდებული მისი მტვერი კომეტარული,
ვერ მოგწვდა ზეცა, როგორც ფიქრი, აზრი და განცდა,
მოგწვდება ძილი უსიცოცხლო და ლეტალური.

რა არის სული პოეზიის, რომელიც ქრება,
თუ არა ჩვენში ჩამოცვნილ ვარსკვლავთა კრება.

გიორგი ლობჯანიძე

დიდი ხანია განიავდა კალოზე ბრელო,
ესვამ გიორგობის სადღეგრძელოს
თლილი ჭიქიდან,
ტყე შეიშალა,
გადაიცვა სამოსი ჭრელი,
ყელზეც კუნელის ცელქი მძივი ჩამოიკიდა.
ყინვით გადამზრალ ბალახებზე
კიაფობს თრთვილი,
როგორც კურცხალი ქალის,
ქმრისგან ნალაღატევის,
თავში რომ ფიქრი უღალანანებს
ისე ულონოდ,
თითქოს შარაზე მიდიოდნენ სოფლის ბატები.
ისეთი ცრუა ყველაფერი,
იქნებ აქ დარჩათ
ემშაკს ფეხები
და მელიებს გრძელი კუდები...
შენ თუ არ მოხვალ,
მოსასვლელი ცოტა აქვს ზამთარს,
ხელეებს გაფუშლი და
უგონოდ ჩავეხუტები...

ისე მყიფეა, როგორც სურვილი
სიყვარულის,
მინასავით ხელში მეფშვენება
და მომუჭულ ხელისგულებს მისისხლიანებს...

ნუ გეგონება, პრინცი ვიყო,
არ დაიჯერო!

ისევ ასე ვიყიყინებ
და უარესად...

ოპერაცია

მთელი ცხოვრება ვერ ვხედავდი.
ბრმა დავიბადე.
შავმა ფერმა შემიცვალა
ფერად-ფერადი,
საკუთარ თავში ჩაძირული
წყვედიანს ვენწვნიდი
და იქიდან ამომქონდა ყველა ფერი
წარმოსახვაში,
რომელელებიც გარეთ არსებულ და
მზის სინათლეზე მბრჭყვიანავ ფერებს
არ ემთხვეოდნენ.
თვალეები შიგნით, გულში მქონდა ჩახორცებული
სიხარულის თუ ნალველისას,
როგორც უფსკრულში ვარსკვლავები
იქ ცვიოდნენ
თავგამეტებით.
მე ვერ გხედავდით,
მაგრამ გგრძნობდით
როგორც ნადირი,
სუნით,
ფაჩუნით,
მიხვრა-მოხვრით
და გენდობოდით
და მინდობა,
რომ დამენახეთ.

საშინლად მახსოვს ის ნანატრი ოპერაცია,
როცა თვალეები გულის კუნთიდან ამომკვეთეს,
ქუთუთოებში გადამინერგეს
და მომიმარჯვეს ყველა ფერის დასანახად.
რა თქმა უნდა, არავისაც არ უკითხავს,
თუ ემთხვეოდა ჩემი ფერები
გარეთა ფერებს.
ყველა ფერი უპირობოდ უნდა მიმელო,
რალაცნაირად განწირულად,
უშელავათოდ...
მაგრამ ამაზე მაშინ სულაც არ მიფიქრია.
სიხარულისგან ატაცებულს
თავბრუს მახვევდა
ეს ქვეყანა — პირველნანახი,
ჯერ მზე, ცა და მზისქვეშეთი მოვისურვილე,
მერე მეტროში ჩავედი და შინისაკენ
გზას დავადექი.

ვაგონში ბევრი ხალხი იყო
და ის ბიჭი
ჭუჭყიანი, თმაგაჩჩილი,
ვილაცას გვერდით ამოუდგა
და კოსტუმის შიდა ჯიბიდან
ტყავის საფულე ოსტატურად ამოაცალა.
ჩემ გარდა იგი არავისაც არ დაუნახავს,
იმანაც მიგრძნო
ზურგით,
ფრთხილად შემოტრიალდა
დიდხანს მზვერავდა,
მერე ჩუმად, ულვაშებში ჩაიღიმა
და უსიტყვო გაგების ნიშნად,
ჩამიკრა თვალნი...

ჩვენს აივანზე ისე ხარობენ და ჭიკჭიკებენ მერცხლის გუნდები, თითქოს ატოცში ღამე ვათიეთ და ახლა ყველა სახლში ვბრუნდებით; თითქოს ახსნია ამ სახლს ყოველი ჩაჟანგებული ბოქლომ-საკეტი, და შენც აქა ხარ, კვლავ ძველებურად გიხდება შენი თეთრი ჟაკეტი, რომელიც ისე ფრთხილად გაცვია, თითქოს სუყველას გვებოდიშები, რომ ერთხელ რაღაც შენთვის იყიდე, გარეთ ხეები დგანან შიშველი და შენც მათსავით გამხდარს და დალილის შარშანწინდელი ბუდეებივით შეგიდგამს მხრებზე პატარა სახლი, სადაც ექვსივე და-ძმა შინა ვართ — ჩვენი სამყოფი დარდით, ფიქრებით, ნურსად გაგვიშვებ, დედა, ასეთი ბედნიერები ვერსად ვიქნებით.

ყველაზე მარტივი წინასახალწლო ლოცვა

ნაძვის წვერზე ჩემი გირჩა თავს ვერ იჭერს თურმე ყინჩად, რაღა მომკლავს, ღმერთო, თუკი მე ეს გირჩი გადამიჩნა...

ალარ ვიცი ლოცვა, მაგრამ თუ ოდესმე მილოცია, გვედრები, შემენიე, ააცილე ყველა ხინჯი, ნაძვის ტოტზე აქანავე ჩემი საყვარელი გირჩი...

იოზის სახარება

ეს ზღაპარი ჩემი შვილისთვის უნდა მეამბო და ზღაპარი სიზმრად იქცა, ყელზე თოკად შემომხეხია, თავისაკენ გამინია გულჩახურული....

ღამის ვენახის შუაში ვდგავართ, ბელტებივით გვაყრია თავზე შავი მტევნები....

ჩემი პატარა, მკვდარი შვილი მიჭირავს ხელში, ალარ ვიცი, საით წავიდე, სად დავმალო, რომელ ზღაპარში, რა უმღერელ იავნანაში....

სიხარულის ნაპერწკალი მარადიულ ცეცხლად იქცა, თავის თავში შემითრია,

მანამდე კი ასე ვწერდი გაგიჟებული:

რითი ველარ გამოცდადე, შენ თუ არსებობ... თუ ყველაფერი შემთხვევითობის მაღლი არ არის? როგორ მოგკლა, მხოლოდ იმიტომ, რომ სხვაგვარია? რომ ნეკნები სხვანაირად დაულავდა დედის სამოში... როცა მასთან სხივი აღწევს, ის სახეზე ხელეებს იფარებს... ადამიანი კატა არ არის, რომ თავისი ავადმყოფი შვილი შეჭამოს... სულაც პირიქით: უფრო უყვარს, ყველას ჯინაზე... მე ის მიყვარს და მწამს: ორივეს ეს გვეყოფა, რომ მან იცოცხლოს უფრო ზუსტად: მე ვაცოცხლებ — შენ წაიყვანე... ოლონდ მერე ნუ გაიკვირვებ, თუ არ გენდობი...

მე არ ვიცი, იქნებ ამ სიზმარს სულ სხვა ცხადში უდგას ფესვები, საიდანაც ნდობა საზრდობს...

მასალა თან გაქვს? — მეკითხება პათანატომი...

ეს მასალა ჩემი შვილია, რომელიც აქ ვერ დაიბადა და ამაშიც კი ვერ ენდობიან, თუ არ გაკვეთეს იმისათვის, რომ სიკვდილი დაუდასტურონ...

წვერიანი ქალი არის პათანატომი, უკვე მოხუცი და ეტყობა, რომ ღმერთი არ სწამს... არც სახარება წაუკითხავს, მითუფრო, არც იობის წიგნი, სადაც ღმერთი დამდგარა და ხმელ ფოთოლს ებრძვის...

მეგობარი კი, ვისაც ყველაზე მეტად ვენდობი, მეუბნება: როგორ გითხრა, მაგრამ ის, რაც შენ დაგემართა, უბედურებას არაფრით არ ჰგავს! — ზუსტად ვიცი, რასაც გულისხმობს...

მაგრამ ჩემთვის სახარება შობით იწყება, სახარება მკვდრადშობილთა წიგნი არ არის და იქ შვილი არ ისჯება მამის ცოდვისთვის...

რამდენ ვინმეს ექცა ცოდვად სხვანაირობა... უპატიებელ შეცოდებად და სიცოცხლით ზლო...


შენც გიშვებ, შვილო, ყველაზე დიდ განსხვავებულთან, ის ჩაგიხუტებს...

აქ შრიალებს ხმელი ფოთოლი...

და მისი ხმა ისე მოისმის, თითქოს ზუზუნით წვერს იპარსავს პათანატომი....

დასასრული

ყველგან ჭირია: აქაც და იქაც, და რაც არ უნდა მზეები ხატო, ვერ გამოცხვება ღვთიური პური იქ, სადაც ფქვილი ქცეულა ქატოდ... ველზე ეშვება ღორების კოლტი, ირგვლივ ყველაფერს მსუნაგად ხაპავს, დაფინყვებია პაპას ზღაპარი სძინავს და ბოლო არ უჩანს ზღაპარს... მინდვრის ბოლოს კი ეული ალვა მაინც შრიალებს — ქარების ურჩი, თითქოს ცხოვრება, ლექით კი არა, ქადა-ნაზუქით უცხებდეს ხურჯინს... და ლხინი აქა და ფქვილი აქა, თავის ადგილას — ჭირიც და ქატოც... და შენც არა ხარ ღორების კოლტი, როცა გინდა, რომ მზეები ხატო...



პაატა შამუგია

საქმიანი პოეტი

მიმოვდივარ ენაში (უფიზოდ), ვდებ საქმიან კონტრაქტს ზმნებთან და არსებით სახელებთან, შორისდებულებს შორის ვდებ ზავს. მე საქმიანი პოეტი ვარ.

ვანარმოებ დიპლომატიურ მოლაპარაკებებს ბინარულ ოპოზიციებთან, ზმნისწინის უკან ვდგები — თავაზიანი ვარ, მაგრამ წარსულ დროს ზურგს ვაქცევ — თავზედი! ფუძეს ვუსინჯავ საკუთარ თავს — მყარად უნდა ვიდგე. მე საქმიანი პოეტი ვარ.

ვხვეწ ურთიერთობის ფორმებს — ფორმაში ვარ. ვანსერივებ ჩემი სხეულის ჩამოქცეულ ინფრასტრუქტურას — დავრბივარ. განტვირთვის მიზნით, პირველსავე შემხვედრ გოგოში ვდებ ჰორმონების ინვესტიციას — ოჰო! არაფერი პირადი, მხოლოდ ლექსი. მე საქმიანი პოეტი ვარ.

ის, ვინც წლობით ცხოვრობდა მზა პასუხების ციხეში, ყველა ამნისტიით გამოვუშვი. დროა, ყველას მოგვესაჯოს მშვიდობა! დროა, ყველას მოგვესაჯოს სიყვარული! ახია ჩვენზე! ნულოვანი ტოლერანტობა წვრილმან გატაცებებს! მე საქმიანი პოეტი ვარ.

ვცდილობ აღმოვფხვრა სეპარატიზმი — გაუცხოება ენას (ანუ სახელმწიფოს) და ადამიანს (ანუ ადამიანს) შორის. ის, ვინც ლაპარაკობს, ყოველთვის ტყუის. ვინც წერს, მას კი მუდამ ამჟღავნებს ის, რასაც წერისას ტყუის. ჩემი ტყუილი საშუალოა, ჩემი ლექსები — უშუალო.

მე საქმიანი პოეტი ვარ.

განიოსი*

დღეს დილით, როცა შფოთიანი სიზმრების შემდეგ, გამოვიღვიძე, აღმოვაჩინე, რომ საშინელ გენიოსად ვქცეულვარ. ფსიქოლოგიურად ამისთვის ყოველთვის მზად ვიყავი, მაგრამ მაინც გადავამოწმე: სარკეში ჩავიხედე და ჰაბიტუსი შევითვალაიერე, წყალი არ გაუვა, გენიოსი ვარ. მხრებშიც კი მოვხრილვარ, როგორც პატიოსან ტიტანს შეჰფერის, ალარაფერს ვამბობ ანუელ მარცხენა წარბზე. გავდივარ ქუჩაში და ჩემზე შეყვარებული გოგოების ურდოებს მუჯღუგუნით ვიგერიებ, ღმერთო ჩემო, მაინც რამდენნი არიან, მაინც რა რთულია ცხოვრება, როგორ უნდა გაუძლო ამდენ სიყვარულს! პრეზიდენტის ესკორტი ჩერდება, გადმოდის ქვეყნის პირველი პირი და მეც სულ პირველ პირზე კოცნით ვხვდები, ის, თავის მხრივ, გენიოსურ ხელზე მკოცნის, დაჩოქებას არ ვანებებ, მე თავმდაბალი გენიოსი ვარ. მლოცავს პატრიარქი, პაატა ბურჭულაძე კი სახელდახელოდ შექმნილ ჩემს ხატს ვერტმფრენით დაატარებს.

ქალები ჩემს სურათს ლიფტებში მალავენ. რა მაქვს სანუნუნო. მართალია, ანგელოზის გარეგნობა არ მაქვს, და საერთოდაც, არჩევა რომ შემეძლოს, უფრო მოხდენილ სხეულს ავირჩევდი, დაკუნთულს და მუქკანიანს, და ჩემი ცხვირიც, რომელიც ასე უზარმაზარია და რომელზეც, პრაქტიკულად, მთელი ქართული გენეტიკური კოდი განისვენებს, უფრო მოკლე იქნებოდა, აპრეხილი, დონჟუანისებრი. მაგრამ რაც არის, ეგ არის. მე მხოლოდ გენიოსი ვარ და ამასაც უნდა დავჯერდე.



თვალცრემლიანმა დაჭრილმა სირი-ელმა ბიჭუნამ ამოიტყრა: „ყველა თქვენ-განს ვუჩივლებ ღმერთთან, ყველაფერს მოუყვები“. ამ სიტყვებმა არა მარტო საავადმყოფოს მდებარე სონაზე იმოქმედა, არამედ მთელი მსოფლიო შეძრა.

როგორც ამბობენ, ბავშვი გადაარჩინეს ექიმებმა. მისი სიტყვები დაუფიქრებელი და შემადრწუნებელი — ომის ავტორებისთვის კი წყველასავით უნდა ისმოდა.

ჩვენი ცხოვრება, სხვა ყველაფერთან ერთად, ძირითადად, სიმულაციითაა ჯამია. ყოველთვის მახსენდება: მე ვიცი, რა იმალება ადამიანში... და ფსალმუნის 115.

1. მრწმენა მე, რომლისთვისცა ვიტყვი; ხოლო მე დავმდაბლდი ფრიად.

2. და ვჰსთქუა განკვირნებასა ჩემსა, რამეთუ: ყოველი კაცი ცრუ არს.

ასე რომ, სიმულაცია და სიმულაკრები ადამიანური ცხოვრების თანმდევი დასაბამიდან დღემდე, ურომლისოდაც ცხოვრება არ არსებობს და თუ არსებობს მხოლოდ პირობითად. თანამედროვე კულტურისთვის ამ თემით დაინტერესება განაპირობა სიმულაციის მასშტაბებმა პოლიტიკასა და ეკონომიკაში, ადამიანის ყოველდღიურ ყოფასა და კულტურაში („კულტურა ხმაურია“ — პოლსონი), რომელიც ხმაურზეა მიბმული. ზედაპირული ბრჭყვიალება გაბატონდა და სიღრმის გადაფარვას, ამოვსებას პიარტექნოლოგია არეგულირებს „ნარმატებით“!

„ღმერთისგან

ნარმოქმნილი ადგილი“...

„ღმერთი გეომეტრიული ფიგურაა, რომლის ცენტრი ყველგანაა, გარშემოწერილობა კი არსად“. ასე ამბობდა ემერსონი და წმინდა აგუსტინეს მოსაზრებას იმეორებდა. ამავე საკითხზე წამიკითხავს პასკალის მოსაზრება, მოგვიანებით კი ბორხესის ესეიში ნაწილად იმავე კონტექსტს და ციტირებს. იუნგი ამ თემის განზოგადებისა და გაშლის შემდეგ გადადის ყველასთვის საინტერესო პარალელზე, როცა დედამიწის ცენტრის შემდეგ აღნიშნავს ადამიანის სხეულის ცენტრს. თუმცა ჩვენ ვერ ვიგებთ ადამიანის ცენტრის გარშემოწერილობაც უცნობია თუ არა!

ყოველ სხეულში არსებობს ცენტრი ან ადგილი. შესაბამისად, თესლ-ჩანასახის ადგილსამყოფელი. ეს ადგილი არის punctum divinitus ortum (ადგილი, რომელიც ღმერთისგან წარმოიშობა). იუნგი, „ფსიქოლოგია და რელიგია“. გვ. 83.

ჩემი პერსონაჟის ტრაგიკომიკური ფრაზა: ისე ვარ, როგორც გუსტავ მალერის მეხუთე სიმფონიის ადაჯოს ბოლო ბგერა ფერმატოს განწყვეტის მოლოდინში, ესე იგი, დირიჟორის ხელის შემყურე!

ვისაც ორტეგა ი გასეტის „მასების ამბობი“ ახსოვს, დამეთანხმება, თანდათან მასკულტურა რომ იმკვიდრებს მისთვის მოხერხებულ ხალხოსნურ ნიშანს ჩვენშიც — და ეს ადამიანები, ასე რომ ერთგულე-ბენ ზერელე რიტორიკას, ემორჩილებიან ქება-დიდების ეიფორიას, მგზნებარე შეძახილებს — საკუთარ ხიბლში ტივტივებენ და რასაც იხინი ქმნიან, მხოლოდ თავის მოსატყუებლად გამოადგება. ეს ტრაგიკომიკური, თეატრალიზებული წარმოდგენა მხოლოდ სადღეგრძელოებით და ჰიპერბოლიზებული დითირამებით არის გაჯერებული, თან დიდი კვლევა არ არის საჭირო იმის დასადგენად, რომ რასაც ამბობენ, თითონაც არ სჯერათ, მაგრამ ფიქცია მაინც ინერციისკენ უბიძგებს. ინერციაც პირობითია, როგორც გაჩერებული ავტომობილი, რომელსაც მხოლოდ იმიტომ არყევენ, ვიღაც რომ დაარწმუნონ ცრუ კადრით, მანქანა ნამდვილად მიდის. ეს ყოველთვის ჩემში ტოვებს სობრალულის განცდას იმით მიმართ, ვინც საგულდაგულოდ ემზადებოდა ამ სიყალბისთვის!

კიდევ ერთხელ დავრწმუნდი, რომ ცინიზმი, მეტადრე უინტელექტო, ესე იგი, გოიმური, სულიერ უძლეურობაში იბადება

და ნეგატიური ენერგიით საზრდოობს! ესენი ყოველთვის ქირქილებენ, ლხინსა თუ ჭირში, ზემოზე და მაშინაც კი, როცა სარეცელს იყოფენ გულისწორთან! თუ რამეს ეტყვი, ნაღვლიან ნიღაბს მოირგებენ და პირჯვარს გადაისახავენ ან თავის მართლებას მოჰყვებიან აგრესიულად. ესაა მათი საერთო, განზოგადებული პორტრეტი.

ცინიზმი გამართლებულია მხოლოდ მაშინ, თუ პიტალო უნიჭობას შეეხება და სხვა გზა არ გრჩებათ, მაგრამ გირჩევთ, ასეთებს პაექრობაში არ აჰყვით. რა აზრი აქვს წყლის ნაყვას?

„ღვინოს ვსვამ, დუდუს ვაკენებს, ქალებო, გენაცვალები!“

ამ სიმღერის პრიმიტიული მელოდიითა და შინაარსით გაჯერებულია მისი ცხოვრება და ფილოსოფიური დოქტრინის „ჰარი-ჰარალიზმის“ ერთგულებას მთლიანად უძღვნი თავის სიცოცხლეს, როცა დუდუს ხელახლა ჩაბერავს და მანამდე აკენებს, ვიდრე თვალზე ცრემლი არ აუცივდება და სიმღერისას ხმა არ გაეზარება. იმ ხმაში გაჩენილ ბზარშია ჩაბუდებული მთელი მისი გაუქმებული დარდები და აუსრულებელი სურვილები. მოძღვარს კი აუჩქებია: სურვილების დევნას თუ თავს არ დაანებებ, საერთოდ გაქრები, ისედაც მოწუნულ კანფეტს ჰგავხარო.



შოპენის მეოთხე პრელუდია

შოპენის მეოთხე პრელუდია ყველაზე მცირე ხანგრძლივობის ნაწარმოებია მის შემოქმედებაში და თითქმის ორ წუთს გრძელდება, არასრულ ორ წუთს. ამ თითქმის ორი წუთის არაჩვეულებრივი დინამიკა გვირგვინდება ასევე არაჩვეულებრივი ფინალით და საფინალო აკორდებს შორის ხაზგასმული პაუზით; მოკლედ, შოპენმა თითქმის ორი წუთი ისე გენიალურად აღავსო მშვენიერებით, რომ შეყოვნებული ფინალისთვისაც საკმაოდ დრო დაიტოვა და გამეორებულ პაუზებს თავისუფლად სუნთქვის სრული საშუალება უბოძა, რამაც განაპირობა ამ მინიმალისტური პრელუდიის ბუნებრივი სისრულე.

პრემია ნდომიაშვილი — ძალიან ნდომიაშვილი!!!

ადამიანური დეგრადაცია

ყოველთვის მიუღებელი იყო ჩემთვის პლტეური აღზევება და მათი გემოვნების უფრო ზუსტად რომ ვთქვა, „გოიმოვნების“ დამკვიდრება, მაგრამ ამ უარყოფით მოვლენას მრავალჯერ აღემატება კაცთმძიულენათა ზიზღში აღმოცენებული ქედმაღლობა და დამცინავი დამოკიდებულება ყველასა და ყველაფრის მიმართ, ვინც კი მათი მთლიანობის ნაწილი არაა. ადამიანებს შორის გაფეტიშებული პარტიული დისციპლინა სრულიად აკნინებს და კლავს ადამიანს, მის ნაცვლად კი აყალიბებს პარტიული ნიშნით შესაბამის ორგანიზებულობით გამორჩეულ მანქანას, რომლის ცხოვრების წესი არაადამიანურობით, ხელოვნურად

გაფეტიშებული მომავლით, ფაშიზაციით გამოირჩევა, იმ მომავლით, რომლის დასამკვიდრებლადაც აუცილებელია ფეოდალური მენტალიტეტის ქართველების „გზიდან ჩამოცილება“, რადგან მათი გარდაქმნა შეუძლებელია, ესე იგი, უნდა მოვიშოროთ. ეს აუცილებლობა გამოსჭვივის მათი იდეოლოგიიდან და საქმიანობიდან. ასეთი, სხვათა, თუნდაც მონინალმდევგათა ზიზღით შეპყრობილი ტიპები ვერ წყდებიან არადამიანურობის პათოლოგიურ ინერციას და სწრაფად დეგრადირდებიან! დეგრადაციის გამომწვევი მიზეზია ჰიპერბოლიზებული სიძულვილი, სიძულვილი იმ პერსონებით საზრდოობს, ვის სულსაც გამუდმებით ხრავს!

იგი თავის დამარცხებას ფეოდალური მენტალიტეტის საქართველოს აბრალებს, რომლის ამოძირკვა ვერ შეძლო, მაგრამ, როგორც ჩანს, მომავალში კვლავ შეეცდება, ცხადია, თუ მიეცა ამის საშუალება!

დათუარი ინსტინქტის ერთგული

24 ოქტომბერს სოჭში, „ვალდაის“ კლუბში სიტყვით გამოსვლისას, პუტინმა თქვა:

ნიპულირებს. შეიძლება ითქვას, რომ პუტინმა გაშიშვლება ამჯობინა საეჭვო შენიღბულობას და პირდაპირ გამოუცხადა მსოფლიოს — რასაც მინდა, იმას ჩავიდენ! ეს თარიღი და პუტინის ეს სიტყვები საგანგებოდ ჩავინერე, რადგან ეს განცხადება განსაზღვრავს მსოფლიოს, უპირველესად, რუსეთის შესაბამის მომავალს. ჩვენც აქვე ვართ, დათუარი კომპლექსებით მუდამ ჩაფიქრებულები. აქ უკვე დიპლომატიური მოძრაობისას იუველირის სიზუსტეა საჭირო, რადგან არც პასიურობა და არც ზედმეტი აქტიურობა არ გამოდგება. თუმცა, რუსეთი საერთოდ ვინმეს, მეტადრე ყოფილ კოლონიებს როდის უსმენდა? ის მხოლოდ საკუთარ სიხარბეს აყურადებს და იმავე დინებაში ცდილობს შესვლას.

გოდეჩი ჩოხელის განხილვა

ერთხელ გოდერძი „მერანში“ მესტუმრა. ნასვამი იყო და რესტორანში მეპატიჟებოდა. საქმე მქონდა და ვერ მოვიცალე, ვერ წავყვი. გამინაწყენდა და მალე წავიდა. მისი ნასვლის მერე, მოგვიანებით, მაგიდაზე ვიპოვე გაზეთში გახვეული ჩემთვის გაუგებარი შეკვრა, მდივანს გადავეცი და სეიფში შევანახინე. გავიდა რამდენიმე დღე და გოდერძი მოვიდა დანალვლიანებული. რა მოგივიდა, გოდერძი, რა ცხვირ-პირი ჩამოგტირის-მეთქი? აბა, როგორ ვიქნები, ფული დავკარგე, სადმე დამრჩა თუ დავკარგე, არ ვიციო! ვიგუმანე, რომ გაზეთში გახვეული უცხო რამ, სეიფში რომ შევანახინე მდივანს, ალბათ ის ფული იყო, გოდერძის რომ დავკარგე. ვიდრე მდივანი გაზეთში გახვეულ შეკვრას მოიტანდა, გოდერძის ვამხნევედი — თუ აქ დაგრჩა, არ დავკარგებ და თუ სხვაგან, აბა, რა ვიცი! შემოვიდა მდივანი, შემოჰყვა ბულალტერი, გადასცეს გოდერძის მოზრდილი შეკვრა გაზეთში გახვეული და თვალი შევავლე გოდერძის და დავინახე, როგორ გაუნათდა სახე, ჩაბჟუტულ ლამპას რომ ფითილს აუნევენ, ზუსტად ისე! გახსნა შეკვრა და გოდერძის ჰონორარი იქ აღმოჩნდა. გაიხარა, მაგრამ რა გაიხარა, გასწორდა, გაიმართა, გაბრწყინდა, ალაპარაკდა, მადლობას უხდოდა ყველას, ვინც იქ იყო და ისევ რესტორანში მპატიჟებდა. ახლა ვდარდობ, რომ მაშინაც არ წავყვი, მაგრამ აბა, რა ვიციოდი, რა შეიძლება მომხდარიყო მომავალში?! გოდერძი რამდენჯერაც შემხედებოდა, იმდენჯერ იქადნიდა, შენი ბიჭი უნდა გადავიღო ფილმში. არ დასცალდა. გოდერძი თეოდ ბექიშვილის ახლო მეგობარი იყო და ჩემთანაც მეგობრობდა. როცა „ცისკარში“ ვმუშაობდი, ხშირად მოინახულებდა-ხოლმე უფროს მეგობარს — თედოს და მერე მეც მომიკითხავდა. ეს ამბავი არავისთვის მომიყოლია, წერილობით თორემ, ისე საუბარში ბევრჯერ გამიხსენებია. გოდერძი ჩოხელის დასახასიათებლად საკმარისია, ალვინოზოთ მისი ბუნებრივი სინრფელე, უაღრესად გამჭვირვალე გული და უმნიკვლო სინდისი. მისი ნიჭის სათავეც ეგ არის — ეს მისი ნაწერებიდანაც კარგად ჩანს, განათათლოს ღმერთმა! მისი რომანი „მგელი“ — „მერანში“ რომ ვმუშაობდი, მაშინ გამოიცა.

ერთი ქველი ლექსის ქვეტექსტი

ეს ლექსი არ შემიტანია ახალ რჩეულში. დღეს ერთმა ახალგაზრდა მკითხველმა შემახსენა და მეც აღვიდგინე ის კონცეპტი, რაც ამ იგავურ ლექსში არც ისე ღრმადაა შემალული და კონტექსტი იოლად იკითხება.

გამოფიქრე ერთ აბზაცს, რამაც გამოახლა ამ ლექსზე შეხედულება და თავისუფლების თემაზე მკაფიო აზრი გამოიკვეთა: „ნიღბების ფასად მე მოვიპოვე ერთი ღამის თავისუფლება, თუმც სიბუნჯავს მიჩვეულმა აღარც კი ვიცი, რა თავში ვიხლი ამოდენა თავისუფლებას?!“

დამოუკიდებლობის მოპოვების მერე აღმოჩნდა, რომ ჩვენ მართლა ვერაფერი გავუგეთ თავისუფლებას და ისევ იმ მონობის უღელქვეშ დავრჩით, ურომლისოდაც ცხოვრება გაგვიჭირდა. ეს ძალზე ტევადი თემაა და შემოვიფარგლე ლაკონური მოსაზრებით, რაც ამ ლექსში — „კლოუნი“

— აღიბეჭდა ჯერ კიდევ 1977 წელს („ლექსები. პოემა“ — „მერანი“), როცა ამ თემაზე კულუარებში თუ საუბრობდნენ და სხვაგან არსად; აბა, საჯაროდ ვინ გაბედავდა ამის თქმას?!

სამწუხაროდ, დღესაც იმავე პრობლემას ვაწყდებით და ადამიანების მნიშვნელოვანი ნაწილი ისევ ინერციით განაგრძობს ცხოვრებას, ისე, რომ რას ნიშნავს თავისუფლება, წარმოდგენაც არ აქვთ, სამწუხაროდ.

ლიტცხოვრებაში რაც ხდება, ბევრი რამ ჩემთვის ნაკლებად საინტერესოა, გამონაკლისების გარდა. ყურადღებას ვამახვილებ იმ საიხლეზე, სხვისთვის რომ რატომღაც არ ჩანს, მაგრამ უხილავივით არსებობს მანამ, ვიდრე ვინმე აღმოაჩენს!

განმარტოებისკენ ასეთმა მისწრაფებამ შესაძლოა, მარგინალად მაქციოს, თუ უკვე არ ვარ, მაგრამ ვერ ვიდარდებ ვერც ამაზე, რადგან ვხედავ მავანთა შეუძლებლობას, ანუ შესაძლებლობას და მათ ლიმილისმომგვრელ, უარგუმენტო თავდაჯერებულობას!

როცა პოეზია ტოვებს ადამიანებს... მხოლოდ ლექსებს არ ვგულისხმობ, რადგან ლექსი ყოველთვის არ უდრის პოეზიას: პოეზია ხომ ჩვენს არსებობაში მოიპოვება, როგორც უძვირფასესი მადანი და მას იმეფათ და ცოტანი აგებენ, ხოლო პოეზიის უკანა პლანზე გადატანა იმას ნიშნავს, რომ იგი (მავანი) სულიერად დაკნინდა, ნირი შეიცვალა და დათმო ის, რასაც „ეყუდნოდა“! უფრო სწორად რომ ვთქვათ, თანდათან, ნელ-ნელა, შეაჩვიეს და დაუმალეს არსობის არსი, დაათმობინეს და ახლა უაზროდ დაყენებულს წინ და უკან და უმუშევარს, მოცალეობით მოყრდნობულს, მშვიდ და უაზრო თავისუფალი დრო რომ უპირებს გასრესვას, დროდადრო თუ წამოაგონდება ადრინდელი სკოლის პროგრამიდან „ვაჰ, სოფლო“ ან „ვაჰ, დრონი, დრონი“ და ესეც მაშინ, თუ სადმე მოახერხა და გადაკრა თავისუფლების ორიოდ ყლუპი.

ახლები აღარ აცტირებენ ქართულ კლასიკას უბრალო მიზეზის გამო, ზეპირად თითქმის აღარაფერს ასწავლიან და რა უნდა აცტირონ? თანამედროვე ქართულ მწერლობაშიც არის საინტერესო გამონათბები, მაგრამ ამ ტექსტებს სკოლაში არ აჭაჭანებენ „კვალიფიციური“ შემდგენლები. ასე იქცა სახელმწიფო ენა მხოლოდ საპარლამენტო სხდომების და საკანცელარიო დოკუმენტების ენად და საერთოდ, ვინმე მიიჩნევს, რომ მწერლობა სახელმწიფო ენის ნაწილია?! ასე რომ ფიქრობდნენ სკოლებსა და უმაღლეს სასწავლებლებში, შესაბამის ფაკულტეტებზე მაინც შეიტანდნენ პროგრამებში ზოგიერთ ლირებულ მხატვრულ ტექსტს, რომელსაც თავისი ასპარეზი უნდა ჰქონდეს სკოლებსა და უმაღლეს სასწავლებლებში. რადგან საბაზრო თვითდინებას და არაკვალიფიციურ, უგემოვნო შემდგენლებს მივანდეთ სასკოლო სახელმძღვანელოების შედგენა, ყოველგვარი შეფასებისა და შესწავლის გარეშე, სწორედ ამიტომ სავალალოა შედეგი, რომლის გამოსწორებასაც, სამწუხაროდ, არავინ ფიქრობს.

სულ რამდენიმე ლექსი მაქვს დანერგული ამ ყაიდის, ამ სტილისტიკის, როგორც არის „საით მიხვალ, შემოდგომა“. ახლა რომ დავათვალიერებ შემაჯამებელი კრებული, არ გამოიკვირდა იქ რომ ვერ აღმოვაჩინე, რადგან მივხვდი, შეგნებულად არ შევიტანე. ალბათ ეს იმ ინერციის ბრალია, რომელიც წარსულში გაბატონებული იყო ჩვენში და ახლაც განსაკუთრებულ პატივს მიაგებს მკითხველთა საგრძნობი ნაწილი. იმპულსების გარეშე, ცხადია არ არსებობს პოეზია, მაგრამ მხოლოდ იმპულსები არ არის საკმარისი ისეთი პოეზიის შესაქმნელად, როგორსაც მე ვგულისხმობ და ვაფასებ. გუშინ ერთმა ჩემმა კოლეგამ საუბრისას აღნიშნა, რომ პროზაიკოსს უფრო სჭირდება ინტელექტი, ვიდრე პოეტს. მისი აზრით, უინტელექტო პოეტს უფრო შეუძლია, მნიშვნელოვანი პოეზია შექმნას, ვიდრე ნიგნიერს. საუბარი ისე დავასრულეთ, რომ ამ საჭოჭმანო თემაზე

ხმა არ ამომიღია და გულში ხინჯად დამრჩა. ყველა უაღრესად მნიშვნელოვანი პოეტი, არ ჩამოვთვლი, რადგან ჩამოვთვლელადაც ნათელია, კლასიკიდან მოყოლებული დღევანდელ დღემდე — დიდი ინტელექტით გამოირჩევა. როცა ვამბობ ინტელექტს, არ ვგულისხმობ შარადებს, რებუსებს, ხელოვნურ სირთულეებს, სხვა გაუკუღმართებულ აზროვნებას. მე მხედველობაში მაქვს სული გონიერი, რომლის გამოგონება და ხელოვნურად შექმნა შეუძლებელია. რაც შეეხება ჩემი კოლეგის აზრს, რომ პოეტს ინტელექტი არ სჭირდება და პირიქით, რაც უფრო უინტელექტია, უფრო უკეთეს „რამეებს“ პოულობს და წერს, ეს სტერეოტიპური შეხედულება ლამის ჭეშმარიტებად მონათლეს ჩვენში, რადგან უნიგნურობა იქცა იმ სივრცედ, სადაც მხოლოდ ინსტინქტები მართავენ და ქმნიან „მხატვრულ სინამდვილეს“. ეს „ჭეშმარიტება“ დღეს ჩვენში გაბატონებული და შედეგიც შესაბამისი გვაქვს. აი, რა ამკვიდრებს ინფანტილურ და ბანალურ ტექსტებს, რაზეც ცრემლს აღვარღვარებენ „ტიპები“. დავუბრუნდები თავდაპირველ საკითხს: ინსტინქტის გარეშე არაფერი ჩნდება, არაფერი იწყება, არაფერი იქმნება. სიყვარულში უმთავრესი საწყისი ძალა ინსტიქტია, ეროსის გაჩენილი უმთავრესი ცეცხლია, მაგრამ მხოლოდ იმპულსებზე აგებული პოეზია, სადაც „სული გონიერი“ „თვითტკობის ანესთეზიით“ გათიშულია, ჩემთვის ნაკლებად საინტერესოა. მიუხედავად ჩემი მიკერძოებული შეხედულებისა, ობიექტურად ვიტყვი, რომ ეს ლექსი „საით მიხვალ, შემოდგომა“ — მაინც უნდა შეემტყნა კრებულში, როგორც განვლილი შემოქმედების ერთ-ერთი ილუსტრაცია.

სუთცოლაგამონაცვალი

თუ მუშტარი გამოუჩნდა, მოურიგდება და სხეულიდან ჩამოიჭრის სასურველ ნაწილს და მიპყიდის! მამამის ჰგავს, ვირს დაკლავდა და მერე ხორცს, როგორც ძროხისას, ისე ასაღებდა... როდესაც ფული შემოაკლდებოდა, საკუთარ ცოლს აქირავებდა. ქალი აღარ ეწინააღმდეგებოდა, ისე დააჩვია ამ საქმეს, მაგრამ დაუკითხავად რომ შეემჩნია ეშმაკობა, თავს წააცვლიდა და რა ექნა საცოდავ ქალს, მიჩვევა სცოდნია ამ საქმესო, გულში გაივლებდა.

ფული აქ უფრო კეთდება, გაიფიქრებდა და დედაკაცს უკანაღებუ ხელს შემოჰკრავდა, არ ხაშლამის ნაჭერივით თამაშობსო, ამოღებდა.

მისი სახლის წინ, ფანჯრებთან ჩავლა არ მიყვარდა. ასე მეგონა, მის დანახვაზე ავსულები დამეხვეოდნენ და მოუსვლელში გამაქანებდნენ. ხუთი ცოლი გამოიცვალა. ხუთივე საიქიომი გაისტუმრა.

მეზობლები ჭორაობდნენ — გაქირავებას ვერ უძლებენ, დაუსვენებლად ამუშავებო. სხვები კი ქმარს, გიორგას აბრალებდნენ, ეგა კლავსო, და საეჭვოდ ათითებდნენ უხერხული ადგილისკენ, სადაც წამოეზრდებოდა ხოლმე ისა... გუგულა კი გულლიადა ხუმრობდა: მე მაგით მკვდარი ქალი ჯერ არ მინახავსო!

მანამ გაგრძელდა ამ თემის საქვეყნოდ განხილვა, რა მიზეზით კვდებოდნენ გიორგას ცოლები, ვიდრე გიორგამ ერთ მშვენიერ დღეს თვითონ არ გაჭიმა ფეხები, ისე რომ, დამტირებელიც არავინ გამოუჩნდა. გასაბანად მისულებს კი ცილობა ჰქონდათ, არა მე ვავაზან, არა მეო! გუგულა იკრიჭებოდა: მიდით, ნახეთ, ოღონდ იფრთხილეთ, ნანახმა არ მოგკლათო!

ჭირნახულის ალების რიტუალს განუსაზღვრელი ძალა აქვს; აი, ისეთი, სიტყვებს რომ ქმნის და იმ სიტყვებში ცდილობს ფსვის გადგმას, დაბნეულებას, სიცოცხლის გაგრძელებას, არსებობის გაღრმავებას, სადაც, თვალწინ, როგორც გამჭვირვალე მდინარის ფსკერზე ჩანს ბავშვობის ფრაგმენტები და დროდადრო, არც უსაფუძვლოდ გვეჩვენება, ის, რასაც ვხედავთ, ამ ცხოვრებაში იყო თუ წინარე არსებობიდან ხილვებად გადმოგვყვა... ეს უნაპირო წარმოსახვა თუ რეალური ყოფის ფრაგმენტები, მნიშვნელობით რომ ჩვენს არსებობას მოიცავს და აღემატება

ამავე დროს. მოსავლის ალებისას ასეთი განცდა მეუფლებოდა ბავშვობაში და იქ მიბრუნების თუ იმ დროის გამოვრების სურვილი ყოველი შემოდგომის მოახლოებისას ცოცხლდება ჩემში და თავისთან მიხმობს.

პურის რიგი

პურის რიგში დგომის რამდენიმე ქრონოლოგია მახსენდება. პირველად პურის რიგში აღმოვჩნდი 50-იანი წლების დასაწყისში. ომი ახალი დამთავრებული იყო და მშვიდობიან ცხოვრებას უბრუნდებოდა ხალხი. დიდებას დავყავდი პურის რიგში და ყველაფერს ისე ვიმახსოვრებდი, რომ ის შავ-თეთრი კადრები ჩემშია ჩაბეჭდილი. პურის რიგში ისეთი ზედახორა იმართებოდა, რომ დიდებამ ჩემი წაყვანა გადაიფიქრა და ნავთის რიგში მიმიჩინა ადგილი, რადგან იქ, რატომღაც, უფრო მონესრიგებული რიგი ჩანდა ყოველთვის. ვილაცხე ამბობდნენ, პურის რიგში დაორსულდაო. მაშინ არ მესმოდა სიტყვების მნიშვნელობა და მოგვიანებით კი თვალწინ დამიდგა ეს ბაკეური კადრი.

მეორედ პურის რიგში ამოვყავი თავი სამოციან წლებში, ტალახით პურს რომ გვაჭმევდა ნიკიტა სერგევიჩი და ხორბლის მარაგის ნაკლებობას სტალინის აბრალებდა. მაშინ უნივერსიტეტის სტუდენტი ვიყავი. როგორც ჩანს, ათწლიანი მარაგი ვერ იმყოფინა ხრუშჩოვმა და სტალინის ლანდს შეანმინდა ხელი. როცა ვამბობ, უნივერსიტეტში ვსწავლობდი, ეს იმას ნიშნავს, რომ მაშინ უნივერსიტეტი ერთადერთი იყო და ასე ყოველ მოსახვევში არ ფუნქციონირებდა. სამწუხაროდ, ამჟამად, უმაღლესდამთავრებულთა უმრავლესობა უმუშევართა რიგებს ავსებს.

პურის რიგი მთელი თავისი სიდიადით საუკუნის ბოლო ათწლეულის პირველ წლებში აბობოქრდა — დაუფინყარ 90-იან წლებში, როცა ნანატრ დამოუკიდებლობას ვეზიარეთ და როცა გვეგონა, რომ თავისუფლება თვითონ შობდა ყოველივე სიკეთეს, ხელის და თავის გაუნძრევლად. სამწუხაროდ, ეს ინერცია დღემდე გრძელდება, რადგან ჩვენებურთა დიდმა უმრავლესობამ მიატოვა მინის დამუშავება და ხელისინიჭობის გზა აირჩია, სხვა ასპარეზი ვერ ჰპოვა სამშობლოში, დათმო მინათმომქმედების ათასწლეული ტრადიცია და პენჯაბელ ინდოელებს, ლიბოს თანამემამულე ჩინელებს, პაკისტანელ და სპარსელ გლეხებს გადააბარა სადღეგრძელოებში ნალოლიავები სავარგულები.

ეს ღამეც გადაიფურცლა, ახალი ცა და მინა ამოიზარდა წყვილიდან და სინანულის განცდა ამყვა, არცთუ უმიზეზოდ. ვერ ამოვხალე მესხიერებიდან ის რესენტიმენტები, რაც ამდევნა საბჭოური ცხოვრებიდან და 90-იანი წლების უმძიმესი და დაუფინყარი რეალობიდან. უკვე ვგრძნობ, რომ მომინევს ნიგნის „მომავალი წარსული“ შევსება ან საერთოდ უარის

თქმა ამ ჩანაფიქრზე. ვილას აინტერესებს ის განუმეორებელი წლები, დროდადრო გვამებს რომ ამოატივტივებს ხსოვნის ფსკერიდან? ყველას თავის სიმართლე აქვს, არადა სინამდვილე ერთია. გული არ მიმინევს „მომავალ წარსულს“ რომ მივუბრუნდე და მესხიერებაში აღდგენილი ახალი დეტალებით შევსებას მივყო ხელი. უმადური და დაუფასებელი საქმეა ან რა აზრი აქვს რეალური პერსონაჟებისა და მათი ოჯახების ხელახალ აფორიაქებას, ანენვას, ცალკეული ფაქტების გამომზეურებას?! ამ ორჭოფობას თანდათან დავძლევ და ვრცელი სიმშვიდისკენ ავიღებ გეზს ან ვცდუნდები და ისევ მივუბრუნდები ერთხელ წამოწყებულ საქმეს, მიუხედავად არსებული სირთულისა!

ჩამოვთვლი ხოლმე მხოლოდ ათ ავტორს, რადგან, რომ გავაგრძელო, ვეღარ გაფიქრებდი. ეს სია იცვლება გამუდმებით. ამჯერად დღევანდელი განწყობილების მიხედვით დავასახელებ ათი ნიგნი. ჩემი ჭკუით დავამატებდი მარსელ პრუსტის ერთ ძალიან კარგ ნიგნს — „სენტბევის წინააღმდეგ“. ეს ნიგნი გახლავთ მწერლური პრინციპულობის მარადიული მაგალითი, როცა პრუსტმა არ აპატიო სენტბევის ბალზაქისა და ბოდლერის მიჩუმება, ანდა მათი მწერლური დონის მნიშვნელობის დაუნახველობა. ვფიქრობ, ჩვენშიც აუცილებელია ანალოგიური ნიგნის გამოცემა, მაგრამ ვინ არის დამწერი?! თუ მთანინდის პანთეონის ჩაკეტვა-გაღება ასე უპრაგონოდ გაგრძელდა, უახლოეს ხანში ჩვენ შეგვრჩება პანთეონის პაროღია, ეს მაშინ მოხდება, როცა შსს კულტურის პალატის შერჩეული პერსონები „გადანყვეტენ“ იმ სოფელში წასვლას. ღმერთმა ყველა დიდხანს აცოცხლოს, მაგრამ სათქმელი დროულად უნდა ითქვას.

ისქესა

იგრძნო, იგუმანა, მონვა, იაზრა, მიხვიდა. სემანტიკური მახვილი სიტყვის ფუძიდან გამომდინარეობს. ისქესა, ასე ამბობდნენ გასული საუკუნის 50-იან და 60-იან წლებში, მოგვიანებითაც... ადრე თუ ამბობდნენ, არ ვიცი, არ შევსწრებივარ. დემურიამ ისქესა ძალღები რომ თირავდნენ (ესე იგი, უთვალთვალდნენ) და პარკიდან იპლეტა (პლექტი იყიდა, დაითესა, მიიმალა, გაიქცა). არ ვიცი, ეს ფარგონი შემონახულია თუ არა დღეს; „ვიწრო წრეში“, ალბათ, ისევ არსებობს.

შმონე — ეს სიტყვა ებრაულად ნიშნავს რვას. რვა საათზე ჩხრეკდნენ პატიმრებს ოდესის საპყრობილეში და ებრაული რიცხვითი სახელი „რვა“ იქცა ჩხრეკად. „გაგვშმონეს“, ესე იგი, გაგვჩხრიკეს... „შმონი“ იწყება, ესე იგი, ჩხრეკა იწყება...

ლეს — ეს სიტყვა ებრაულად ნიშნავს წასვლას. დროზე წაველებით (წავიდეთ) აქედან, თორემ თუ ძალღებმა გაგვჩითეს, შეიძლება გაგვშმონონ (გაგვჩხრიკონ)!



აკა მორჩილაძე

პრუსტიაკი



დასასრული

ცოლსაც უხნადა, აი, ეს ამასა და ამას ნიშნავსო, ლაშა მესხი კი დაშთა თბილისელად, ოღონდ კი მარტო ბერდებოდა და თუნდაც ექიმი იყო, იმ თავის ექიმობას საკუთარი ჯანმრთელობის გასაკაჟებლად სრულიად არ მოიხმარდა. უკვე მოელია პირველი ქალაქური ინფარქტიც და უცლოშვილოდ შეთენილს, რომანებგადახდილს, ჩანს, ბავშვობა უკაკუნებდა ძილღვიძილებში.

„აუ, რა როყები ჩითავდენენ,“ ჩაილაპარაკა მესხმა, „კაროჩე, კომბრეში დეიდაჩემს ქონდა დიდი სახლი, რა. არდადეგებზე დაყვავდით მე და სიმონა. იქ იყო ერთი კაცი, მუსიკის მასწავლებელი. ვენტილი. ჩითავდა ხოლმე ჩვენთან. კაროჩე, აი, იგრაოუჩე გვასწავლიდა დაკვრას. მე ვუმულამებდი. შვილი ყავდა ლეზბიანკა. მაშინ რას მიხვდები, მერე ვიფიქრე და გადაყვა, ტო, მაგას...“

„იქაც ეგრე იყო, ტო? ნერვიულობდენ?“ ხაშის თეფში განია მორბელაძემ.

„იქ იყო თუ იყო... ნერვიულობდენ, რა. ეხლაც ნერვიულობენ. პროსტო მღვდლის არ ეშინიათ,“ აღნიშნა მესხმა, „აუ, მაგარი კაცი იყო. კაროჩე, რაღაც მელოდიებს ამულამებდა, უკრავდა და არ ჯეროდათ, რო მაგისია. ძან მაგარი გამოდიოდა. ერთი ტიპი იყო იქ, იმან თქვა, მაგან დაუკრა ერთხელ რაღაცაო და ცოლი იმან მომავანინაო. გამახსენაო. ბიჭო, რა სტრანნი ხალხი იყო...“

„ხოო... ჩვენ დაჩაზეც იყო, გარსევანა, წყალი დაქონდა. ირაკლა იშხნელის პაძელნიკი ვიყავიო, ბავშვებს გვაბოლებდა. ქვით მოკვალის სამწყაროს მილიციის უფროსიო... მერე სხვამ გვითხრა, მაგანო, მილიციის უფროსი კი არ მოკლა ქვითო, ცოლი მოკლაო, შეუსწრო მილიციის უფროსთანო...“

„აუ, ამ დილაუთენია რეები გამახსენდა,“ თავი გააქანა ლაშა მესხმა, „ადე რა, ნავიდეთ, ნულა მაყურებინებ ამ გაციებულ ხაშს.“

„პოსლე პარიჟა, ბოდიში,“ ჯორჯ კარელიასის კოლოფი ჯიბისკენ გააქანა ნამომდგარმა მორბელაძემ, „საიდან გამოტყვრა, ვააა...“

„არ გამოატყვრინო და არ გამოტყვრება,“ გაიცინა ლაშა მესხმა და იმან ჩესტერფილდის კოლოფი გააქანა ჯიბეში.

„აუ, რა მეზარება,“ ამოიხრა აზნაურიშვილმა მორბელაძემ, როცა ტაქსის კარი გამოაღო მტკვრის პირას, „ეხლა ლევანას ფრაკი და ის ტისონკა.“

„არმინდას აჭამე,“ მანქანის კარი მიუხურა ფრანგმა, „მე რა მენალვლება, დავიძინებ.“

„მისმინე, შენ საიდან იცი არმინდას აჭამე?“ გაიკვირვა მორბელაძემ.

„ბებია მყავდა ქართველი, დავაი, ნადი,“ მანქანას ხელი მისცხო ლაშა მესხმა, ინფექციონისტიმა.

„უცხოელია?“ გაუკვირდა ტაქსის შოფერს, რომელიც გამოდგა ნამდვილი ტაქსის შოფერი და არა ვინმე, ვისაც ძნელბედობამ მიაჩნა ხელში საჭე.

„უცხოელი ქართველია,“ დაეზარა მორბელაძეს.

„ეგენი გვჯობიან ვიდზე,“ თქვა ტაქსისტიმა, „მე რო ვიჯექი, მაშინ ძიმა ლორთქიფანიძე იჯდა. პარიზში იყო დაბადებული. ვიდზე სხვა იყო. ეხლა ის გაგებთაც ძლიერი იყო. ძან ძლიერი იყო... და ამათ, სხვებს. აქვთ ჩვენი გაგებაა? აი, ხო მინც იქაურია. იქ მეტრაკეები, რამე, ბევრი არიან...“

„ეს არ არი მეტრაკე,“ მიუგო გახალისებულმა აზნაურიშვილმა გიორგი მორბელაძემ, „ატვიჩაი ვარ...“

„აბა, კაცს ქალები უნდა უყვარდეს, აბა, აი, ბიჭს ჩაისვამ, ქუჩაში ნაშას არ უყურებს,“ უხაროდა მძლოლსაც, „სად მივდივართ, ზოლოტო?“ აუ, როდინდელი კაცი იყო.

„არაყიშვილის ქუჩის... ძაღლები,“ რატომღაც მიამატა მორბელაძემ.

„არაყიშვილის ძაღლობასთან?“ ჩაეკითხა შოფერი, „ეგ ხო დაანგრეის... როგორ გამეხარდა, ერთიც ავიარე და ანგრევენი და აქეთ კაი შავ კასტუმებში ეგეთი გამხდარი ვაკელები დგანან, საროჩეებიც შავი და აჩკები, აი, დრაკულას რო აქ კინოში. დრაკულა ხო იცი, სისხლს რო სვამს, ხან ბებერი როა, ხან ახალგაზრდა. ენვეიან და უყურებენ, როგორ ანგრევს... ისინიც ნაცემები ეყოლებოდათ იქა და უსწორდებოდათ, გაიგე შენა. აი, კაეფობდენ რა.“

„ერთხელ ნაცემი მანდ ყველა... შეშინებული მაინც,“ მიუგო მორბელაძემ.

„მეცა, მეცა,“ კიდევ უფრო გაეხარდა ტაქსისტი, „აბა, ნახეს, მეტრასტროელი ვნახეთო, უპატრონოო. ვისაც დილის ვარჯიში უნდოდა, ორი დღე და ღამე ჩემზე ავარჯიშეს... ვფიქრობდი, ხო გამოვალ. მოვალ აფტამატიო. სადა თურმე, გავიწყდება. აღარცა ბრაზოფ... ქართველი კაცი საერთოთ მიტყევებულია. თუ, რომელია. მპატიებელი, რა...“

პაატა შამუგია

მე არასოდეს ვყოფილვარ სასტიკი, უბრალოდ, ყოველთვის გადავურჩი ბედნიერებას, როცა ღმერთმა მიმატოვა, ათეიზმში გავმავრდი, ირონიის ისეთი მაღალი კედელი შემოვიშენე, ყველაზე ავანტიურისტი ჩიტიც კი ვერ შემოაღწევდა და დავინყე სევდის თარგმნა ირონიის ენაზე.

მაგრამ აღმოჩნდა სევდის ლექსიკონში ისეთი სიტყვებიც, შესატყვისი რომ ვერ ვუპოვნე

და ამ სიტყვებს განძივით ვინახავ.

მოდლო

გადავივსო ზნეობით ქართული პოეზია, უმეტესობა მათგანი ცარიელი პოეზია. მინდა დატეხილი რიტმით მივალნიო ჰარმონიას, მაგრამ ვინაიდან მთელს ნაწილით ვერ მოიხელთებ, რამეს მივალნიო, არ მგონია.

ისინი, ვინც მორალზე ნიკვინებენ, უმეტესობა ნაკლაა, ჩვენზე თითს იშვერენ და ამბობენ, უნდა ზედ სანოლზე ნაკლა.

ვინც ჩვენ ზნეობის და ეთიკის დარაჯები უხვად მოგვისია, არც ერთი არ ეკუთვნის საკუთარ თავს, ზოგი მღვდლისაა ან მოგვისაა,

ზოგიც მინისტრის, ზოგიც იმის, ზოგიც ამის მე კიდევ ვმუშაობ, დრო არ მაქვს ორი წამიც, და როგორც კი მოვიხელთებ, ლექსებს ვწერ ალაგ-ალაგ, მაგრამ ვხვდები, რომ პოეზია ვერაფერიც ვერ დაალაგა, პირიქით, კარგა ბლომად აურია, ისმის ქუჩებიდან ხმაური, ტვინში კი კარავს შლის უხიფათოდ აზრები მეზობოური.

ციკლიდან „ეკონომიური ლექსები“

პირველი მერცხალი გაზაფხულის იმპორტს ეწევა. ბითუმად ვიღებ.

როგაელთა მიმართ

ვინიც ვიცი, ვიდიც ვიცი, ვიცი ხომ ვიცი და ვიცი.

ამ ლექსს ვერტიკალურად ვწერ, რომ გვერდზე ადგილები დავტოვო მერცხლების ბუდეებისთვის.

ვაცადე კოლოს ჩემი სისხლით ტკბობა. დამეუფლა კმაყოფილება — ბედნიერების ფილიალი.

პოეტის ეპიტაფია

ფრთხილად, ლექსსაშიშა!

მე ამ ლექსს შიშველი ვწერდი, ამიტომ მისი ნაკითხვისას ქალიშვილებს აღმური ასდით.

მინდა დავდგინდე ენაში, მინდა ყოველმა ჩიტმა და ტოტმა დაადასტუროს ჩემი ტკივილი

ან სიხარული — მახსოვს, ესეც იყო.

მე მესმის შენი, როცა მისმენ.

ხეებსა და ხეებს შორის გაკიდულია შაშვების სტვენა და მასზე, როგორც ბენვის ხიდზე, გადადიან მეგზოვები.

უნდა გვესმოდეს ზოგიერთი რამ, კერძოდ კი — ყველაფერი.

საქდისა

ადგა და დარდები გამოხშირა, მხოლოდ საუკეთესოები დაიტოვა — მტკივნეულები.

პარდისფერი სტალინი**

ვარდისფერი სათვალე ჩამოვიხსენი და სტალინის ძეგლს შევხედე.

გაზაფხული***

გაზაფხულდა. ჩიტები ხეებზე თავს ითავავენ.

ცუდი ლექსის აპოლოგია

ყოველთვის მსურდა, დამეწერა ცუდი ლექსები, მაგრამ ეს ისეთ ტიტანურ შრომას მოითხოვს, იძულებული ვარ, გენიალურ ლექსებს დავეწერდე.

ტანკა ტანკისა და ტანკას შესახებ

დიდ მწერალს — ჯემალ ქარჩხაძეს

ტანკისტმა ლულა შემართა, ტანკისტმა კი — კალამი. მაგრამ ყოველთვის ტანკისტი იმარჯვებს.

აოტანციურობა

ეს ლექსი უნდა ყოფილიყო, მაგრამ სანამ სანერ მაგდამდე მივბარბაცდი, გადამავეწყდა.

მამა

ბოლოს ისე გამელოტდა, ფიქრები მოუჩანდა.

*ავტორი პროდუქტიული თანამშრომლობისთვის მადლობას უხდის ფრანც კავკას, სალვადორ დალის და გალაკტიონს.

**„დაუდგენელმა პირებმა სტალინის ძეგლი კვარცხლბეკიდან ჩამოხსნეს და ვარდისფერი სალვავით შელესეს.“ Interpressnews.ge

***ამ ლექსის შექმნისას პროდუქტიული თანამშრომლობისთვის მადლობა მარკ ცუკერბერგს.



— ყველაფერი დამთავრდა, — თქვა ელისაბედ-ლიმ. ნაქირავებ, შოკოლადის კოლოფივით პატარა ბინაში იჯდა და საჩვენებელ თითზე თმის მოკლე ღერის დახვევას ცდილობდა.

დამთავრებით კი ის დამთავრდა, რასაც თითქმის მთელი ცხოვრება აკეთებდა: დილის რვა საათიდან საღამოს ხუთ საათამდე კერამიკის ზარზე უსახურ, მკაცრ-სახიან ანგელოზს ფრთებს უხატავდა. იქამდე, ვიდრე ერთხელ, ფიქრებში გართულმა, ამ უსახურ ანგელოზს საოც-ნებო ყვითელი ზურგჩანთა არ მიუხატა ფრთების მაგივრად.

ჰოდა, ყველაფერი დამთავრდა: ელისა-ბედ-ლი სამსახურიდან დაითხოვეს.

— რა მეშველება? — კითხა ოვალურ, დალაქავებულ სარკეში გაჩხერილ საკუთარ თავს. თავმა შოკოლადის მოზრდილი ფილა ნაღვლიანად ჩაიტენა პირში და ნაღვლიანადვე გადაყლაპა, აშკარად პრედერესიული სინდრომი განუვითარდა — ვინ, თუ არა ელისაბედ-ლი მოამარაგებდა ამის შემდეგ შოკოლადით.

— რა მეშველება-მეთქი? — ახლა აივ-ნის კართან მიდგმულ ლიმონის ხეს კითხა ელისაბედ-ლიმ. ლიმონის ხეს თავისი საფიქრალი ჰქონდა, აგერ უკვე ამდენი წელი იყო, აივნის კართან იდგა და ნაყოფი კი ერთხელაც ვერ გამოეღო.

ელისაბედ-ლიმ ოთახს თვალი მოავ-ლო, თუმცა უკვე იცოდა, რომ კითხვამ პასუხს ვერავინ გასცემდა. ადგა, ხასხასა მწვანე სანვიმარში გაუყარა ბავშვის ნახა-ტივით წვრილი და გრძელი ხელები, ყავის-ფერ ბოტებში ასევე ბავშვის ნახატივით წვრილი და გრძელი ფეხები ჩაჰყო და ბიჭურად გაკრეჭილ თავზე ფეტრის ყვითელი ბერეტი ჩამოიფხატა. მერე სწრაფად ჩაირბინა ბულვარული რომა-ნის ფურცლებით გაცვეთილი კიბის საფეხურები, ასევე სწრაფად გადაიბრინა აკაციების ქვეშ არხინად წამოწოლილი ეზო, ჭიშკარი გაალო და ქუჩას დაუყვა.

ქუჩა სამხატვრო აკადემიის სტუდენტის სადიპლომო ნამუშევარს ჰგავდა, რომელ-საც სრულყოფილად მხოლოდ იმიტომ არ მიიჩნევენ, რომ ის სტუდენტის ნამუშევარია და არა ზრდასრული, უკვე სახელ-განთქმული მხატვრისა: ქალაქის გარეუბანში მდებარეობდა და მიუხედავად იმისა, რომ მშენებელი პატარა სახლები ალუმის მისაღებად გამზადებული კალის ჯარისკაცებისთვის ჩამოწკრივებინა სი-გრძეზე, ქალაქის არც ერთ ტურისტულ რუკაზე არ იყო აღნიშნული.

მალე ელისაბედ-ლიმ შემთხვევით წყალგამავებელი შადრევანით ამოყო თავი ცენტრალური ქუჩის შუაგულში, ჯერ მარცხნივ გადაუხვია, მერე ისევ მარცხნივ, ქალაქის ყველაზე მაღალ, ზრდადაუს-რულელები მოზარდებით უშნოდ აწონილი ცათამბჯენის სახურავზე ავიდა და ის იყო, იმ ტროტუარზე გადაშვება დააპირა, რომელიც ცოტა ხნის წინ ცრემლების ყლაპვით გამოიარა, რომ მოულოდნელად შედგა:

ზუსტად იქ, საიდანაც შეგიძლია, პირდაპირ სმოგით გაბულული ჯოჯოხე-თის როკ-კონცერტზე მოხვდე, თანაც ყოველგვარი მუკლუგუნების გარეშე და თანაც პირველ რიგში, მოხუცი ქალბატონი იჯდა.

მოხუცს თმა სიგარეტის გაფანტული კვამლივით ასდიოდა თავზე, რაღაც სე-დთან მელიოდის უსტევენდა და სავარაუ-დოდ, საბავშვო ზღის ბავშვით იქნებდა ჰაერში გადაყოფილ ფეხებს.

— აქ რას აკეთებ? — ჩურჩულით ჰკითხა ელისაბედ-ლიმ და მხარზე ფრთხილად დაუკაკუნა გრძელი, გამხდარი თითები.

— მობრძანდით, — მხარი ისე შეარხია მოხუცმა, თითქოს მხრის მაგივრად კარი ჰქონდა და ანჯამებიდან სანახევროდ ამოუფარდა.

— აქ რას აკეთებ-მეთქი? — კაკუნის შეწყვეტა ელისაბედ-ლიმ.

მოხუცმა თავი მოატრიალა, გაზ-ქურასავით ცისფრად ანთებული თვალები მოჭუტა და ელისაბედ-ლი დაკვირვებით შეათვალიერა.

— თავი უნდა მოვიკლა, — ისე ჩვეუ-ლებრივად უთხრა მერე, თითქოს ათასჯერ ნანახი ფილმის ფინალს უყვებოდა.

„კი მაგრამ, ამ ქალაქში ჩემზე უარეს დღეში ვინმე კიდევა?“ — ცოტა არ იყოს, ეწყინა ელისაბედ-ლის და მოხუცს ჩუმად ჰკითხა:

— რატომ?

— აქ სხვებიც არიან? — მოხუცმა ცნო-

ბისმოყვარედ მოათვალიერა სახურავის სამი კუთხე: ჩრდილოეთი, სამხრეთი, აღ-მოსავლეთი. მეოთხე კუთხის — დასავლეთის კიდეზე თავად იჯდა.

— არაა, — ელისაბედ-ლი დარწმუნებ-ული კი იყო, რომ სახურავზე მათ გარდა არავინ იქნებოდა, რაღა იმ დღეს და იმ წუთებში მოუწოდებოდა ყველას თავის მოკვლა, მაგრამ ყოველი შემთხვევისთვის, თავადაც მოათვალიერა იქაურობა: ნამდ-ვილად არავინ იყო.

— აბა, რატომ ჩურჩულე? — გაუღიმა მოხუცმა.

— რა ვიცი, — უხერხულად აწურა ისე-დაც აწურული მხრები ელისაბედ-ლიმ და ახლა ხმამაღლა ჰკითხა:

— თავი რატომ უნდა მოიკლათ-მეთ-ქი?

— აა? სახლიდან გამომავდეს, — ხელი ჩაიქნია მოხუცმა და უდარდელად ახედა ცას. ცა სველი, ჭუჭყიანი ჩვრით ფართა-ფურთხით გადანმენილს ჰგავდა და აქ-იქ ჭილყვავები შერჩენოდა ნამცეცხვით.

— მეც, — ამოიოხრა ელისაბედ-ლიმ და კიდევ ერთხელ გაახსენდა, რომ მისთვის

ლელა ცუცქირიძე

ამბავი, როგორც ნამდვილი

რაც ტყუილია, ნამდვილია, და პირიქით...



ყველაფერი დამთავრდა. სანვიმარის ჯი-ბიდან ლამის პლედისხელა კუბოკრული ცხვირსახოცი ამოიღო, ჯერ ჰაპიე-მაშ-ესავით გადაიტარა უპეებზე და ცრემლები ამოიშრო, მერე კი ტირილისგან შესიე-ბული ცხვირი ხმარებით მოიხოცა. სულ რაღაც ხუთიოდ წუთში სიკვდილს აპირებ-და და არ უნდოდა, ტროტუარზე ისედაც უხერხულ მდგომარეობაში განოლილი, ცხვირმოუხოცავიც დაენახათ ცნობის-მოყვარე რეპორტიორებსა თუ მო-ქალაქეებს.

— რა შენც? თავი უნდა მოიკლა თუ გამოგადგეს? — მოხუცმა ახლა დაბლა გადაიხედა.

— ორივე, და მალე ბინიდანაც გამო-მავდებენ, ქირას ვერ გადავიხდი, — ცხ-ვირსახოცი ჯიბეში ჩააბრუნა ელისაბედ-ლიმ, მოხუცის გვერდით ჩამოჯდა და თავ-დაც დაბლა გადაიხედა.

იქ ჯერჯერობით მნიშვნელოვანი არაფერი ხდებოდა. როგორც ყოველთვის, ყვითელი ავტობუსები დალოდავდნენ შე-მოდგომის ნარჩენი ფოთლებით.

— სულ ესაა? — გაუკვირდა მოხუცს.

— ყოველ შემთხვევაში, თავის მოკვ-ლისთვის თქვენზე მეტი მიზეზი ნამდ-ვილად მაქვს, — ეწყინა ელისაბედ-ლის.

— მართალია. მე მხოლოდ სახლიდან გამომავდეს, სამსახური კი არასდროს მქონია. ვერ ვიტან სამსახურებს, — პატ-არა, მრგვალი ცხვირი აიბზუა მოხუცმა.

— და რატომ გამოგადგეს? — თანა-გრძობით ჰკითხა ელისაბედ-ლიმ.

— რა ვიცი, უსაქმური ხარო. ისე, მარ-თალია, მუშაობა არ მიყვარს. აი, ტკბილე-ული მიყვარს, შენ ხომ არ გაქვს რამე, თუნ-დაც შოკოლადი? — ელისაბედ-ლისკენ გადაიხარა მოხუცი და მხარი წაჰკრა.

— არა, არ მეგონა, ასეთ დროს თუ დამ-ჭირდებოდა, — შენუხდა ელისაბედ-ლი.

— ღმერთო ჩემო, — თავი გადააქნია მოხუცმა, — ამ ახალგაზრდებს ხომ არაფერი გესმით! განა შეიძლება შოკოლა-დი ოდესმე არ დაგჭირდეს?!

— სახლში მაქვს! — წამოიძახა ელისა-ბედ-ლიმ. ახლა გაახსენდა კარგა ხნის წინ, კარადის უჯრის უკან, საკუთარი თავისგან გადამალული შოკოლადის კოლოფი.

— მართლა? — გამოცოცხლდა მოხუ-ცი, — არ გინდა, შინ დამპატიო? შოკოლადს შეეჭამდით, ვისაუბრებდით... — და ელისაბედ-ლის მხიარულად ჩაუკრა თვალი.

— კი, მაგრამ... თავის მოკვლას რომ ვაპირებ? — შეყოყმანდა ელისაბედ-ლი.

— ოჰ, მაგას ხომ ყოველთვის მოვასწრებთ, თანაც იქნებ ამასობაში უფრო უკეთესი მიზეზიც გამოჩნდეს, — მოხუცი სახურავის სიღრმისკენ გაჩოჩდა, მერე ხვნივით წამოდგა და მრგვალ და საცხე უკანალზე მიკრული, ლურჯი კაბა საგულდაგულოდ ჩამოიფერთხა, კაბა პარამუტივით გაიშალა, — აბა, მარტო სახ-ლიდან ან სამსახურიდან გამოგდებისთვის თავს ვინ იკლავს?

ლიმ, სადარბაზოს კარი გაალო და მოხუცს კიბებზე აუძღვა, — იცით, თქვენ პირვე-ლი ხართ, ვინც ჩემთან სტუმრად მოვიდა.

არც ტყუოდა. უცნაური იყო, მაგრამ ქალაქში, სადაც ყველას ჰყავდა დედა თუ არა მამა, მამა თუ არა — და, და თუ არა — ძმა, ძმა თუ არა — ნათესავი, ნათესავი თუ არა — მეგობარი, მეგობარი თუ არა — საყვარელი ადამიანი მაინც, ისეთი, ვისთანაც გაშიშვლების არ შერცხვებოდა, ელისაბედ-ლის არავინ ჰყავდა, სულ არავინ.

— ესეც ჩემი ბინა, — ბინის კარი გაა-ლო ელისაბედ-ლიმ და მოხუცი წინ გაატ-არა.

მოხუცმა ოთახი სტვენა-სტვენით მოათვალიერა და ლიმონის ხის გვერდით, სარწველა სავარძელში ხმაურით ჩაჯდა.

— აბა, შოკოლადი? — იკითხა მას მერე, რაც რამდენჯერმე გადაქან-გადმო-ქანდა.

ელისაბედ-ლიმ სანვიმარი სწრაფად გაიხადა და დატრიალდა. სიმართლე რომ ითქვას, დასატრიალებელიც არაფერი იყო: შოკოლადი ლამაზაქზე დაალაგა, ჩაი-აადულა და თავისნაირ მალალ, თხელ ფინ-ჯნებში ჩამოასხა.

— ნამდვილი მეფური სუფრაა, — წამ-ოიძახა მოხუცმა და სარწველა სავარ-ძლით მიჩოჩდა მაგიდასთან.

— ბევრი არაფერი, — უხერხულად შეიშმუშნა ელისაბედ-ლი, — ხომ იცით, თავის მოკვლას ვაპირებდი და...

— აჰ, ეგ სულ ალარ გამხსენებია, — ჩაი-ხმაურით მოხვრიბა მოხუცმა და ელისა-ბედ-ლის გულიანად გაუღიმა, — ან რა გასახსენებელი ეგაა.

„რა უცნაური ქალია“, — გაიფიქრა ელისაბედ-ლიმ და მოხუცს თავადაც გაულიანად გაუღიმა.

„ნეტავ, ასე ოდესმე თუ გამიღიმა ვინ-მესთვის?“ — გაიფიქრა ისევ. მერე გაახ-სენდა, რომ არავინ ჰყავდა, ვისაც ასე გაუღიმიებდა. არც დედა, არც მამა, არც და, არც ძმა... ყოფილი თანამშრომლები კი არ ითვლებოდნენ, გინდ ჰყოლოდა, გინდ არა, ერთმანეთისთვის არ ეცალათ. მთელი დღე მაგიდებთან ისხდნენ და ზოგი უსახური ანგელოზის მარჯვენა ტერფს ხატავდა, ზოგი მარცხენა ტერფს, ზოგი მკაცრად მოკუმულ პირს, ზოგი ოქროსფერ თმას...

ამ მოხუცთან კი თავს რაღაცნაირად გრძობდა, ჯერ ბოლომდე ვერ გაეგო, როგორ, მშვიდად თუ საინტერესოდ, მა-გრამ ცულად რომ არა, ამას ხვდებოდა.

— გინდათ, აქ იცხოვრეთ? — წამ-ოისროლა მოულოდნელად და თავადვე გაუკვირდა, ეს როგორ მოუვიდა.

— ისედაც მაგას ვაპირებდი, — ისევ გაუცინა მოხუცმა და თვალი ჩაუკრა.

ასე ჩასახლდა ელისაბედ-ლისთან მოხ-უცი ანგელინა.

ის არაფერს აშავებდა, მაგრამ არც არაფერს აკეთებდა, გარდა:

- 1. მთელი დღე უსტვენდა, სარწველა სავარძელში ქანაობდა და გამუდმებით ისმუხნებოდა;
- 2. ოთახში დასუნსულებდა და გამუდ-მებით ეძებდა რაღაცას.

დღეები ერთმანეთს შევიცარული საა-თის ისრებივით მისდევდნენ: არც სწრაფად, არც ნელა და ერთხელაც, როცა ელისაბედ-ლიმ აღმოაჩინა, რომ ბინის ქირისთვის გადანახული თანხა მთლიანად დახარჯულიყო შოკოლადებსა თუ სხვა ტკბილეულში, ხელმეორედ გაიფიქრა: „რა მეშველება?“

და რადგან უკვე იცოდა, რომ ვერც პირსახანის სარკეში გაჩხერილი საკუთარი თავი გასცემდა პასუხს და ვერც ოთახის ლიმონი, გაახსენდა, რომ თავის მოკვლას აპირებდა.

„მაგრამ ანგელინას რა ეშველება უჩე-მოდ?“ — ელისაბედ-ლიმ ამოიოხრა, აი-ვანზე გავიდა და ქუჩას გადახედა.

ქუჩა სიამის კატასავით ხარბად მი-ფიცხებოდა შემოდგომის გვიან, სურდო-შეყრილ მზეს.

ელისაბედ-ლიმ დიდხანს იფიქრა, მა-გრამ სანუგეშო ვერაფერი მოიფიქრა, ამ-იტომ ისევ ამოიოხრა და სახლში შებრუნ-და.

მოხუცი მაგიდასთან იჯდა და ფუნჯე-ბისა და საღებავების შეკვრას დაჰყურებ-და ცნობისმოყვარედ. ეს ფუნჯები და საღებავები ოდესღაც სანარმოში საახალ-წლო პრემიის ნაცვლად დააბრვიეს და ცოტა არ იყოს, ამ გამოუსადეგარი საჩუ-ქრით ნაწყენმა ელისაბედ-ლიმ, ისინი კარა-

დახუთი

ცირკის შესახებ უნდა მოვიხსენიოთ. ამ სიტყვას ჩემთვის, სიხარულის გარდა, სინათლევ უკავშირდება: ახლა რომ ვიხსენებ ჩემი ბავშვობის იმ დღეებს, როდესაც დედამ ცირკში მივყავდი, თვალწინ რატომღაც ძალიან კაშკაშა მზიანი დღე წარმომიდგება, ცირკში წასვლაც და იქიდან დაბრუნებაც რაღაც განსაკუთრებულ სინათლესთან ასოცირდება, არ ვიცი, რატომ. დაიჯერო, ღრუბლიან ამინდში არასოდეს ვყოფილვარ ცირკში?

ასევე ცირკს ვუკავშირებ იქვე, შესასვლელთან ბოშების მიერ გასაყიდად გამოფენილ, ჯოხზე წამოცმულ მამალიებს, რომელთა გემო არასოდეს გამიხინჯავს (ვინ მიმაკრებდა კუსტარულად ნათიხნ ტკბილეს), და რეზინის ბანარზე ჩამოკიდებულ ჭრელი ქალაქის ბურთულებსა თუ გასაშლელ მარაოებს, რომელთა გარეშე შინ არასოდეს ვბრუნდებოდი. ბურთების სიმსუბუქე, მარაოების სიჭრელე და მამალოების მიუწვდომელი სიტკბო — ეს ყველაფერი ერთად ჩემს მოგონებებში რაღაც ბუნდოვანი ნათელი სვედის განცდას ერწყმის: სიხარული, რომელიც, ადრე თუ გვიან, მთავრდება ბავშვისთვის — და არა მარტო ბავშვისთვის — დასაწყისშივე სევდითაა შეზავებული...

საოცარი ისაა, რომ თვითონ საცირკო წარმოდგენებიდან სრულებით არაფერი მახსოვს, ისინი მესხიერებიდან ერთთავად წამეშალა. მახსოვს მხოლოდ მრგვალი არენა, სიბნელეში სხვადასხვა ფერის პროექტორების სხივები და ხმამალალი, საზეიმო მუსიკა... ჰო, ეს მუსიკა ყველაზე კარგად მახსოვს.

რუსულენოვანი ბავშვი ვიყავი და, ასევე მახსოვს, როდესაც წარმოდგენის შემდეგ ჩემს შთაბეჭდილებებს აღვწერდი, სიტყვა „შემდეგ ჩემს“ -ს ნაცვლად შეცდომით ვამბობდი ხოლმე — „შემდეგ ჩემს“. ცხადია, ამის სხვის, რომ „შემდეგ ჩემს“ სრულებით სხვა რამეს ნიშნავს და ჩემთვის იმხანად აბსოლუტურად უცხო და გაუგებარ სფეროს, ეკლესიას უკავშირდება. მაგრამ სიტყვებსა და ცნებებთან პირველი უშუალო შეხვედრა მაინც მთელი მომდევნო ცხოვრების მანძილზე მოგვეყვება ხოლმე და მეც სადღაც, კონცხის კუნჭულში დღემდე შემომრჩა ამ ორი ცნების თანხვედრა, თუნდაც მხოლოდ ხმოვანი. დარწმუნებული ვარ: ის, რაც გიყვარს, წმინდაა. ბუნდოვნად მუდამ ვგრძნობდი, რომ აქ რაღაც უდიდეს თავგანწირვას უნდა ჰქონოდა ადგილი, თითქოს ცირკის არენაზე რაღაც იდუმალი შენაცვლება, დიდი მსხვერპლშენიერება ხდებოდა: რამდენიმე ადამიანი ურიცხვ მაყურებელს ცხოვრებისეული ტვირთისა და ტკივილისაგან ათავისუფლებს, სანაცვლოდ კი საკუთარ ჭარბ სასიცოცხლო ძალებს ჩუქნის.

უკვე დიდი ვიყავი, რილკეს „დუინური ელეგია“ რომ წავიკითხე, პიკასოს ნაღვლიანი არლექიებიც ვნახე და იმათ ბედს დავეფიქრდი, ვისთვისაც სიხარული და დაღესანაული ყოველდღიური რუტინა და წელში გამწყვეტი შრომა, ვინც გამუდმებით დანის პირზე დადის და ბურთით ეთამაშება სიკვდილს, რათა მაყურებელს წუთით აუჩქროლოს ძარღვებში სისხლი. მიხდოდა, გამეგო, რილკემ სულს ბუმბერაზებს — ანგელოზებს, მეტრევე ქალებს, გმირებსა და ადრე გარდაცვლილებს — გვერდში რატომ ამოუყენა მოხეტიალე ჯამბაზები...

ყოველივე ნაკითხულ-განცდილ-ნაფიქრი რეალურ ცხოვრებაში ერთ ადამიანთან შეხვედრამ მაგრძნობინა. მას ირაკლი ჰქვია და ცირკის მსახიობია, თუმცა ის ცირკში კი არა, ბაკურიანის კინოთეატრის სცენაზე ზაფხულის ცხელ დღეებში ვნახე.

ბაკურიანში დამსვენებელი, რბილად რომ ვთქვათ, სანახაობით განებივრებული არ არის, ამიტომ დიდიან-პატარაიან, ყველანი დავემუხრეთ საცირკო წარმოდგენას. კინოდარბაზში ტევა არ იყო. სცენა არენასავით მრგვალი არ არის, ვინროა და ამიტომ პროგრამიდან ზოგიერთი ნომრის ამოგდება მოუწიათ, ზოგიერთი მხოლოდ ნაწილობრივ შეასრულეს.


დაწყების წინ სცენის გვერდით, ეზოში გამავალი კარიდან მენამულ მოაბრეშუმო ნაჭრის შარვალსა და პერანგში გამოწყობილი მალალი შავგვრემანი ახალგაზრდა შემოვიდა და კარის წინ უძრავად დადგა. ჯერ უნიფორმისტი მეგონა. კარი შემთხვევით გაიღო და პირველი რიგის განაპი-

რას მჯდომმა ბავშვმა საცირკო მანქანისა და მაიმუნებიანი გალიის დანახვაზე ალტაცებით დაიწვილა. მენამულსამოსიანმა საოცარი სიკეთით გაუღიმა და ტუჩებზე თითი მიიჭირა. როდესაც რამდენიმე წუთის შემდეგ იგივე ბიჭი ფართომკლავებიანი ბრჭყვიალა სამოსით სცენაზე ჟონგლირებას შეუდგა, შემდეგ კი ერთადერთ ბორბალზე ამხედრებულმა სცენას რამდენჯერმე შემოუარა, მივხვდი, საცირკო დასი ძალიან პატარაა და თითოეულ მსახიობს რამდენიმე ფუნქციის შეთავსება უწევს. გასულ საუკუნეებში ხმელთაშუა ზღვის აუზში დაბადებულ სახალხო „Comedia de l'arte“-საც ასეთივე მცირერიცხოვანი და კონტრასტულად თვითმყოფადი პერსონაჟები (არლეკინი, პიერო, კოლომბინა...) შეადგენდნენ. ესენი კი შავიზღვისპირეთიდან, ბათუმიდან აღმოჩნდნენ.

ირაკლის გარდა ჟონგლირებისა და

თამარ კოტრიკაძე

არლექინის ღიმილი



მონოციკლის ნომრებს კიდევ ორი ახალგაზრდა, გიორგი და ზაალი, ასრულებდა. წარმოდგენაში ორი ქალი მონაწილეობდა: გიმნასტი გოგონა და კონფერანსიე, რომელიც, ამავე დროს, ცხოველების (ორი მაიმუნის, სამი ძაღლის, გიგანტური პითონისა და იგუანას) მომთვინიერებელიც გახლდათ — ოდესაც მდიდრული სილამაზის მქონე ქალბატონი, რომელმაც თავი როზალინდას ფსევდონიმით წარმოგვიდგინა.

ცირკის დირექტორი იქვე, სცენის ძირში იჯდა პატარა სკამზე (იქ, სადაც თეატრში ჩვეულებრივ სუფლიორის ადგილია), „ლეოტოფი“ ჰქონდა გახსნილი და მუსიკალურ გაფორმებას უზრუნველყოფდა.

როდესაც ირაკლი ჟონგლირებდა, სახეზე რაღაც საოცარი ნათელი ფენია. ახლადგაპარსული გამოხურცული ყვრი-მალეები და ნიკაპი გლუვად უბზინავდა, დიდრონი, ლამაზჭრილიანი თვალების კუთხეები ღიმილისაგან ქვევით ექაჩებოდა და, ამავე დროს, მათში ბავშვური გაუბედაობა იკითხებოდა. ხელებს უსწრაფესად და შეუცდომლად ამოძრავებდა. ეტყობოდა, ვინ იცის, მერამდენედ, და მაინც ხალისით ასრულებდა მარტივ ნომერს. ბოლოს კიდევ უფრო გაბრწყინებული სახით გადახედა მაყურებლებს და მკლავები მოხდენილად ახსნა. სხარტად, ლამაზად მოძრაობდა, მაგრამ ამ ყველაფერს ის არტისტული თავმომწონება აკლდა, ჩვეულებრივ რომ ახასიათებთ ნებისმიერი ჟანრისა თუ დონის მსახიობებს.

თავად მისი გამოსვლა წარმოდგენის დასაწყისშივე შესრულებული ორი ნომრით ამოიწურა, მაგრამ სცენა თითქმის წუთითაც არ დაუტოვებია, ყველა მონაწილეს ეხმარებოდა: როდესაც ეკვილიბრისტი ზაალი, ყველაზე უმცროსი, თითქმის ბავშვი, მაგიდაზე შედგმული გორგოლაჭებისა და ორი სკამისაგან აგებულ საშინლად მერყევ პირამიდაზე უნდა ამძვრალიყო, ირაკლიმ უკვე ნაცნობი მოხდენილი მოძრაობით აწია ხელი და ბიჭს საყრდენად შეაშველა. ამ დროს გიორგის ლითონის მსუბუქი კიბე ეჭირა, რომლითაც ზაალი მოცხცავდა კომპლექსურ მხედველობაზე ავიდა; მხოლოდ წამით დაძლია მიზიდულობა და გამარჯვებული სახით ძირს ჩამოფრინ-

და, მის ზურგს უკან ჩამომხობილი ნაგებობის ნაწილები ბიჭებმა აიტაცეს. არა, ამ წარმოდგენას საცირკო ხელოვნების მასტერ-კლასს ნამდვილად ვერ ვუნოდებ... ასეთი ნომრებით მონაკოს პრინცი არ დატკბებოდა, მათ ნახვას თავისი სათაყვანებელი ცირკის არენაზე არ ისურვებდა. მაგრამ მე ამ გულუბრყვილო და გულსამაჩუყებელმა უბრალოებამ რომელიმე საქვეყნოდ ცნობილი ლაურეატის ოსტატობაზე მეტად მომხიბლა...

ირაკლი მხოლოდ კლოუნის გამოსვლებისას ისვენებდა, ყოველ შემთხვევაში, მხოლოდ ამ მომენტებში არ ჩანდა სცენაზე. კლოუნი ჭიჭი მაყურებლებთან უშუალო კონტაქტში მუშაობდა, სცენაზე ბავშვებს ათამაშებდა და, ამას გარდა, ფოკუსიც შეასრულა: საამისოდ, საკმაო გაჭირვებით, სცენაზე „ორი ძლიერი მამაკაცი“ მიიწვია: გაჭირვებით იმიტომ, რომ

მთელ იერში რაღაც ბოლომდე აუხსნელი მარცხი: თვალბრუნა ჩაგუბებული დარდი და ბავშვური სიმორცხვე, არა, ბავშვურზე მეტი — რაღაც არაამქვეყნიური თვინიერება. და კიდევ უზომო სიკეთე, რომელიც შეუძლებელი იყო, არ გვერძნო. „თუ არ მოექცევით და არ დაემსგავსებით ბავშვებს, ვერ შეხვალთ ცათა სასუფეველში“. მისი ღიმილის გახსენებაზე მჯეროდა: ეს ადამიანი ნამდვილად შევა ცათა სასუფეველში.

ერთ კვირაზე ოდნავ მეტი გავიდა და ბაკურიანში ისევ გამოჩნდა „შაპიტოს“ აფიშები. გულში ტკბილ-მწარე ტკივილმა დამიარა. ამჯერად ცირკში წამოყოლაზე ჩემი ორი წლის ბიჭის გარდა ვეღარავინ დავითანხმე: ის იმდენად პატარაა, რომ სანახაობის განმეორებას უცვლელი სიხარულით შეხვდა. ბილეთის ასაღებად ადრინადად მივედი და მოხეტიალე მსახიობების მოსვლასაც შევესწარი: კინოთეატრის მთავარი შესასვლელის წინ დიდი დახურული სატვირთო მანქანა და წითელი მიკროავტობუსი გაჩერდა. სატვირთოდან ძაღლების მოგუდული, მაგრამ ომანიანი ყვავა მოისმოდა. მიკროავტობუსიდან ჯერ ზედმეტად ფერუმარილიანი, თუმცა სადად ჩაცმული ქალი გადმოვიდა, სახე უძრავ ნიღაბს მიუგავდა და უზომო დაღლილობას გამოხატავდა; მას მოჰყვა თეთრწვერა პირმრგვალი მამაკაცი, შუა ზაფხულში საიდანდაც მოულოდნელად გამოჩენილ თოვლის პაპას რომ ჰგავდა (მაშინვე ვიცანი, ეს ცირკის დორექტორი იყო) და კიდევ ერთი მამაკაცი — საშუალო ტანის, ოდნავ ჩაფსკვნილი; ის სატვირთო მანქანას მიუბრუნდა და იქიდან მოხმარე ოთხფეხა არტისტებს უბოროტოდ, ალერსიანადაც კი გასძახა:

— გაჩერდი!

გავოცდი, როდესაც მივხვდი, რომ ეს თითქმის მელოტი უღიღამო კაცი კლოუნი ჭიჭი იყო, დაღლილსახიანი მანდილოსანი კი — იმპოზანტური ორზალინდა, რომელსაც სასცენო გრიმი წინასწარ ჰქონდა წასმული. უკვე მოგვიანებით გავიფიქრე, ალბათ, ამ ადამიანებმა, კარგა ხანია, დახაჯეს ხალისიანი გამოქვეყნების ის მარაგი, რაც მთელი ცხოვრებისთვის ჰქონდათ განკუთვნილი და უსასრულო კრედიტს მხოლოდ სულიერი ძალების მაქსიმალური დაძაბვის ხარჯზე თუ იღებენ-მეთქი. თუკი მართლაც ასეა, გააფლანგველობის უფლებას თავს ნამდვილად ვერ მისცემენ...

პირველივე დანახვით მხოლოდ ირაკლი ვიცანი. მართალია, ახლა ყოველად ჩვეულებრივი შავი მოკლემკლავებიანი მაისური ეცვა, მაგრამ ის თითქმის ერთადერთი იყო მსახიობთა შორის, ვისაც პროფესიული ამბულა არც იერს უცვლიდა, არც სახეს. რამდენიმეწამიანი შინაგანი ბრძოლის შემდეგ ჩემს თავს ვძლიე, რაც ჩვეულებრივ არ მჩვევია, და ბიჭს მივუალოვდი. საკუთარ გრძობებში ჯერაც არ ვიყავი გარკვეული, ამიტომ გულს დანაშაულის ბუნდოვანი განცდა მიღრღნიდა, თითქოს ვთვალთმაქცობდი.

— უკაცრავად, შეიძლება, რაღაც გკითხოთ? დღესაც იგივე პროგრამით გამოხვალთ, რომლითაც ამასწინათ, თუ ახალი ნომრებიც გქვიათ? — სინდისის ქვეყნას თუნდაც იმის გამო ვგრძნობდი, რომ ამ შეკითხვაზე პასუხი ჩემთვის ისედაც ნათელი იყო: ვინ გამოიცხოვრებთ ერთ კვირაში ახალ პროგრამას?!

მაშინვე ჩემსკენ გაოგნებული და გაცისკროვნებული სახე მოაბრუნა, წარბები მალა აზიდა და საოცრად გახსნილი, მოლიმარი მზერა მომპაპრო, მაგრამ თითქოს ვერ გავეგო, რა მსურდა მისგან. პაუზა რომ არ გაგრძელებულიყო, სწრაფად დავამატე:

— ერთი კვირის წინ უკვე ვნახეთ თქვენი წარმოდგენა და ძალიან მოგვეწონა...

ცოტაც და, პანიკაში ჩავვარდებოდი, მაგრამ ბიჭმა ჩუმადა და თითქოს გაუბედავად წარმოთქვა:

— რა ვიცი... სხვადასხვა...

— როგორ? ჯერ კიდევ არ იცით, დღესათვის რა გაქვთ პროგრამაში?! — მოჩვენებითი გავიკვირე და კმაყოფილი დავრჩი საკუთარი თავით იმის გამო, რომ ასე გავთამამდი, მაგრამ მეორე წამშივე მივხვდი, საშინელი დანაშაული ჩავიდინე, თუმცა ვერ გამეგო, როგორ და რანაირად: ბიჭი სრულიად დაბნეული და გაცამტვერებული იდგა ჩემს წინაშე, თითქოს მხრებშიც კი მოხრილიყო. როგორ არ ჰგავ-

და ყოველივე ეს სცენაზე მის ლამაზ და სხარტ გამოსვლას! ძალიან ცუდად გავხდით: ასე მეგონა, დაუცველ, უბოროტო ბავშვს სილა გავანანი.

— კარგი ნომრები გვაქვს... — უშნოდ ამოილულულა და მეც სასწრაფოდ დავეთანხმე:

— ვიცი, ვიცი, ძალიან კარგი ნომრები გაქვთ...

მაგრამ ჩადენილის გამოსწორება ველარ შევქელი. ორივემ თვალები უხერხულად დაეხარეთ და ერთმანეთს გავეცალეთ.

იმ დღეზე ორი წარმოდგენა იყო დანიშნული, ბილეთი ნაწილობრივ ავიღე და ნაშუადღევს კინოთეატრთან დავბრუნდი.

ხალხი თანდათან გროვდებოდა შესასვლელთან. ნითელი მიკროავტობუსი ახლა უკვე ეზოს მხარეს დავინახე, მისი კარი ღია იყო და პირდაპირ, ღია კართან ირაკლი იჯდა. რა თქმა უნდა, დავინახე თუ არა, თვალს ვეღარ მოვწყვიტე, თუმცა დილანდელი მარცხის თუ გაუგებრობის შემდეგ, ვიცოდი, მისვლას და დალაპარაკებას ვეღარ გავებდავდი. თანაც, არ ვიცოდი, რა უნდა მეტყვა მისთვის: როგორც ყველაფერ დიდსა და ნამდვილს, ამ განცდასაც ვერანაირი განსაზღვრება ვერ ვუპოვე, ვერც ერთ კატეგორიას ვერ მივაკუთვნე...

საზურგეს მიყრდნობილი, უძრავად იჯდა და ერთ წერტილს მიმტერებოდა — ჩანდა, ეს პოზა წარმოდგენებს შორის დასვენების ჩვეულ მდგომარეობად ჰქცეოდა. ვიცანი ოქროსფერი ძაფით განწყობილი სამოსი, რომლითაც ჟონგლირებდა, მაგრამ ზევიდან ის უბრალო შავი მაისური გადაეცვა, რითაც დილით ვნახე: ალბათ, არ სურდა, საცირკო კოსტიუმით ქუჩაში გამვლელთა ყურადღება მიექცია. ამის გამო ფართო სახელოები ფრთებივით ჩაკეცილი და მკლავებზე მიტმასნილი ჰქონდა და ამაზე რატომღაც განსაკუთრებულად ამჩუყა გული. სწრაფად შევედი შენობაში: არ მინდოდა, რომ დავენახე. მართალია, თან ბავშვი მახლდა და თითზე ნიშნობის ბეჭედი მეკეთა, მაგრამ, აბა, რა უნდა ეფიქრა ქალზე, რომელიც ასე დაჟინებით უმზერს...

წარმოდგენის დაწყებამდე სცენის წინ დაველოდე: სამიოდ ნიღოს გოგონასათვის ხელი ჩაეკიდა და კულისებს მიღმა მიჰყავდა — როგორც შემდეგ გავიგე, ეს ერთ-ერთი არტისტის, გიორგისა და გიმნასტი გოგონას, ნასტიას, შვილია, რომელსაც, ცხადია, მუდამ თან დაატარებენ. უცნაურია: ბავშვი, რომელიც ცირკს მხოლოდ სარჩულის მხრიდან იცნობს, რომლისთვისაც ყველა საოცრება წინდანიანა ამოხსნილი — ის, რაც სხვათათვის სიხარულია, მისთვის მომაბეზრებელ რუტინად ქცეულა — მშობლებისაგან თითქმის მთელ ენერჯიასა და დროს რომ მოითხოვს...

საცირკო მარშის ნაცნობმა ხმამალღამა ჰანგებმა, როგორც ყოველთვის, მღელვარე მოლოდინით ამავესო, თუმცა ასე მოკლე ხნის წინ ნანახის განმეორებას, ცხადია, ის პირვანდელი ხიბლი ვეღარ ექნებოდა. მხოლოდ პირველ ორ ნომერს ვუყურე დაძაბული ყურადღებით, თითოეული ნიუანსის მოხელთებას ვცდილობდი, შემდეგ კი მოვდუნდი. დარბაზში ხალხიც უფრო ნაკლები იყო, ვიდრე ორი კვირის წინათ და მსახიობებიც, როგორც მეჩვენა, ნაკლები ხალხით მუშაობდნენ. თუმცა, შესაძლოა, ეს შთაბეჭდილება მხოლოდ ჩემს საკუთარ განწყობას უნდა დავაბრალო.

გამონაკლისს კვლავაც ირაკლი წარმოადგენდა: ჟონგლირება გიორგიმ დაიწყო და წამის ერთ გადაძმევტ მეთასედში ირაკლი ჩაენაცვლა: ჰაერში თითქოს შეჩერებული გოგუთების რკალი აიტაცა და ციური სხეულებივით აათამაშა.

შემდეგ სამი ხელჩაკიდებული მონოციკლისტი სცენაზე წრეებს უვლიდა. მალე ანუელი ფაურტო სახელოები ფრთებს მიუგავდათ. აკუსტიკური გიტარის კრიალა ბგერები მათ მოძრაობას კიდევ უფრო მსუბუქს ხდიდა. დანარჩენი ორი კულისებს მიღმა გაუჩინარდა და ირაკლი მარტო დარჩა. კიდევ ერთი წრე შემოუარა, სცენის შუაში გაჩერდა, თავი უკან გადაიგდო და მონოციკლი შუბლზე შემოიდგა. ჯერაც ჰაერში მოტრიალე ბორბალი გაანონასწორა, ძირს გადაკოტრიალდა, ისევ წამოდგა და, მკლავებგამოღობილი, ღიმილით შეეგება აპლოდისმენტებს. ნომერი რომ დასრულდა, როგორც იქნა, მივხვდი, რით განსხვავდება ის სხვა დანარჩენი მსახიობე-

ბისაგან: მისი ღიმილი წამდვლია, სულის სიღრმედან ამოსული და არა პროფესიული. ცხოვრებაშიც ზუსტად ასევე იღიმის. და კიდევ გავიფიქრე: როდესაც, აი, ასე გაჰყურებს დარბაზს, სინამდვილეში ვერაფერს ამჩნევს. სხვა მსახიობები მაყურებლებს ამკარად უსწორებენ თვალს, მათ უღიმიან, მათთვის ირჯებიან, ეს კი — ვის ან რის წინაშე გამოდის? გამახსენდა წმინდა ფრანჩესკო ასიზელი, კათოლიციზმის ეს, თუ არ ვცდები, ერთადერთი სალოსი, საკუთარ თავს „ღვთისმშობლის ჯამბაზს“ რომ უწოდებდა — ვინც უწმინდესი ქალწულის სადიდებლად თავი უსაზღვროდ დაიმბადა, „გაისულელა“ და მის წინაშე თავდავიწყებით გადადიოდა ყირაზე...

დარბაზიდან გასვლისას უკანასკნელად დავინახე ეზოში გამავალ კართან, წამოშლილ მაყურებლებს გადაჯვარედინებული ხელებით ანიშნებდა, მაგრამ დაკეტილია, მთავარი გასასვლელიდან შეგიძლიათ გასვლაო. ისევ ისე მდუმარედ იღიმოდა... ლაპარაკს ამკარად შესტების ენა ერჩივნა. ეტყობა, ქართული კარგად არ იცის-მეთქი, გავიფიქრე.

მას მერე დღეები გავიდა და მსოფენებას არ მაძლევდა ფიქრი, რომ წარმოდგენის შემდეგ შემეძლო, მივსულიყავი და უბრალოდ მადლობა გადამეხადა — მეთქვა, რომ ძალიან მომეწონა მისი გამოსვლა და ყველანაირი სიკეთეს ვუსურვებ, რაც კი შესაძლებელია... ცოტათი ბანალური იქნებოდა, მაგრამ უკვე ვიცოდი, რომ სწორედ ეს მსურდა: სულ ოდნავი სითბო დამებრუნებინა იმ ადამიანისათვის, ვისგანაც სიკეთის ასეთი ძლიერი იმპულსი ვიგრძენი. ხინჯად დამრჩა, ასე ლაჩრულად რომ გამოვიქეცი და შესაძლებლობა ხელიდან გავუშვი, ამიტომ, როგორც საერთოდ ვიცი ხოლმე, დავგინებით გავაქტიურდი. მასთან დაკავშირება, მართალია, ვერ მოვახერხე, უფრო სწორედ, ვერ გავბედე, მაგრამ ზოგიერთი რამ მაინც გავიგე მის შესახებ...

სკოლაში ჩვეულებრივი მონაფე იყო, არანაირ განსაკუთრებულ ნიჭს არ ავლენდა. გაკვეთილებზე ჯდომას მეგობრებთან ერთად ეზოში ყოფნა ერჩივნა, ოღონდ ერთი-ორთან. ბევრი მეგობარი არასოდეს ყოლია. ერთი გატაცება ჰქონდა, რომელსაც მშობლები უშლიდნენ, მაგრამ რომელზედაც ხელი ვერაფრით ააღებინეს: სახლის სხვენიში მტრედების მთელი გუნდი ჰყავდა მოშენებული, ყოველდღე ძველი, მორყეული კიბით ადიოდა სახურავზე და ქერსა და პურის ნამცეცხებს უყრებდა. საათობით შეეძლო, თვალს ედევნებინა მათი ფუსფუსისათვის, ყველაზე მეტად ის მემნტი უყვარდა, როდესაც ფრთებს შლიდნენ და ასაფრენად ემზადებოდნენ. დედა ყოველ ათ წუთში ერთხელ გადიოდა ეზოში და კისერდაგმძელბული აპყურებდა სახურავს. ბიჭის გამზდავარ, ანწილ ფეგურას რომ დალანდავდა, ცოტა ხნით მშვიდდებოდა. ცდილობდა, შვილისთვის არ დაენახებინა თავისი დარდანი სახე, არადა, ბოლო დროს სულ ერთი ფრაზა ჰქონდა აკვირებული, რომელსაც თავისთვის, ჩუმად ბუტბუტებდა: „შვილო, არ ჩამოვარდე. თავი, თავი არ გაიხეთქო, დედა გენაცვალოს...“

ირაკლის ყოველად უცნაური გამბედაობა ახასიათებდა, რომელიც ყველას აკვირებდა: სრულებით არ ემინოდა სიმალის და, ამავე დროს, ვერაფრით დაძლია ველოსიპედის შიში. არ წარმოედგინა, ორბორბლიანი კონსტრუქცია საკუთარი სხეულის ძალით როგორ უნდა გაეწონასწორებინა და ამიტომ, ყველა თავისი ახლობელი ბიჭისაგან განსხვავებით, ველოსიპედით სიარული ვერა და ვერ ისწავლა. სამაგიეროდ, სახურავის ქიშხე მოსიარულე ხშირად უნახავთ. ამ დროს გამოღობილი მკლავების მსუბუქი მოძრაობით იკავებდა წონასწორობას, მკლავებზე, მხრებზე, თავზე რუხი და თეთრი მტრედები ასხდნენ, ზოგი თავს დასტრიალებდა, წამით დააჯდებოდა და ისევ მალა აფრინდებოდა; ბიჭიც თითქოს ფრინველებს ბაძავდა, მკლავებს იქნევდა, გეგონებოდა, აფრენა სურს ან სულაც უკვე მიფრინავსო...

ცამეტი წლის ასაკში მენინგიტის მძიმე ფორმით დაავადდა. რამდენიმე კვირა უგონოდ იყო. ექიმებს ემინოდათ, ვერ გადარჩებაო. როდესაც გონს მოვიდა, უთოვლო, ყინვიანი ნოემბერი იდგა. ქარი ამაზრზენი სისინით ახლიდა საავადმყოფოს ფანჯარას ხის შიშველ ტოტებს.

როგორც ბურუსში, ისე დაინახა სანოლოდან თავდახრილი დედის გაღეული, გატანჯული სახე. ნელა, გაჭირვებით გაიაზრა, რომ ავად იყო და შეიძლებოდა, მომკვდარიყო — იქნებ ახლაც ვერ კიდევ სიკვდილის საფრთხე ემუქრებოდა. დალილი, ავადმყოფი ტვინი საშინელი ბოლმით ავესო: რატომ მაინცდამაინც მე? რატომ უნდა მოვეკვდე მაშინ, როდესაც ამდენი სხვა ადამიანი იცოცხლებს? რა უსამართლობაა?! ერთბაშად შესულდა ადამიანებიც, მთელი ეს ცივი, პირქუში სამყაროც და თვით დედაც, რომელიც ახლა ცრემლიანი და მაინც იმედიანი თვალებით შეჰყურებდა. რალაცას ლბილი, ათროლოლებული ხმით ეუბნებოდა, მაგრამ ბიჭს უმარტივესი სიტყვების წვდომაც კი ისე უჭირდა, თითქოს უცხო ენაზე ელაპარაკებოდნენ. დედას უნდოდა, მისთვის შუბლიდან წამოზრდილი თმა გადაენია, მაგრამ შვილმა თავი კედლისკენ შეატრიალა და გაერიდა. თუკი ცხოვრებამ გაიმეტა, თვითონაც ზურგს შეაქცევდა ცხოვრებას...

იმავე ღამეს ავადმყოფობა პირვანდელზე ბევრად უფრო მძიმე სახით შეუბრუნდა. ეჩვენებოდა, რომ ბნელ დერეფნებში დახეტებოდა დაქანცული, ოფლში განურული, და გასასვლელს ეძებდა. სადღაც წინ ბუნდოვნად გაიღვებდა ნათელი წერტილი და ისევ მიიმალებოდა. დერეფნებს ბოლო არ უჩანდა. დროს დინება შენევიდა და თითქოს დახშულ წრეებ ტრიალებდა, რეალურ სამყაროში კი ერთმანეთს თვეები ენაცვლებოდა.

რალაც გარეშე ძალით მანამდე უძრავი ნათელი წერტილი თავად დაიძრა მისკენ. იგრძნო, რომ გვირაბიდან გამოვიდა, თუმცა გარემოს ვერ არჩევდა, იმდენად თეთრი და თვალისმოჭრელი იყო ნათება. და უეცრად თავის წინაშე დედა დაინახა, რომლის სახეც მაშინვე ეცნო და თან ეუცხოვა კიდევ: ის მთლიანად ამ ყოვლისმომცველ ნათელთან შეერწყმულიყო, თავდაცვას ასხივებდა ნათელს და ძალიან ახალგაზრდა იყო: ისეთი, როგორც შვილს არ ახსოვდა, მხოლოდ ძველ ფოტოსურათებზე ენახა. დედა მშვიდი ღიმილით უყურებდა, შემდეგ ბაგე გახსნა, რალაც უნდა ეთქვა, მაგრამ სიტყვების მაგიერ მოულოდნელი, თუმცა საოცრად სასიამოვნო და ლბილი ყელისმიერი ბგერები ამოუშვა, ბუნდოვნად ნაცნობი, რომლებმაც ბიჭი ერთბაშად დაამშვიდა და გონს მოიყვანა. უსასრულობიდან ისევ დროში ჩაეშვა და შინ, თავის სანოლოში გაახილა თვალს. ოთახი მზით იყო განათებული, გაზაფხული იდგა და ღია ფანჯარაში მოპირდაპირე სახლის დამრეცი სახურავი მოჩანდა, მის ნაპირზე კი რუხი, მოვერცხლისფრო მტრედი დააბიჯებდა და დინჯდა, საზეიმოდ, თავის დაჟინებული დაკვრით იმეორებდა: „ლუ-ლუ-ლუ!“ — თითქოს ვილაცას რალაცას უხსნილი.

ირაკლი ხელახლა დაბადებულს ჰგავდა — კაცმა რომ თქვას, სწორედაც რომ ხელახლა დაიბადა: რეციდივის შემდეგ ექიმებს ოჯახის წევრებისათვის უთქვამთ, არანაირი იმედი აღარ არის და ავადმყოფი შინ გამოუტანებიათ. ახლა ყველაფერს ახალი თვალის უყურებდა და ყველაფერი, ერთხელ და სამუდამოდ, უსაზღვროდ შეუყვარდა. რაც მთავარია, მიხვდა, რომ არც იმ და არც იმქვეყნად საშიში არაფერი იყო, სრულიად არაფერი.

თითქმის ნახევარი წელიწადი წოლიდა უგონოდ. ახლა ძალ-ღონეს სწრაფად იკრებდა, ოღონდაც მეტყველების უნარი მთლიანად წაერთვა და, მართლაც ახალდაბადებული ბავშვივით უწევდა სიტყვებისა და ბგერების გაჭირვებით წარმოთქმა, მაგრამ ამას უხერხულობის გარეშე, ღიმილითა და ბავშვიური გაოცებით აკეთებდა.

თავის ძველ გატაცებას არ დაბრუნებია: მისი ავადმყოფობის პერიოდში მტრედები გავედმდნენ და გაიფრინდნენ, ერთი-ორსა და მოჰკრა თვალს თავისი უზნის სხვადასხვა კუნჭულში, უფრო ხშირად, სახურავების თავზე ხედავდა და უხაროდა, ლალად რომ დაფრინავდნენ. იყვნენ, იფრინონ, რა საჭიროა მათი თავიდან მოშინაურება...

როგორც კი ფიზიკურად მომაგრდა და გარეთ გასვლა შეძლო, ვარჯიში დაიწყო. სულ შემთხვევით შეხვდა ჯონის, საცირკო ჯგუფის ხელმძღვანელს, რომელმაც უთხრა, ჯობს, ჩემთან, ცირკში წამოხვიდე, სპორტიცაა და ნამდვილი, დიდი ხელოვნებაცო. ირაკლი მაშინვე დათანხმდა. ჯერ

უმარტივესი ილეთების შესრულება ისწავლა, თანდათან გაინახა ჟონგლირებაში; თავიდანვე სიმპათიით განეწყო თავისი მასწავლებლის, გიორგისადმი, მასზე მხოლოდ რამდენიმე წლით უფროსი რომ იყო და, უკვე მისი პარტნიორიც გამხდარიყო. წარმატებაზე მეტად ის უხაროდა, რომ აქ, შაპიტოს პატარა, ჭრელი თალის ქვეშ, მრგვალ არენაზე შეეძლო, შეესტებოდა და მიმიკით გამოეხატა ყველანაირი სათქმელი და ემოცია. გრძნობდა, რომ ეს იოლად და კარგად გამოსდიოდა და უხაროდა. ღიმილი სახიდან აღარ შორდებოდა.

ჯონი გამოცდილი ხელმძღვანელი იყო, ცირკი მართლა ყველაფერს ერჩივნა. იგორ კიოსთან უმუშავია, უამრავ საინტერესოს ყვებოდა „დიდ“, ანუ რუსეთის ცირკზე. ამასთან, არც ორგანიზატორული და კომერციული ალლო აკლდა, ყოველთვის ახერხებდა გასტროლებითვის აუცილებელი პირობების შექმნას და თავისი მსახიობების ინტერესებს, თუ საჭირო გახდებოდა, კბილებითაც დაიცავდა. ყველა ჩემი შვილები ხართო, ეუბნებოდა ხოლმე ახალგაზრდებს. შვილებივით პატრონობდა და, თუ საჭირო იყო, ტუქსავდა კიდევ.

ბათუმში, თავისი პირველი წარმოდგენის წინ, სრულებით არ უწერვიულია. აი, მოგვიანებით კი, როცა ჯონიმ უთხრა, დროა, ბედი სხვა ჟანრშიც სცადო და მონოციკლი შესთავაზა, ირაკლი შეცბა. თურმე, კიდევ რჩებოდა რალაც, რასაც უფრთხობდა: ბავშვობის შემდეგ მივიწყებული ველოსიპედის შიში ამოუტივტივდა. მხოლოდ რამდენიმე სანტიმეტრის სიგანის სკამი, პედლები და ერთადერთი ბორბალი — ეგონა, ამ ყოველად მოუხერხებელ საგანს ვერასოდეს ავითვისებო, მაგრამ უკან დახვევა არც უფიქრია. ერთ დღეს, მორიგი დაცემის შემდეგ, არენის მწვანე ტილოზე იჯდა ბედარულ ბორბალთან ჩახუტებული და დაბეჭულ თეძოს იხელებდა. გვერდით შალის პონჩოში ყურებამდე გახვეულმა როზალინდამ ჩაუარა (ზამთარი იყო და კარავში ნულოვანი ტემპერატურა იდგა), დახედა, ლოყაზე ალერსიანად მიეფერა და სიცვიისა და თუთუნისაგან ჩახრინული ხმით უთხრა:

— ნუ დარდობ, ირაკლი-ჯან, აი, ნახავ, ყველაფერი გამოგივა. წამო, გენაცვალე, მიკი და ჩაპა გამაკრეჭინე...

ახალი პროგრამით თბილისის ზოოპარკში, ახალი წლის წინა დღეებში, გართობა-სანახაობისათვის განსაკუთრებულად განწყობილი მაყურებლის წინაშე გამოვიდნენ. ირაკლის გამუდმებული ვარჯიშისაგან გვერდები სტკიოდა და, მიუხედავად ამისა, დარწმუნებული იყო, არაფერი გამოუვიდოდა. არენაზე გამოსვლისას პედლებს ფეხებით დაეყრდნო, მკლავებით შეეცადა წონასწორობის შენარჩუნებას და თვალები დახუჭა. ნაცნობმა მუსიკამ დაამშვიდა. ერთბაშად გიტარის ჰანგებს მიღმა ფრთების შხულის მაგვარი ხმა მოესმა, მოეჩვენა, თითქოს სახურავზე იდგა და გამოიღო მკლავებზე მტრედები ასხდნენ. ისეთი თავისუფლება იგრძნო, თითქოს პედლებს კი არ ატრიალებდა, ჰაერში ამოძრავებდა ფეხებს. თვალები გაახილა, მაგრამ ფრენის განცდა არ გამქალა. არენაზე რამდენიმე წრე გააკეთა და შუაში გაჩერდა. მოზღვავებულ სიხარულს მკერდში ვეღარ იტევდა, მთელი დარბაზის, სათითაოდ ყველა მაყურებლის გულში ჩაკვრა უნდოდა. თვითონაც ვერ შენიშნა, როგორ აცეკვდა: ეს ევროპული ჩეჩოტკასა და ქართული დავლურის რალაც თავდავიწყებული ნახავი თავისთავად გამოუვიდა. დარბაზი ოვაციებით აგუგუნდა, ირაკლის ალტაცება მაყურებლებსაც გადაეფლო. დამაგვირგვინებელი აკორდები მიწყდა და ისიც, მკლავებგამოღობილი, ღიმილით ისმენდა ტაშსა და შეძახილებს.

მისი ღიმილი... აი, სწორედ ეს ღიმილი იგულისხმა რილკემ, როდესაც დაწერა:

„მოდი, დაკრიფე, ანგელოზო,
ეს სამკურნალო
წერილ-წერილ ყვავილითა ბალახებით,
ჩადე ლარნაკში
და ჩადგი ჩვენთვის
ჯერ გაუშლელ ლხენათა შორის,
ლამაზ ურნაში, უკვდავყავი
დიდი წარწერით: „Subrisio Saltat“*...

* (ლათ.) „ჯამბაზის ღიმილი“.

„აგელაოს, ზევსის კი არა, მამაჩემის ტკივილებს გეფიცებო...“ მე კი ჩემ დროს გეფიცებით, იმ დროს, რომელშიც მე ვცხოვრობ და არა იმ დროს, რომელშიც მოციქულები და წინასწარმეტყველები ცხოვრობდნენ. ეს დღეისდღეა.

ფიქრს არასდროს წყვეტ, არც სათქმელს გიღვეს ყოველდღიურობა. არც იმგვარი ბრძენი ხარ, ბაგე მოკუმო, თვალეზი დაითხარო, სმენა დაივსო. პირიქით, ხედავ, რომ მილიონი თვალი და ყური და ბაგე მოგცემია. თითქოს საკუთარი არ კმაროდა. ცხოვრობ, როგორც ათასი სხვა. ამ აურზაურში ყველაზე მეტად შენივე პიროვნული ინდივიდუალიზმი გიცავს იმ ღვარცოფისაგან, რაც თავზე დაგდის ყოველი მხრიდან. ნერ შენსავე თავს, თავისი სიხარულითა და ტკივილებით, განცდებით, გულგატეხილობითა თუ იმედებით. ნაზამთრი ნაძვივით, გაზაფხულის მზის სურნელზე რომ ვარჯის დაბერტყავს და სიყვარულის მტვერს აფრქვევს ირგვლივ. ჩვენც ასე, თუ სადმე სულისმზეს დავიგულებთ, ჩვენი სიყვარულიანი ამოფრქვევებიც სიტყვებად ედება ჩვენ მოზიარებებს. კარგი, კიდევ კარგი, ეს მაინც შეგვიძლია.

ვინც ბატონ ვახტანგ როდონიას პირადად იცნობდა, მისეული ამბის მოყოლის მანერაც ეცოდინება, მოჭუტული და ღიმილიანი თვალები, იუმორი, ირონია და დინჯი თხრობა. გამომცემლობა „პეგასი“ შევხვდი ბატონ ვახტანგს „ნანინებზე“ მუშაობისას. ერთბაშად ამ ამბავს მოჰყვა, როცა სიტყვა ჩამოვარდა თანამედროვე გამოცემებში გაპარულ უხვ შეცდომებზე. ერთხელ, ბრძანა ბატონმა ვახტანგმა, ვმუშაობდით ქართული აგიოგრაფიული მწერლობის ქრესტომათიაზე და მიზნად დავისახეთ, რომ აბსოლუტურად უშეცდომო წიგნი გამოგვეცაო. ძალიან ბევრი ვიმრომეთ და მივალნიეთ ამ შედეგსო და აი, დაიბეჭდა წიგნი და ამაყად გვიჩიარავს თავი, რომ წიგნში არც ერთი შეცდომა არ არისო გაპარული. და უეცრად ვიღაცამ აღმოაჩინა სატიტულე წარწერაში იოანე მინჩხის ნაცვლად მონჩხი წერილი. ჰოდა, საბოლოოდ დავასკვნით, რომ უშეცდომო წიგნის გამოცემა შეუძლებელია და ამ მოვლენას სახელიც მოუფიქრებინეთ და „მონჩხის კომპლექსი“ დავარქვითო. მართლაც შეუძლებელია იმგვარი წიგნის მოძიება დღეს, რომელშიც შეცდომები არ გვხვდებოდეს. და ყველა შეცდომის აღმოჩენისას გავიძახო მონჩხი და მონჩხი-მეთქი. და რა ხშიანობაა? ხომ შეიძლება შეცდომა სხვა სიტყვაში გაპარულიყო? არადა, სწორედ ისეთში გაიპარა, რომ რაც მეთია შეცდომა, მით მონჩ-მონჩხართულს ჰგავს ხოლმე წიგნი.

არა მგონია, ამაზე ზუსტად ქრისტიანობის და, ზოგადად, ადამიანობის კრემო ვინმეს გამოეხატოს ადამიანთაგანს! თორემ მახარებლები ბევრ რამეს წერენ ქრისტიანთაგან გაგონილს. „მგონია, მოწყალეობაც დაჩოქილებმა უნდა გავილოთ... ისევე, როგორც ვითხოვთ მის მიღებას...“ — ამას წერს მარინა ცვეტაევა... — ეს, ალბათ, უმაღლესი საფეხურის ადამიანის თეზაა.

ერთხელ ერთმა ლექსმცოდნემ მირჩია, ნუ იყენებ ლექსიკაში ისეთ სიტყვებს, რომლებიც მეტყველებში არ იხმარება, რადგან ამ ლექსიკონში მოსაძიებელ სიტყვებზე ისევე წყვეტს აღქმას მკითხველის ყური, როგორც მსმენელი ხარვეზიანი რაიოგადაცემის ეთერის შიშინზეო. არადა, ზოგჯერ სწორედ ერთი სიტყვის გასაცოცხლებლად დამინერია ლექსი და მგონია, რომ პოეზიის ერთ-ერთი „პოლიტიკა“ სწორედ ენის სიცოცხლისუნარიანობის ფუნქციაა, ენის „გამზერება“. შეიძლება, ძალიან ნაივურია ეს წარმოდგენაც, რომ ჩემი ლექსი სიტყვას სიცოცხლეს დაუბრუნებს, ამპარტავნულიც კი... მართლა როგორ გავადარებთ ენა. გავადარებთ თუ გავაბრაზებთ და ბევრი ძვირფასი რამ გადაგვიძალა თავის თავში. მხოლოდ კომუნიკაციის საშუალებად ვიყენებთ. ამირან არაბულის „სულუქცევრად საკითხავნი“ ვინც წაიკითხა, დამეთანხმება, რომ მსგავსი მაგალითი ენის ქმნადობისა, იშვიათია. ეს მხოლოდ „მუხლადი“ ქართუ-

მარიამ ნიკლაური



დაუნერაელი წერილებიდან

ლი არაა, ეს ერთი ინდივიდის სულ-გულგონებაში ენის გამოტარების, გაფრვების საოცარი ნიმუშია. რა კომპოზიციებია ნაწარმოები, რა სიტყვები, რა ენობრივი პლასტებია ამეტყველებული ამ ჩანაწერებში. მწერლის ენა თავადაა კვლევის ობიექტი. ესაა ღირებულებათა ენა, აზროვნების ენა, სულის ენა. ვახვეებული ტოტი რომ განედღებება, აი, ეგეთია ამირანის ნასიტყვარი. მართლაც, ენის საამირანო ძალას რომ გაგრძნობინებს.

ერთხელ ეთეროს ნაუბარს ვისმენდი თავის ბავშვობაზე, ცირა ბარბაქაძეს ჰყავდა მინვეული ილიაუნის პოეზიის კლუბში ახალი წიგნის, „ჩიტ რომ იძახს, ნიავ“, წარდგენაზე. მაშინდელმა მონათხრობის მოსმენამ მაფიქრებინა, რომ არსებობს დრამატურგიული ენა და მის მფლობელს შეუძლია, მონათხრობი აქციოს სპექტაკლად ან კინოდ. მასწავლებელზე, ბათო ძიოზე, ჰყვებოდა ეთერო და იმდენად დავიჯერე, რომ კი არ ვისმენდი, ვუყურებდი მის ბავშვობას და მეც იქ ვიყავი, თუმე-თის სოფლის სკოლაში. ტაშმა გამომაფიხლა. ასეთი ამბები იშვიათად დაგემართება. ასეთი თხრობა ახასიათებს დოდო ხიმშიაშვილსაც, უცნაურად ცოცხალი, ხატოვანი, სურათოვანი. და, განუმეორებელ რეზო ესაძეს. ალბათ ამგვარი ნიჭით იყვნენ დაჯიღოვებულები ის გლეხებიც, რომელთა საგვარეულო ბეგარა ბატონისათვის მხოლოდ ზღაპრის მოყოლა იყო. იმედია, ეთეროს ჩანაწერებსაც მალე ვიხილავთ... აი, ენაზე ვსაუბრობდი, და რადგან ეთეროს ლექსების წიგნი ვახსენე, თუთიკოს (არაბულელების ნაბოლარას, მარიამ არაბულის) ნახატებით, რა გულმა უნდა გამიძლოს, რომ მის დახატულ ჩიტებზე არაფერი ვთქვა. ზღაპრულია. ეს ჩიტები სამოთხის ბაღის ბინადრები თუ არიან. ჰოდა, აი, ეგეთი ნიჭიერები არიან ყველანი: კალამიც უჭიკ-ჭიკებთ, ფუნჯიც, ენაც და სულიც.

ლიქოკელი ლია – ჩემთვის იმ მითიურ პერსონაჟს ჰგავს, რომელიც ყრმად და ჩვილად კი არ იბადება, არამედ უკვე ზრდასრული მოვლენიება ქვეყნიერებას. არიან ასეთი ხელოვნები, პირველივე მონას-მით რომ მწვერვალს მოხაზვენ; პირველივე გამოჩენით რომ თავიანთ სახეს ნიშნად და ბეჭდად დაადებენ გარემოს. ასეთი პიროვნებების უღველადობა მიყვარს ძალიან, ცეცხლის ალი და მსხვერვადი მჭვირვალეობა ერთდროულად. მათ იციან თავიანთი ნიჭის სიგრძე და სიგანე. ამათ რომც აუკრძალო წერა და სასიკვდილო განაჩენი გამოუტანო წერის გამო, მასინც მშვიდად გააგრძელებენ საქმეს. ასეთი დედაკაცები გვყავს ჩვენ. ასეთი ქალბატონები-მეთქი, არასდროს ვიტყვი. და, განა ერთი და ორი? ზოგს რომ თან მრავალშვილიანი დედის, ზოგს ტაძრის ილუმენის, ზოგს მეცნიერის და ვინ იტყვის, რა სფეროში მოღვაწე ადამიანის სახით არ ხვდები? და განა ითხოვს ვინმე, ოდესმე, რაიმე შედავათ? ან რა საკადრებელია?!

მინდიას განწირულება დაჰყვა ბედად მათ, ვისაც ესმოდა თავისუფლების ენა. მამუკა ნიკლაური. სულ გმირის, სულ მხსნელის მომლოდინე, სულ სამართლიანობის გამარჯვების მოიმედე, სულ თავისი კარგახურული დროისა და წარსულის მეჭირისუფლე, სულ მახვილივით შემართული, საკუთარ თუ სამშობლოს სულში სულ წმინდა სიყვარულის გადამრჩენელი, წარსულის ლანდების გამომხმობი, სი-

მართლის ხატის უნჯი ყმა, სიტყვის რაინდი... მთელი მისი შემოქმედება გამოსაცემია, შესასწავლია. როგორი ძლიერია მისი პოეტური სიტყვა, როგორი ძლიერია მისი პოეზიის სიმართლე და რა რვალივით გაუზზარავია მისი იდეალები! და რა მძაფრია ის სინამდვილეც, რომელსაც მთისიქიდან ამოზრდილი ღრუბელივით ხედავს პოეტი – გარდუვალაობა იმისა, რისთვისაც არ ეთმობა არც ადამიანი, არც სამშობლო. და ის ამ განაჩენზე, როგორც მახვილზე, საკუთარი გულით და სიცოცხლით წამოგებული.

მარტოსულობის დედოფლებიც ხომ არსებობენ?! რა ეშველებოდა უმაგათოდ პოეზიას?! განა ბევრს გადაუდნია ბედისწერა ბაჯალლოდ? ბევრს დაუურევებია ტკივილები ამგვარ მშვენიერებად? ბევრს ჰქონია ასეთი შეუმცდარი სიტყვის „გემი“?! ბევრს ჰქონია ასეთი ნაყოფიერი მარტოსულობა? სისავსედ ქვეყლი უყოლობა? სად იყვნენ ეს ლექსები შენამდე? სად ითენებდნენ „უმცირესობის მწარე სიმართლეს“? სად იშლებოდნენ ვარდკაჭაჭებივით ტკივილების განთიადებზე, რამი იტყვდნენ მზისპირებზე გააღებულ სულთქმას? რა ძალმოსილია შენი სიძლიერე, რა მშვენიერია შენი ნაყოფი, რა მართალია შენი არჩევანი, რა დედოფლურია შენი ერთგულება, ელა!

ასეთ ჭაპანწყვეტაში, ალბათ, არასდროს უცხოვრია მწერალს. ვიტყვი ამას და ვაჟა-ფშაველა დაგიდგებათ თვალნი. მე კი ჩემ თანამედროვე მწერლებზე ვამბობ, რამდენს ნვალობენ, რომობენ, ნელვებზე ფეხს იდგამენ, რომ... და მაინც მშვიერი, ჩაუცმელი, ვალებში, უსამსახურო, უსამლისფულო, დაუცველი, პატივიუგებელი, შვილისთვის არაფერი აქვს, მოკეთეს ვერაფერში ადგება... და თქვენ, ალბათ, ეს სიტყვები მაინც ვაჟა-ფშაველას გაგახსენებენ...

არცერთ პოეტთან არ ამომიკითხავს ასეთი ძალმოსილებით, ასეთი სიმართლით და ასეთი სიღრმით ომგამოვლილი, ომგადატანილი ადამიანის განცდები, როგორც შაკო ბაკურაძის წიგნში „დასადებლნი წმინდისა ადღომისანი“. ამ ლექსებიდან ხვდები, რაა არა ნაომარი ჯარისკაცის, არამედ ომნახადი კაცის, ომგადატანილის განცდა, იმ კაცის, რომლისთვის არც არასდროს დამთავრდება ომი, სანამ ცოცხალია! მაგრამ შაკო იმის შაკოა, სიცოცხლით მოკვდება და იტყვის, მარიამო, ამ „ომნახადს“ „ორნახადი“ მირჩევნიაო.

დროზე ამბობენ, პირუთენელი მსაჯულიაო. მაგრამ ამის მაგალითებიც ხომ ბევრია, როცა საკუთარი დროის მიერ ნაუკითხავი შემოქმედი ძალიან ძნელად იძვიდრებს თავს სხვა უცხო დროში? პოეტის ცნობილი ფრაზა „დრო, დრო აღნიშნე“, ალბათ, უფრო ღრმა ქვეტექსტის მატარებელი ფორმულაა. იქნებ ასე უნდა მეთქვა: პროცესიდან ამოვარდნილი ავტორი ძნელად პოულობს თავის კუთვნილ ადგილს მერე. ანუ გამოთქმა „ყველაფერს თავის დრო აქვს“, შემოქმედებასაც ეტება?

კატო ჯავახიშვილს თავისი შინაგანი საკუთარი დროის სისტემა აქვს, თავისი საკუთარი საათი, თავისი საკუთარი ლექსი, თავისი ტკივილები, თავისი სიხარული.

და ახალგაზრდული პროტესტი — ყველაზე მშვენიერი და კეთილშობილი ეგოიზმი, სამყაროსთან და ადამიანებთან შეჯახების სისასტიკიდან ცეცხლის ყვავილივით ამოზრდილი. ნუ კითხავთ კატოს, რომელი საათია, თუ დროის გაგება გინდათ, მისი საათი სულ სხვა დროს აჩვენებს. მისი ლექსები უფრო გეტყვით, რა დროა ახლა...

სადი ნიშარი — ეს სახელი და გვარი, ჩემი საყვარელი პოეტისა, რომლისადმიც მაქვს მიძღვნილი ლექსი „თეთრი ხბორები“, ბევრმა ეტება, დაგუგლა, მაგრამ აბა, ვინ იპოვიდა ჩემ გამოგონილ გვარ-სახელს? ეს ნინია სადღობელაშვილია. ერთი პირობა ვიფიქრეთ, მისი რომანი „ორსული“, ფსევდონიმით გამოსულიყო და რამდენიმე სახელი და გვარი შევარჩიეთ. მერე გადაიფიქრა თავადვე, მე კი ვერ შეველეე ჩემ „გამოგონებას“ სადი, სად-ღობელაშვილი-ი შევამოკლე, ნინოს ნანილს, ნის, რომელიც შებრუნებით, ჩინურად, არწივს, უფლის რჩეულ ფრთოსანს ნიშნავს, მარიც მივუმატე, ის „მარ“, რომელიც „ღვთიურობის“ აღმნიშვნელია. ჰოდა, ასე გაჩნდა სადი ნიშარი, მართლაც რომ ჩემი უსაყვარლესი პოეტი. ასეთი მოკრძალებული ადამიანი მე სხვა არავინ შემხვედრია, ვალიარებ. მის ნიჭში მართლა „ღვთის თვალა“, როგორც მზე ყურძნის მნიფე მარცვალში.

ასეთი ფენომენი ქართულ მწერლობაში, როგორც ნატო დავითაშვილია, მეორე არაა. ქართული ფენტეზის დედოფალი! ასეთი პასუხისმგებლობით ადამიანის საქმეს ეკიდებოდეს, იშვიათად მინახავს. ნატო ქართველი როულინგია. მისი პროდუქტიულობა სამაგალითოა. თუმცა ძნელია, აკა მორჩილადის ან როსტომ ჩხეიძის ფონზე ვინმე პროდუქტიულობისათვის შეაქო, ნატო ამას ისახებურებს თავის გამომცემელთან ერთად.

თანამედროვეობისა და ისტორიზმის იმგვარ ერთობას, რაც ბერძენი ნობელიანტი პოეტის გიორგოს სეფერისის ლექსების თარგმანებზე მუშაობისას ვიგრძენი, აქვს ძალმოსილება, თავისი სამშობლო, როგორც ღირებულება, ნებისმიერ სხვა უცხო სუტციოს სარწმუნოდ, თუნდაც ის საბერძნეთი არ იყოს. დიდი მადლად მათა კაკაშვილს, რომ ბერძენი ნობელიანტების თარგმნა გადამწყვიტა და მეც დამიმგზავრა ამ გზაზე.

მითი, ისააო, რაც სულ არსებობს. და გველესაპიც არ მოისპო, წყაროზე მოკალათებული, ყველაფერი რომ მისია, რასაც მოისურვებს. ახალი მითიური პერსონაჟები რომ არსებობენ: მასიური ფსიქოზი, მასიური ცინიზმი, ეკრანული მშვენიერება, მასიური აგრესია, მონამეობრივი ბოროტება, ქრისტიანული ფანატიზმი, პოეტური აგრესია, მასიური ხათრიანობა, პოლიტიკური აპოლიტიკურობა და ასე შემდეგ და ასე შემდეგ...

მეტერლინკის „ნატურფილოსოფიური თხზულებების“ დათო აკრიანისეული თარგმანები მინდა, ვახსენო. საოცრებაა თავად ორგინალური შრომა მწერლისა, მაგრამ არანაკლები საოცრებაა ის ოსტატობა, რითაც მთარგმნელი აქართულებს ამ ტექსტებს. გაოცებული რჩები! ასევე მოიცებს ფილიპ ჟაკოტეს პოეტური პროზის თარგმანების კითხვა. ეს ნისლივით მოსახელთებელი მისტიკა როგორაა გადმოტანილი ერთი ენიდან მეორეზე. აბა, სხვა რაღაა საოცარი ოსტატობა?

ლელა მეტრეველი, უნიჭიერესი ქალი, პოეტი, მთარგმნელი, მეცნიერი, დიდი გულშემატკივარია მეორე შესანიშნავი პოეტის, ნოდარ ადიშვილის. გამზადებული უდღეს ნოდარის „100 ლექსი“. ისე მოხდა, გამომცემლობამ ვერ მოახერხა ამ კრებული საგამომცემლო გეგმაში ჩასმა. როგორ მწყდება გული, როგორ ხშირად მახსენდება ძალიან სიმპატიური ადამიანი თავისი ცისფერი თვალებით და ბავშვური გულით. არსებობენ ადამიანები და ლექსები, რომელთა დავინყება უბრალოდ არ გვეპატიება, რომლებიც, როგორც არასდროს, ისე ჭირდება დღევანდელ აფორი-აქებულ და მშფოთვარე სულს.

 პოეტი და ხელოვანი რომ ყველაზე გაბედული ადამიანი არ იყოს, ვერც ვერაფერს შექმნიდა ახალს. მათგან ყველაზე გაბედულები შემორჩებიან ხოლმე საუკუნეებს. რაც შეეხება მოქალაქეობრივ პოზიციებს და გაბედულებას, ეს ინდივიდუალური თვისებაა. მე მინახავს ადამიანი, ვინც თითქოს შინ არის გამოკეტილი ასკეტი ბერივით, მაგრამ მისი სიტყვით საუკუნეები აიგრაგნებიან და აზროვნების ახალი სივრცეები გადგამიან ნინ ადამიანებს. ისეთებიც მინახავს, პარტიულ კონიუნქტურას და ხელოვანის სახელს ერთდროულად რომ იფერებენ და მინახავს შენიღბული ადამიანებიც, გამირები... დრო თვითონ წარმოშობს ხოლმე ასეთ ადამიანებს, ითხოვს თითქოს, ხატის ყმასავით ხელს ადებს და საკუთარი გზით ატარებს, რათა მათმა სიტყვამ ჭეშმარიტებისათვის იქადაგოს. ასეთი ადამიანების გარეშე საზოგადოება არ ვითარდება, გაბედულება სწორედ ის თვისებაა, რომელზეც მომავალი უნდა დაშენდეს. ბედნიერია ის, ვისაც ეს უნარი „განეჩინება“. მაგრამ აი, ამგვარი დიადი და ეპოქალური სახელოვნებო გაბედულების გვერდით ვაფანატებ უბრალო ადამიანურ გაბედულებას, როცა გაქვს ძალა და უნარიც შეგნებს, სიმართლე მიახლო პირში მოყვასს და ის უთხრა, რისი ღირსიცაა.

 ქართული პოლიფონიური, მრავალხმიანი სიმღერა სხვა ადამიანებთან (და ხალხებთან) თანაცხოვრებისა და ინდივიდუალურობის შენარჩუნების უზრუნველესი ნიშანი და მავალითაა. სულის ამ უნარმა მოგვიყვანა დღემდე! საქართველოს ხმა მგონია მარადისობიდან... მშობლიური და მისანდობელი, ხან ხაფი, ხან ძლივს გასაგონი, ხან ამოუცნობი, ათასნაირად მჟღერი, მრავალხმიანი, ვაჟკაცური... ხმა მარადისობიდან, სულ, სულ, გამუდმებით მდინარი, ზოგჯერ სასულიერო ხმა — საკუთარი ღვთაებრივი შემოქმედების მამხილებელი, საკუთარი თავისუფლების მცნობი და ღვთის მოიმიდე! და რა არქაულია ქართული ხმა. უსმენ ზოგჯერ ხევისბერს, ან მგალობლებს, ან მომღერლებს და ხვდები, რომ თავად ხმაც გამოცდილია, გამონართობილია ჟამებში. და მრავალხმიანობის მეშვეობით ადამიანის განმტკიცების გზასაც გადმოსცემს. უფრო სწორად, იმაზეც მიგვაჩვენებს, რომ ვიღაც ყოველთვის დაბლა იარსებებს, ვიდრე ავა სამშალო საფეხურზე, ხოლო რჩეული უმაღლეს საფეხურს მიადნებს, სიმბოლურად წინასწარმეტყველი გამორჩნდება ხოლმე, ან გაპყვება მას ხალხი, ან ღმერთად იქცევა მესია, ან მხოლოდ რჩეული დარჩება რჩეულად და ხალხი — ხალხად. ო, რა სასწაული სულის გზის მაჩვენებელია ეს მრავალხმიანობაც. ფილოსოფია ქართული სიმღერა. კოსმოსის, სამყაროს და ადამიანების ურთიერთიმართების თავისებური ფილოსოფია.

 მამა ადამი (ახლაძე) რა საოცარ წერალებს წერს პოეტების შემოქმედებაზე. ნეტავ, მედიცინამ დაკარგა ის როგორც ექიმში თუ ლიტერატურამ, როგორც ლიტერატორი? მგონი, არცერთმა — ორთავემ იკმარეს. და განსაკუთრებით შესამჩნევია ამ ბოლო დროს დამკვიდრებული წესი ზეპირი გამოსვლებისა, რომელიც ნათქვამის მიმართ სრულ უპასუხისმგებლობაზე მიუთითებს, თითქოს ქარს და ჰაერს ვანდობთ ჩვენ სიტყვას. ის კი სულ დანერგულ კითხვებს, არა იმიტომ, რომ ზეპირად ვერ შეძლებს ლაპარაკს, არამედ სწორედ ამ სიტყვისადმი, ნათქვამისადმი საკუთარ პასუხისმგებლობას გრძნობს ალბათ (მაკაჯოხაძესაც მსგავსი რამ ახასიათებს). თანამედროვე სასულიერო პირები ბევრნი არიან ლიტერატურის და, კერძოდ, პოეზიის ტყვეობაში. ხანდახან, სულო ცოდვილო და, მიკვირს, რატომ? ნუთუ მათაც და ჩვენც, საერო პირებს, ერთნაირად შეიძლება ხელს გვერდებს პოეზიის „ვნება“? სიტყვა — ერთი უძლიერესი ვნებათაგანი ყველასთვის. მაგრამ ხან ამასაც ვფიქრობ, სიტყვა ვნებაა თუ ადამიანებისათვის მისი შემოქმედებით საკუთარი პერსონის გაცხადება-გაზიარების დაუოკებელი სურვილი?! ერთგვარი ვირტუალური და სულიერი სტრატეგიის მონაწილენი ვართ ყველანი. მაგრამ ცუდი ისაა, რომ ყველა არ ფიქრობს, რას აჩენს, სილამაზეს თუ სიმახინჯეს? ადამიანები მეტად და მეტად მძაფრ ემოციებს ეძიებენ და ამ ემოციების შიმ-

შლით შეპყრობილები არაფერს დაგიდვენ. სულ უფრო გაუცნობიერებელი ხდება სიტყვები „ადამიანო, ეკრძაღე თავსა შენსა“.

 გილგამეშისანი... როგორი იქნებოდა კაცობრიობის და სიტყვიერების აზროვნება და განვითარების გზა, თუნდაც ხელოვნების ხასიათი, ამ ტექსტს რომ არ მოეღწია ჩვენამდე?... ან ასე რომ არ ეაზროვოდა და ასე არ განეცადა ადამიანს მარადისობისა და წარმავლობის კატეგორიები? ასე რომ არ სტკენოდა არსებობა?

 ხარანაული წერს: „პოეზიას ჰქონდა შემალღებელი, მოვიდნენ და გადაასწორეს“. ზუსტი ნათქვამია. ჩვენი ეპოქა სხვა „შემალღებულებზე“ ლოცულობს. მთელ სამყაროში ფულის დიქტატურისა და სიჭრუის დიქტატურის „შემალღებულებია“, მაგრამ ახლა რომ ვიშვიშს მოვეყვით, რა გამოვა? ის, რომ ზოგადად კულტურაზე მეტი ზრუნვაა საჭირო, ხომ არავინ შემეკამათება? რომ ზრუნვა საჭიროა ცოცხალ კულტურულ პროცესებზეც და არა მხოლოდ სამუზეუმო სექტორზე?! რომ თვითმყოფადობის შენარჩუნებას ჩვენს კულტურაში ისეთივე მნიშვნელობა აქვს, როგორც ტერიტორიების შენარჩუნებას სამშობლოსათვის? ძალიან რთული ჟამია, მაგრამ მეტი გონიერება გვმართებს. მგონი, ჩვენ თვითონვე უნდა გავხდეთ ეგ „შემალღებელი“, რომ ჩვენში გადავარჩინოთ პოეზია და არა ჩვენი თავი პოეზიაში...

 „ვინც წარმატებას აღწევს მეცნიერებაში, მაგრამ ჩამორჩენილია ზნეობრივად, ის უკან მიდის და არა წინ“ (არისტოტელე). სიმართლეა, რადგან ადამიანი ჯერ ადამიანობით ფასობს და მერე — კარიერული მიღწევებით. თუმცა მაინც პირობითია ეს აზრიც, რადგან შეიძლება ასეთმა მეცნიერმა იმგვარი რამ გამოიგონოს, ზოგადად მთელი კაცობრიობისათვის იქცეს წარმატებისა და კეთილდღეობის გარანტიად. ხელოვნებაშიც ასეა, ალბათ, მაგრამ თუ დაუუკვირდებით, რაღაც მიზეზების გამო, ადამიანის ფაქტორი არსად აღარ ჩანს ხელოვნებაში. ან იქნებ ჩანს კიდევ? რამდენი ცუდი ადამიანი ქმნის კარგ ხელოვნებას, თითქოს. აქ ცნობილი სუბლიმაციის ფაქტორსაც ენიჭება მნიშვნელობა. უცნაური რესურსია ადამიანისათვის ხელოვნებადქმნადობის, ერთგვარი თამაშის უნარი. ვერც იტყვი რომდამდე სიმართლეს: ნაკლები ქმნის სისასხეს თუ სისასვე ქმნის ნაკლებს?.. პასუხგაუცემელი კითხვაა.

 გარეგნობით მახსოვს ის ტელეეკრანიდან. რამდენი საშინელი საქმე უკეთებია, არადა, რამხელა ავტორიტეტის სახელით თუ ცრუსახელი ჰქონდა. ახლა და ახლა უამრავი ადამიანი წერს ღიად მისი „კაიკაიკობის“ შესახებ. სხვების შესახებაც წერენ. ცამინდელი სახელმწიფო იდეოლოგია ეხმარებოდა მას, ფართოდ გაეშალა ბნელი სულისთვის მზაკვრობის ფრთები. ან იქნებ, ასეთ ადამიანებს სულის ნაცვლად რაღაც სხვა აქვთ? თუმცა ამდგავარი ადამიანების მოღვაწეობისა და ცხოვრების შესახებ ისევ უწყებებიან ამა თუ იმ სახლებზე აკრული მემორიალური დაფები. ერთი ასეთი დაფა ძველი სამების ეკლესიის გადასწვრივ, ფურცელადის ქუჩაზე „იწონებს“ თავს. იქნებ, დაფასაც რცხვენია, ასეთი ბედი რომ ერგო? კითხვობდნენ და აფურთხებდნენ... რა ქნას დაფამ? ქვამ რა ქნას, ისიც ადამიანივითაა, უნდა გაუძლოს ბედისწერას. ხომ შეიძლებაოდა, ბესო ჟღერტის ნაცვლად სწერებოდა, ვთქვათ, ვახტანგ კოტეტიშვილი? ან რადიანის მაგივრად სწერებოდა, ვთქვათ, ლადო ასათიანი? ბედისწერა ხომ ყველა დაფასაც თავისი დაჰყლია ადამიანივით, ზოგს დაინახავ და გაგიხარდება, ზოგს დაინახავ და თავს აღრიდებ, ზოგის შეგვიმინდება კიდევ, ზოგზე კი იტყვი, ეს ვინლაო და რა უნდაო? ტოვსტონოგოვის ქუჩაზეა ერთი ასეთი დაფა: „აქ, ამა და ამ წლებში, ცხოვრობდა და ქმნიდა გამორჩენილი ქართველი პოეტი იჩქით ბორჯანილი...“ ნაღი და ეძიე, ვინ იყო, რა დაუნერია...

 ვფიქრობ, რომ არსებობს მდებდრობითი, მამრობითი და პოეტის სქესი (ეს ნახ-

ევრად ზუმრობით). ადამიანისთვის ის, რაც ღმერთს მიუცია, ბუნებრივია, მათ შორის, სქესიც. და ამ სქესიდან მომდინარეა მისი აზროვნებაც, ესთეტიკაც, მსოფლმხედველობაც. ეს არც ცუდია და არც კარგი. ეს ბუნებრივია! ბუნებრივია ისიც, რომ სქესი იგრძნობოდეს ნაწერში, თუმცა ეს თვითმიზანი არ უნდა იყოს. ყველაფერი ბუნებრივის მომხრე ვარ და მიყვარს, როცა პოეზიაში ჩანს ბუნების იდუმალება, ბუნების სახე, სანახევროდ მოუხელთებელი, მაგრამ ბუნებრივი. იცით, ჩვენთან როგორი სტერეოტიპი არსებობს? აი, იტყვიან ქალზე, თუ ის კარგად და ღრმად აზროვნებს, მამაკაცური პოეზია აქვსო, ანუ არაფრით არ იტყვიან, რომ ის უბრალოდ ძლიერი ქალი პოეტი. ესაა „კლიშე“, რომელიც ჩვენს მანკიერ, აზიატიურ აზროვნებას ამჟღავნებს. თითქოს, თუ ქალი კარგია, მაინც ადამიანც მამაკაცურია, ხოლო მამაკაცი შეიძლება იყოს ძლიერი პოეტი და მამაკაცურიც. ეს არ მომწონს. გენდერული საკითხი სოციოლოგიის ან რაღაც სხვა სფეროების თემაა, არა მგონია, გენდერზე პოეზია ან პროზა ფიქრობდეს. პოეზია ფიქრობს ადამიანზე, სულ ერთია, ის კაცია თუ ქალი, ხომ?

 ლიტველ ბირიუტე იონაუშკაიტეს და ქართველ ნანა დევიძეს ერთმანეთი რომ არ ეპოვნათ ამხელა სამყაროში, დიდად დანაშაული იქნებოდა. რატომ? თუნდაც იმიტომ, რომ მშობლიურ ენაზე ვერ წავიკითხავდით ამ პოლონელი წარმოშობის ლიტველი მწერლის გასაოცარ პროზას — მოთხრობებს, რომელსაც თითქოს რეზონანსივლის სულიერი და წერდა ათასობით კოლომეტრით დამორებული, სულ სხვა ენობრივ ნიაღში. ამ ქალბატონის ნიგნი „ჩუმი ყვავილობა“ არა მხოლოდ ნანა დევიძის მაღალმატერული თარგმანის დონითაა საინტერესო, არამედ იმ ღირებულებებით, რომელსაც ჩვენმა მწერლობის ნაწილმა კარგა ხანია ცხვირი აუბზუა. სრულიად ამოღ კი. და დღეს, როცა ქართული ლიტერატურის სახელმძღვანელოებისათვის თარგმნილ ლიტერატურას ეძებენ, ბირიუტეს მოთხრობები უნდა ეძებონ ნანა დევიძისეული თარგმანით.

 ერთხელ თანამედროვეობის არაჩვეულებრივმა პოეტმა, მანანა ჩიტიშვილმა რადიოგადაცემაში ასეთი პასუხი გასცა კითხვას, რას წერდა იგი, როგორც პროფესიონალი ლიტერატორი და ფილოლოგიის მეცნიერებათა დოქტორი, ლექსების გარდა? პასუხი იყო ნამდვილი ქართული ქალის პასუხი: მტკიცე, მიკბომიკბობის გარეშე, შეუვალი, მოკლე და ნათელი: მე ჩემი სათქმელისათვის ლექსი სრულად მყოფნი! და მე შემერცხვა, ამდენ რამეს რომ ვეძებ. ნამდვილი პროფესიონალია თავის საქმის! აქვე ერთ ამბავსაც გეტყვი. წლების წინ შორეული მხრიდან წერილი მიიღო პატიმრისგან, რომელსაც გაზეთ „სოფლის ცხოვრებაში“ დაბეჭდილი მისი ლექსები წაეკითხა. წერილი არ იწყებოდა სტანდარტული მიმართებით, როგორცაა ქალბატონო მანანა, ძვირფასო პოეტო. წერილი იწყებოდა ასე: „გამარჯობა, ჩემო მინა-წყალო“. განა შეიძლება, ეს ოდესმე დაგაიწყდეს? ჩვენი პოეტი, გულის პოეტი, განა მართლა ჩვენი მინა-წყალი არ არიან? და განა ტყუილად ამბობს ლია სტურუა — „ვეფხისტყაოსანი“ ჩემი ლიტერატურული სამშობლოაო? განა დიდი განსხვავებაა ამ ორ დეფინიციას შორის?

 პოემები ვაჟა-ფშაველას შემოქმედებისა და მსოფლმხედველობის ხერხემალია. ამ ხერხემლის მალეებს თავის თანმიმდევრობას ნუ დაუუკარგავთ, ნუ აფურცლთ. ამასაც აქვს მნიშვნელობა, საიდან საითკენ მიემართება ავტორი: „ალუდა ქეთელაური“ — 1888, „ბახტრიონი“ — 1892, „სტუმარ-მასპინძელი“ — 1893, „სისხლის ძიება“ — 1897, „ახუნდი“ — 1898, „გველიმსჭამელი“ — 1901. 26 წლის ვაჟა უკვე თავის მთავარ თემას, მთავარ სათქმელს ეჭიდება და წარმატებით წყვეტს „ალუდა ქეთელაური“. „ბახტრიონი“ — რაზეა ეს პოემა? პატრიოტიზმზე? მტრის დაძლევაზე? რას და როგორ გვასწავლიან სკოლებში? არადა, სკოლაში ნასწავლი იგივეა, რაც მისჯილობაში — განაჩენი „სიკვდილამდე“. ხშირად მახსენდება ეზრა პაუნდის ერთი პატარა ლექსი, დაახლოებით ასე რომ ჟღერს: „მე ვიცი, რა მოგეცია, მაგრამ არ ვიცი, რა

აილე“. ეს ლექსი-ფორმულა აფორისტულ ხასიათს რომ ატარებს, ზუსტად ესადაგება ხელოვნების ნიმუშის ალქმის უცნაურ პროცესს. ბავშვი სხვას გაიგებს, დიდი — სხვას, საკვები ყველასთვის მოიძებნება, მაგრამ არათანაბარი და არაერთნაირი იქნება ის. ეს პოემა ბოროტების გაკეთილშობილების იმედზეა, ბოროტების არსის სიკეთის არსად ქცევაზეა, დიდ სიყვარულზე, საკაცობრიოზე კი არა მხოლოდ, არამედ იმ სიყვარულზე, რაც ღვთისგანაა ბუნებაში უღიანდება ერთუთრის მიმართ ყველა არსებათა შორის, რომელიც სწორედ მგლური კანონების, გაუტანლობის, მარადი მტრობის ანტი-სახე, ანტიარსი და სულაც მეტაარსია. მთელი „ბახტრიონი“ იმისთვის დაინერა, რომ ბოლოს სწორედ გვერდს გასწავლიდა სურვილი ლუხუმის დახმარებისა! ყველა სხვა თემა ამ დასკვნამდე მისვლის საშუალებაა, და მიუხედავად ძალიან ქართული პრობლემატიკისა, მიუხედავად დიდი პატრიოტული სულისკვეთებისა, მიუხედავად ისტორიული ნამდვილობისა და გამონაგონისა, ყველაფერი არაფერია ამ საფინალო აპოთეოზის ფონზე. არც ეროვნება, არც რელიგია, არც დრო-ჟამობის ნიშანი, არც გეოგრაფიული სივრცე-არეალი არ ზღუდავს და არ განსაზღვრავს იმას, რაც ფინალში ხდება: ბოროტი მოექცევა კეთილის სამსახურად! ამაზე მეტი, ამაზე მაღალი, ამაზე სანატრელი კაცთა მიტვობა არასდროს არაფერი ჰქონია და ვეჭვობ, არც ექნება. ეს იგივეა, ყველა ომი მშვიდობად იქცეს, ყველა მავნეობა, ყველა ვნება — სათნოებად. ეს იგივეა, იდიოს ეშმაკი და დედამინაზე ახალი ადამიანი, ახალი კაცი იშვას — გახილმრთოს ადამიანი ადამიანშივე! თუმცა, ისიც ყურადღებამისაქცევია, რომ მისი მნიშვნელოვანი და გამორჩეული პოემებიდან 1901 წლითაა დათარიღებული „გველისმჭამელი“, პოემა, რომლითაც დასრულდა ვაჟას დიდი პოემების ციკლი და საბოლოო დასკვნაც დაიდო: ადამიანი, სიბრძნის ნაზიარები, ჭეშმარიტებას ნაზიარები, განწირულია, რადგან, როგორც კი იგი უფრო მაღალ კატეგორიაში გადავა, როგორც კი იგი ჩვეულებრივი კაცის სამანს გადალაზავს, აღარაა მისი ადგილი საზოგადოებაში, იწყება დამლუპველი კონფლიქტი და მარცხიც გარდუვალი ხდება. ანუ, კაცს — კაცისა და კეისარს — კეისრისა! სამანი სამანადვე რჩება. რჩეული განწირულია! ეს დასკვნა იქნებ ზოგისთვის საკამათო იყოს, მაგრამ ისიც ფაქტია, რომ მეოცე საუკუნის დასაწყისში დანერგილი პოემა ასევე წინასწარმეტყველურია, ზოგადად მეოცე საუკუნის ადამიანის მენტალობისა და ცივილიზაციის მიერ ადამიანისა და ბუნების სრული გათიშულობის მაუწყებელიც. გავა ერთი საუკუნე და მისივე თვისტომი დანერს პოემას, რომლითაც კიდევ ერთხელ გაცხადდება, რომ ყველა საუკუნეს თავისი ქადაგი ეძლევა. რომ ამ ქადაგს, განსხვავებულს, დახვლითის და სამან-გადალაზულ ადამიანს, თითქმის სალოოს, ისევ ეუნწყება მომავალი. და ისევ კონფლიქტი. რადგან, როგორც ჩანს, საზოგადოება, მასა, ხალხი ყოველთვის ეძებს და ელტვის კალაპოტს და განუდგება თავისაგან განსხვავებულს, არასტანდარტულს, მას, ვისაც აქვს უნარი განჭვრიტოს მომავალი და აიძულოს ადამიანები, იფიქრონ საკუთარ თუ სამყაროს არსება შეცნობაზე! თუმცა ისინი ყველა დროში განწირულები არიან საიმისოდ, ერქვათ ჩვეულებრივი ადამიანი!

 ძველი თაობის საბავშვო მწერლებს ისეცნებდნენ კოლეგები. აღმოვაჩინეთ, რომ მათი უმრავლესობა, იაკობ გოგებაშვილის „თამადობით“, მღვდლის შვილები იყვნენ და ცქვიტი — ანა ხახუტაშვილი (ასევე მღვდლის შვილი) — რომ გაიხსენა ერთერთმა, მოჰყვა მისი ცხოვრების ბოლო პერიოდზე. ერთხელ სტუმრად ვიყავით მოსანახულებლად, ავად იყო, იწვია და თავის განუყრელი ხელჯოხიც იქავე ედო საწოლთან. ვსაუბრობდით, სუსტად იყო და მიკნავებული ხმით გველაპარაკებოდა. მოულოდნელად, უცებ ძალუძად წამოიწია, წამოჯდა, მიაშტერდა რაღაცას თავის პირდაპირ, მერე წამოავლო ხელი ჯოხს და მოუღერა, შენ უნდა მაჯობო, შე ოხერო, დაიკარგე აქედანო, და ჯოხი მოუქნია მთელი ძალითო. ხმაც ისეთი ხაფი ამოუშვა, გაეკვირდითო. მერე მინვაო ისევეო, და ჩაილაპარაკა: სიკვდილი იყოო...

მწერალი

გივი მარგველაშვილი

ერთი თვის წინ, 2014 წლის 14 დეკემბერს, ცნობილ ქართველ-გერმანელ მწერალს გივი მარგველაშვილს 87 წელი შეუსრულდა. მართალია, ბატონი გივი, ბოლო ხანს, საქართველოში ცხოვრობს, მაგრამ შემოქმედებითი ცხოვრების უდიდესი ნაწილი გერმანიაში გაატარა და იქ უკეთ იცნობენ, მისი ნიგუნების დიდი ნაწილი გერმანულ ენაზე დაწერილი და დაბეჭდილი (das Leseleben, Fluchtästhetische Novelle, Kapitän Wakusch 1. In Deuxiland, Kapitän Wakusch 2. Sachsenhäuschen, Der verwunderte Mauerzeitungsleser, Der Kontakt, Vom Tod eines alten Lesers, Zuschauerräume...). საქართველოში მისი შემოქმედების თაყვანისმცემელთა წრე შედარებით მცირეა, რის მიზეზადაც, ნაწილობრივ, შეიძლება, მივიჩნიოთ თარგმანის სიმწირე (ქართულად თარგმნილია „კაპიტანი ვაკუშის“ ერთი ნიგნი, „მუცალი“, ლექსების კრებული „მე ნიგნის გმირი ვარ“, პიესები „მონმენი სარეში“ და ფილოსოფიურ ნაშრომთა კრებული „ფინალობის პრობლემა ნიკოლაი ჰარტმანისა და მარტინ ჰაიდეგერის ონტოლოგიებში“). ძალზე გულდასაწყვეტი ფაქტია, რომ მისი ვრცელი ავტობიოგრაფიული რომანის „კაპიტანი ვაკუშის“ 7 ნიგნიდან მხოლოდ ერთია თარგმნილი ქართულად, არადა, ეს ქართველი ემიგრანტის თვალთ დასახული და უაღრესად საინტერესოდ აღწერილი XX საუკუნეა: 20-30-იანი წლების გერმანია, ზაქსენჰაუსენის საკონცენტრაციო ბანაკი, შემდეგ საბჭოთა კავშირი... და ზუსტებით იმასაც ვერ ვიტყვით, რა არის ამის შემდეგ, რადგან გერმანულ ენაზეც კი რომანის მხოლოდ 3 ტომია გამოცემული...

ბატონი გივი ძალზე სასიამოვნო მასპინძელი და კარგი მოსაუბრეა, საუბრისას ხშირად გვეითება აზრს და ყურადღებით გისმენს. ასეთ დროს შთაბეჭდილება გრჩება, რომ მწერლური თვალთ შენში რაღაცის ამოცნობას ან დანახვას ლაშობს. ეს უთუოდ ის „ადამიანთმცოდნეობის“ თვალთ, რომელიც მხოლოდ ნამდვილ მწერლებს აქვთ. ესაუბრობთ ყველაფერზე: დღევანდელთაზე, საქართველოსა თუ მსოფლიოს პრობლემებზე, კულტურაზე, განათლებაზე; თუმცა, ძირითადად, მაინც ლიტერატურაზე...

— ბატონო გივი, როდის დაიწყოთ წერა და კონკრეტულად როდის გაჩნდა „კაპიტანი ვაკუშის“ დაწერის იდეა?

— მას შემდეგ, რაც საქართველოში მოვხვდი, გერმანიაში არაფერს ვწერდი, თუმცა ყველაფერი ეს უმნიშვნელო იყო. სერიოზულად წერა „კაპიტანი ვაკუშით“ დაიწყო მაშინ, როდესაც თბილისში შევედი ჩემს ბინაში. ეს იყო 1961 წელს. ყოველთვის ვფიქრობდი, რომ წერას მაშინ დავიწყებდი, როცა მარტო ვიქნებოდი. საერთოდ, წერის დროს მარტო უნდა იყო. ჩემმა ცხოვრებამ თვითონ მიკარნახა ეს და ასე დაიწერა „ვაკუშის“ პირველი, მეორე, მესამე ნიგნი. ახლა უკვე 7 ტომია.


— თავიდანვე ფიქრობდით, რომ ამდენი გამოვიდოდა თუ წერის პროცესმა მოიტანა ასე?

— თავიდან არანაირი გეგმა არ მქონია, ჩემთვის წერის პროცესში მთავარი გზის მაჩვენებელი მოგონებები იყო. ასე, თავისთავად, გამოვიდა 7 ტომი.

— რაც შეეხება გამოცემას, დღეს „ვაკუშის“ მხოლოდ 3 ნიგნია დაბეჭდილი გერმანულ ენაზე (I-II გერმანიაში, III საქართველოში „კავკასიური სახლის“ მიერ), როგორ ფიქრობთ, რა არის ამის მიზეზი?

— ჩვენ ყველანი, მე და ჩემი მეგობრები, მამარდაშვილის ჯგუფში ვიყავით. ვფიქრობდით, რომ, როცა საბჭოთა წყობა დამთავრდება, ყველაფერი ფანტასტიკურად იქნება, ყველა გახდება თავისუფალი და გააკეთებს იმას, რაც უნდა. ასე ფიქრი შეცდომა იყო. ამას მივხვდი მაშინ, როდესაც საბჭოთა კავშირის დაშლის შემდეგ მოვხვდი დასავლეთ გერმანიაში. მათ შქონდათ ის თავისუფლება, რასაც ვნატრობდით ჩვენ. მაგრამ გერმანელები ძალიან კონსერვატიული ხალხია, ახალს უნდობლობით ეკიდებიან. ლიტერატურაში თუკი რელიზმს აღწერ — ეს არ არის ხელოვნება, არ არის ნამდვილი ლიტერატურა. მწერალმა სილაამაზე უნდა გამოიგონოს და ეს ყოველთვის რელიზმის საფუძველზე უნდა მოხდეს. მე რეალისტი არა ვარ. თავიდან მიმიღეს დიდი ინტერესით, დამიბეჭდეს რაღაცები, „მუცალი“ დამიბეჭდეს, მაგრამ აი, შემოვიარე მთელი დასავლეთ გერმანიის ყველა დანინარეული გამოცემლობა და არც ერთმა არ მოკიდა ხელი ჩემი ნაწარმოებების ბეჭდვას. რატომ? ამის მიზეზი იყო წერის რეალისტური, გონიერი მანერიდან გადახვევა. 5 წელიწადი ვიჯექი უგამომცემლოდ.

ვიფიქრე, რომ ყველაფერი დამთავრდა, აქაც, გერმანიაში, ევროპაშიც ვერაფერს მივიღებ — ყველაზე ერთნაირად, რეალისტურადაა განწყობილი მკითხველიც და მწერალიც. მეერ სრულიად მოულოდნელად გამოჩნდა გამომცემლობა Verbre-



cher Verlag, ახალგაზრდა ადამიანები, ისეთივე მისწრაფებითა და სურვილებით სავსე, როგორცაა მე — დაბეჭდათ რაღაც ახალი. სწორედ მათ გადაწყვიტეს „ვაკუშის“ დაბეჭდვა და მივხვდი, რომ რაღაც ახალი იწყებოდა ჩემს ცხოვრებაში. პრიზები მანამდეც მქონდა მიღებული, უკვე 4 პრიზი. ძალიან საინტერესოა, რომ შეიძლება პრიზები გქონდეს, მაგრამ შენი ნიგნები არ იყიდებოდეს. გამომცემელი ყოველთვის დაინტერესებულია მოგებით, თუ ვერ ყიდის ნიგნს, მისთვის არ ხარ საინტერესო. შესაბამისად, მწერალი ზარალდება. დღეს გამომცემლობა შემობრუნდა ჩემკენ. რამდენიმე ხნის წინ დამირეკა ჩემმა გამომცემელმა და მითხრა: თქვენ ხართ ჩემი ცენტრალური ავტორი. ეს ახალგაზრდები აპირებენ, გააგრძელონ ჩემი შემოქმედების ბეჭდვა. ასეთია ჩემი შრომითი გზა იქ. მქონდა ისეთი მომენტებიც, რომ თავი სიზმარში მეგონა. ხშირად მიფიქრია, ნუთუ ამ ჩემს შრომას ვერაფერს ხედავს ვერც გერმანიაში?

— რადგან მათ გამოიჩინეს ინიციატივა, ხომ არ ფიქრობთ, რომ ადამიანები დღეს უკვე დაინტერესდნენ ამგვარი ლიტერატურით?

— ამ გამომცემლობამ მიიღო დიდი პრიზი. მაშინ არავინ იცნობდა მათ, დღეს კი უკვე ცნობილი არიან. როგორც მითხრეს, მათ დიდი გეგმები აქვთ ჩემთან დაკავშირებით. ხვალ რა იქნება, არავინ იცის. შეიძლება, ეს გამოცემა ისევ ისეთი

„ველოდები, მოხდება რაღაც დიდი“

მოკრძალებული იყოს, როგორც აქამდე იყო. კიდევ გავიმეორებ, ის დაინტერესებულია შენით მაშინ, როცა დიდი წარმატება მოგაქვს მისთვის. ახლა მოლოდინით ვარ სავსე... მთელი ცხოვრება მოლოდინში ვარ, რომ რამე იქნება, 87 წელია, რაღაცას ველი, მაგრამ, მეორე მხრივ, ხომ შეიძლება, ესეც არ ყოფილიყო?!

— როცა გასული საუკუნის 60-იანი წლებში „კაპიტანი ვაკუშის“ წერა დაიწყეთ, საბჭოთა კავშირში მკაცრი ცენზურა იყო. მეორეც, ჩვენთან ამგვარი ტიპის ლიტერატურა (პოსტმოდერნისტულს ვგულისხმობ) არ არსებობდა. ბატონო გივი, მკითხველისთვისაც და ლიტერატურის მკვლევრისთვისაც ძალიან საინტერესოა, იცნობდით იმდროინდელ ევროპულ ლიტერატურას თუ წერის პროცესში თავისთავად წავიყვანათ აქეთ? მართალია, თქვენ ენობრივი ბარიერი არ გქონდათ და დედანში შეგეძლოთ წაკითხვა, მაგრამ რამდენად იყო შესაძლებელი საბჭოთა კავშირის დროს საქართველოში ასეთი ლიტერატურის გაცნობა?

— იცით, მე მქონდა ძალიან კარგი ანტენა, უცხოურ არხებს ვიჭერდი რადიოთი და რაღაც გადაცემებს ვუსმენდი. ამას გარდა, ჩემთან დადიოდნენ ტურისტები და მოჰქონდათ ნიგნები. არის ასეთი პიროვნება — მზია ბაქრაძე. ის დადიოდა საფრანგეთში და იქიდანაც ჩამოჰქონდა ლიტერატურა ჩემთვის. ყველაფერ ამას ვკითხულობდი. აქედან გამომდინარე, მივხვდი, რომ რაღაც სხვანაირი უნდა გამეკეთებინა. ამავდროულად, ვმუშაობდი ფილოსოფიაში და ამანაც ბევრი რამ განაპირობა. ფილოსოფია კარგი ნიადაგია ლიტერატურული შემოქმედებისათვის. უცებ დავინახე, რომ რაღაც დავწერე და ეს მომეწონა. მამარდაშვილი ამბობდა, ჩვენ ყველა თვითნასწავლები ვართო. ჩემთვის ეს სიტყვები ძალიან მნიშვნელოვანია. თუ მე რამე ვიპოვე და გავიგე, ყველაფერი თავად ვიპოვე და გავიგე. როდესაც ფილოსოფიით დავინტერესდი უცხო ენათა ინსტიტუტში, მაშინ გავიგე ჰაიდეგერის არსებობა. ძალიან მომეწონა, მოსკოვიდან გამოვიწერე მისი ნიგნი და რომ წავიკითხე, საოცრება მოხდა — თითქოს ახალი სამყარო გადაიშალა ჩემ წინაშე. სწორედ ამ ნიგნმა დამაყენა ფილოსოფიის გზაზე. არ თქმა უნდა, ამანაც დაამატა

ჩემს ლიტერატურას რაღაც, იგი იქცა საფუძვლად. ეს ყველაფერი გამოვიყენე და ამ სიტუაციაში ვარ დღესაც.

— ავტობიოგრაფიული რომანის ჟანრი გულისხმობს როგორც რეალური, ისე ავტორის ფანტაზიით შექმნილი ამბების გადმოცემას, რას იტყვით ამ თვალსაზრისით „კაპიტანი ვაკუშზე“?

— მე და ვაკუში არ ვართ აბსოლუტურად იდეალური. გადავწყვიტე და გავაკეთე ასე: ცოტა უნდა იყოს ჩემი და უმთავრესი — მისი. ვაკუში არის ისეთი, როგორც იყო ყველა ახალგაზრდა მაშინ, ემიგრანტურა ლაპარაკი. ვაკუში უნდა ყოფილიყო განსახიერება ნორმალური ემიგრანტი ახალგაზრდისა. იმედია, გამოვივიდა.

— რას იტყვით ვაკუშის ორ მეგობარზე — ვოლფსა და გეორგზე, მათ ჰყავთ პროტოტიპები?

— კი, ისინი რეალური პიროვნებები არიან. ვოლფი დღემდე ცხოვრობს გერმანიაში, გეორგი ფოტოგრაფი გახდა და შემდეგ ერთ-ერთი წამყვანი, ცნობილი არქიტექტორი. ისინი ჩემი მეგობრები იყვნენ ბავშვობაში.

— გქონდათ მათთან რაიმე სახის ურთიერთობა საბჭოთა პერიოდში თუ ეს მაშინ შეუძლებელი იყო? რა ურთიერთობა გაქვთ ახლა?

— ახლა ისეთი ურთიერთობა აღარ მაქვს, გეორგი დღეს მარტო ცხოვრობს თავის ვილაში, მოხუცია უკვე. მაგრამ ჩამოსული იყო საბჭოთა კავშირში და, წარმოიდგინეთ, თვითონ მომძებნა, თბილისში ჩამოვიდა, სასტუმროში უკითხავს ჩემზე, თუ იცნობთო, და ასე ვნახე წლების მერე.

— მინდა, გკითხოთ რომანის მხატვრული სახეების შესახებ. კითხვისას თვალშისაცემია მეცხვარე ამირანის სახელი. გამიჩნდა აზრი, რომ ესაა მითითური ამირანის პაროდირებული სახე...

— ეს კრებითი სახეა ქართველი ემიგრანტის. ქართველი ტყვეები ხშირად ხვდებოდნენ ხოლმე ემიგრაციაში და შემდეგ მოდიოდნენ ჩვენთან. მე იქ გავიყვანი ისინი. რაც შეეხება მითოსს, ვიცოდი, რომ ქართულ მითოსში იყო ასეთი სახე. მე მგონი, გამოვივიდა...

— გეტანხმებით, ამირანის სახე ძალზე საინტერესოდ გამოჩნდა რომანში. რაც შეეხება „კაპიტანი ვაკუშის“ ქართულ თარგმანს, ეს მთარგმნელის იდეა იყო?

— „ვაკუში“ არ არის სრული ტექსტი, შემოკლებულია. კარლი ჯორჯანელი ჩემი კარგი მეგობარი იყო, თვითონ მოვიდა ჩემთან და მითხრა, რომ უნდოდა თარგმნა, ოღონდ მთხოვა, ტექსტში არის ისეთი რაღაცები, რაც ჩვენი ქართული საზოგადოებისათვის ძნელად მისაღები იქნება... მომეცა ნება, რომ არ ვთარგმნო და ამოვიღო. ზედმეტი სექსი და ნარკოტიკები დიქტატურული სახელმწიფოსთვის მიუღებელია. ის ებრძვის მას, როგორც თავისუფლების გამოხატულებას. ამიტომ ამ ყველაფერს თავისუფლების სახე აქვს რომანში. ოთხ კედელს შორის გააკეთებ, რასაც გინდა, მაგრამ საჯაროდ ამას ვერ გამოვიწ.

— ასევე საინტერესო სიმბოლოებია გოგლიმოვლი და დიქსილენდი, რომანის კითხვისას ჩემთვის ეს იყო დიქტატურისა და თავისუფლების შერკინება.

— გოგლიმოვლი არის ის იდეოლოგია, რომელიც ისე უნდა მიიღო, როგორც გოგლიმოვლი პატარა ბავშვმა, მაგრამ თუ ბევრია, მაშინ უკვე სახიფათოა. „მოგლი“ გერმანულად სიკვდილს ნიშნავს, ზედმეტი გოგლიმოვლიც სასიკვდილოა, პირდაპირი და არაპირდაპირი გაგებით.

— მინდა, გკითხოთ გრიგოლ რობაქიძის შესახებ, თქვენს რომანში ვაკუში კითხულობს „გველის პერანგს“, პირადად თუ იცნობდით მას?

— კი, ვიცნობდი. როდესაც ჩვენთან მოდიოდა, პატარა ბიჭი ვიყავი. უნდა აღვნიშნო, რომ ძალიან საინტერესო ადამიანი და მართლაც დიდი პიროვნება იყო.

— დაბოლოს, რა სტადიაზეა ამჟამად „ვაკუშის“ მე-8 ნიგნი?

— მერვე ნიგნში ჩემი თვალთ დანახული თანამედროვე ეპოქა, დღევანდელი მსურს, აღვწერო. ამჟამად ვაგროვებ მასალებს, ვინიშნავ საინტერესო და მნიშვნელოვან ფაქტებსა და მოვლენებს, ველოდები, რომ მოხდება რაღაც დიდი, გარდამტეხი და ეს იქნება ჩემი „ვაკუშის“ მერვე ნიგნის ბოძგისმომცემი. ველოდები...



დახეობა

...ჩემი ჩანაწერები ხშირად იწყება სამი ნერტილით, გაურკვეველი სანყისით, რომლის ახსნაც მკითხველს თავად უნევს ხოლმე. თუმცა, ამჯერად წერტილებს სახელებს დავარქმევ და შევეცდები, გაგიადვილოთ მათი არსის ამოცნობა. ...ესენია გამა, ერა და რა — სამი სუბსტანცია, რომელსაც ყოველთვის თან სდევს სამი არსება, სამი ბიბლიური პერსონაჟი: ადამი, ევა და გველი.

დობისაც ისევე ჰქონდა თავისი ზღაპრული სამყარო, პატარა მინდორში გაშენებული ქალაქი, როგორც ყველა ბავშვს. ერთი ჩვეულებრივი ყურებპარტყუნა ბიჭი იყო, ოდნავ დახრილი, დაღვრემილი თვალებით, რომელმაც არარსებულ მინდორზე თავისთვის ხის ქოხები ააშენა და ნაცნობი სათამაშოები შეასახლა. ყოველდღე მათთვის საკვები და წყალი მიჰქონდა. ახალგაზოგონილ თამაშებს ათამაშებდა და დღის ბოლოს, დედამინაზე დაბრუნებულს, უკვე გვარიანად დაღლილს, მშვიდად ეძინებოდა. დობისთვისაც არსებობდა სამი სუბსტანცია და მათგან ორი იყო ყველგან, იყო დედამინაზეც — სახლში, იყო თავის გაშენებულ ქალაქშიც, იყო ბაღშიც, პარკშიც, ეზოშიც... ერთხელ პატარა ბიჭმა გადანყვიტა, ერთ-ერთ მათგანს გამოლაპარაკებოდა და, ქოხებისკენ მიმავალი, ბილიკზე შეჩერდა. გამა დატოვებულ ხეზე იჯდა. ის არ ჰგავდა ადამიანს, ის არაფერს ჰგავდა ისეთს, რასაც დედამინაზე შეხვდრილვართ: არც რაიმე ცხოველი იყო, არც რაიმე მცენარე. იყო უფრო-მო, როგორც ახალფეხადგმული ბავშვის ნახატი; და იყო ძალიან ფერადი — რა ვარიაციას არ შეხვდებოდით მის აბსტრაქტულ სხეულზე. იმ დღეს, როცა დობი გამოელაპარაკა, გამას ხელში ფუნჯი და პალიტრა ეჭირა და ფოთლებს ღებავდა.

— გამარჯობა! მე დობი ვარ, თქვენ რა გქვიათ?
— გამარჯობა, პატარა ბიჭო, გამა ვარ.
— რატომ ხართ ყველგან, სადაც არ უნდა წავიდეთ?
— შენ შეიძლება, ჯერ ვერ მიხვდები, ჩემო პატარა: მე ვარ სამყაროს არსიდან ერთ-ერთი და ვიქნები ყოველთვის, სადაც არ უნდა წახვიდეთ. მაგრამ გავა დრო და შენც, ალბათ, სხვა ადამიანებზე გაგიჭირდება ჩემი დანახვა.

— რატომ? — დაისვა მარადიული კითხვა, რომელსაც ყველა მცირეწლოვანი სვამს და რომელზე პასუხის გაცემაც ყველას უჭირს.

— გაიზრდები და მიხვდები.
— არა, მინდა, ახლა გავიგო: რატომ ხარ? რას აკეთებ ყველგან? და რატომ შეიძლება, ველარ გნახო?

— შენ ჯერ პატარა ბიჭი ხარ, სუფთა სულით, და ხედავ ყველაფერს. ადამიანები ზრდასთან ერთად იგებენ ბევრ რაღაცას. ეს რაღაცეები ხშირად ბინძურია. აი, ისევე, როგორც შენი მანქანის ეზოში თამაშის მერე, და ეს სიბინძურე პალიტრაზე მუქ ლაქებად ჩნდება. პალიტრა, რომელიც ხელში მიჭირავს და შენთვის ჯერ ფერადია, დიდი ადამიანებისთვის მუქდება, შავდება, ყავისფრდება, მეც მეცვლება ფერი და მათთვის უმნიშვნელო ვხდები. დიდ ადამიანებს უამრავი საქმე აქვთ, არ სცალიათ ფერებისთვის... მათთან ხშირად მიდიან ადამი, ევა და გველი... მე უინტერესო ვხდები. ისინი არ ცდილობენ, დამინახონ. ამიტომ ვერები წლების მატებასთან ერთად. რჩება პალიტრა რამდენიმე ფერით და ამ ფერებში ნაწილდება სიყვარულიც, სიძულვილიც, სიკეთეც და ბოროტებაც... ადამიანები ნელ-ნელა სიყვარულის ნიჭსაც კარგავენ და ამ გრძნობასაც ყველასთვის ერთი ფერი აქვს... ისიც დიდი ადამიანების პალიტრაზეა.

— ვერაფერი გავიგე...
— მე ხომ ვითხარი, ჯერ ძალიან პატარა ხარ და ვერ გაიგებ-მეთქი, — გაიღიმა გამამ, — უბრალოდ, ეცადე, არასდროს დამივიწყო და ყოველთვის მომძებნე; ყოველთვის ეცადე, დინახო ეს პალიტრა, რომ, რაც შეიძლება, დიდხანს იყო ბავშვი!
— და ადამი, ევა და გველი ვინ არიან?
— ამისთვისაც პატარა ხარ, ჩემო ბიჭო! გაიზრდები და აუცილებლად მოგიწევს მათთან შეხვედრა. მერე გამიხსენებ...

— რამდენ რამეს გავიგებ, რომ გავიზრდები! ნეტავ, მალე გავხდები...
— არა, ეცადე, რომ, რაც შეიძლება, დიდხანს აარიდო თვალი ამ სამ არსებას! მათ თავიდან ლანდებად დაინახავ ხოლმე, მერე გამოიკვეთება კონტურები... ისინი ყოველდღიურად უფრო და უფრო მოგიახლოვდებიან... გამოკვებავენ უცხო ხილით, სხვადასხვა გრძნობებით, ვნებით... მერე გამიხსენებ, ახლა ძალიან პატარა ხარ...

— არ ვარ პატარა, მე უკვე ბევრი რაღაც ვიცი: უკვე კითხვაც ვისწავლე და ამასაც მიხვდები, როგორ დამიხსენი, რა არის ლანდი? ან ვნება?

— დაგავიანდება, დობი, შენი მეგობრები გელოდებიან და, თუ არ იჩქარე, შემოგაღამდება! სხვა დროს გავაგრძელოთ ლაპარაკი, უნდა მოვასწრო შელებვა, თორემ დადგა გაზაფხული და ფოთლები ჯერ ისევე უფერულია.

დამშვიდობებაც კი დაავიწყდა დობის, ისე გააგრძელა გზა. ერთი და იგივე სიტყვები უტრიალებდა თავში — ლანდი,



ვნება, ადამი, ევა... რა უცნაური ვინმე იყო ეს გამა, ან რა სახელი ჰქონდა. „ვიდე რომ ვნახავ, უნდა ვკითხო, ვინ დაარქვა? ნეტავ, დედა თუ პაპა?“ — ფიქრობდა დობი.

გამა ფერი იყო. ის იტევდა ყველაფერს. ბიჭის სული კი, ჯერ კიდევ უცოდველი, ვაშლუჭმელი, ხედავდა მას სულითხორცამდე. სახელი ადამიანებმა უსახსოვრეს, ის იყო ფერთა გამა, რომლის დანახვაც დიდ ადამიანებს ყოველთვის ეზარებოდათ...

გავიდა რამდენიმე დღე, უცნაურ არსებასთან დიალოგი დობის მალევე დაავიწყდა — ისევე ყოველდღე ხედავდა გამას, მაგრამ ისევე არ აქცევდა განსაკუთრებულ ყურადღებას, როგორც საუბრამდე; იშვიათად თუ გაახსენდებოდა მასთან შეხვედრა. პატარა ბიჭისთვის ის ისეთივე ჩვეულებრივი მოვლენა იყო, როგორც გაზაფხულისთვის საგულდაგულოდ შეღებოლი ფოთლები...

დროის სვლასთან ერთად ჩვენი მოთხრობის მთავარ პერსონაჟს უფრო ხშირად ხვდებოდა თვალში ერა. მას გრძელი კაბა ეცვა, გაურკვეველი ფერის, თითქოს, თეთრი, რომელიც უსასრულობაში იკარგებოდა — ვერ მიხვდებოდი სიგრძესა და ფორმას; ლანდს ჰგავდა, რომელიც ნელ-ნელა მკვეთრდებოდა, როგორც ადამი, ევა და გველი, გამას მოყოლით. ერთი პირობა, დობი ისიც იფიქრა: „ამაზე ხომ არ მელაპარაკებოდა გამამ?“ მაგრამ ერა ერთი იყო და ისინი — სამნი, თან ჯერ არც იმდენად გაზრდილიყო. იქნებ, ადრე მოაკითხეს? იქნებ, მალე გახდება დიდი? გამა ისე გაურკვეველად ელაპარაკებოდა, არ იყო გამორიცხული, ერა მართლა ყოფილიყო ადამი, ევა და გველი. შეიძლება, სამი სახელი ჰქონდა — ერთი თავისი, მეორე — მოფერებით შერქმეული და მესამე... მმმ... მესამეს, შეიძლება, ეზოში ეძახდნენ მეგობრები და ისიც ისევე ჩუმად იპარებოდა ხოლმე დობის სამყარო-

ში, როგორც თავად დობი. ფიქრები არ შორდებოდა ჩვენს პატარა ბიჭს. ამიტომ გადანყვიტა, უსხეულო, უცნაური არსება გამასავით გაცენო და გაეგო, რა ესაქმებოდა ყველგან, სადაც არ უნდა წასულიყო.

— გამარჯობა, თქვენ ადამი, ევა და გველი ხართ?

უცნაურ არსებას არ უპასუხია — ზემოთ აენია სახე და თვალგანაბნული, თვალდახუჭული, ქანდაკებასავით გაქვავებულიყო. ხელში „ჯოხი“ ეჭირა, ისიც ზემოთ აზიდული.

— უკაცრავად, თუ შეიძლება, რაღაც მინდა ვკითხოთ — ისევე სცადა გამოლაპარაკება, — ქალბატონო.

— გამარჯობა, პატარა ბიჭო, — თითქოს, ეძინა და უცებ გააღვიძეს, ან, ფიქრებში წასულს, მყუდროება დაურღვიეს.

— ვინ ბრძანდებით? ადამი, ევა და გველი თქვენ ხართ? მე დობი მქვია.

— არა, დობი! — გაეცინა, — მე ერა ვარ.

— ვახ! ანუ ჯერ ისევე პატარა ვარ! —

მარიამ ჯანელიძე

გამა, ერა და რა

გაიფიქრა დობი.

— მე ხმა ვარ, მე მუსიკა ვარ, ჩემო ბიჭო!

— ვინ ხარ? ხმა მესმის, მუსიკაც მესმის და, როგორ შეიძლება, ვხედავდე?! რაღაცას მატყუებთ!

— მე სამყაროს ხმა ვარ, მუსიკა ვარ, ყველაფერი ვარ, რაც შეიძლება, გაიგო, მოისმინო!.. შენ, შეიძლება, ძალიან პატარა ხარ ამისთვის, მაგრამ მაინც ეცადე, გამოიგო: იფიქრე ჩემზე, იფიქრე იმ ხმებზე, რომელიც გესმის და ეცადე, არ დაკარგო ისინი! ეცადე, ყოველთვის მხედავდე და გესმოდე! ეცადე, არ დაემსგავსო დიდ ადამიანებს! ადამი, ევა და გველი მოვლენ. ნუ აჩქარებ დროს. ისინი მოვლენ და შენთან დარჩენას შეეცდებიან. მაგრამ, გახსოვდეს, სამყაროში მარტო დიდი ადამიანები არ არიან! იქ ჩვენც ვართ — იქ მეც ვარ, გამაც, იქ არის კეთილი რა!

— ვერაფერი გავიგე. თქვენც იმავეს მეუბნებით?! რატომ ვერ უნდა დავინახოთ? ხმები კიდევ ყველას ესმის, დიდ ადამიანებსაც ესმით, და მე ხომ არ დავყრუვდები?!

— არა, ჩემო პატარა ბიჭო, არ დაყრუვდები. მაგრამ, შეიძლება, ველარ გაიგო ის ხმები, რომლებიც ახლა გესმის. მე შენ დიდი ადამიანისთვის გელაპარაკები, რადგან მინდა, რომ ბევრი იფიქრო ამაზე და არასდროს დაგავიწყდეს, რასაც გეუბნები — მინდა, დიდხანს იყო ბავშვი! ცხოვრება რთული გზაა, სულ ეკალ-ბარდებით დაფარული, არ გაძლევს საშუალებას, დამინახო და მომისმინო. იმდენ გამაყრუებელ ბგერას მოგასმენინებს, ისეთ ხმებს ჩაგძახებს, ისეთ ინსტრუმენტებზე დაგაკვრევენებს, ისეთ კონცერტებზე გატარებს, თან სულ გადავსებულ დარბაზებში, სულს აგიფორიაქებს, ყელში დიდ ბურთს მოგაბჯენს და გეტყვის: ლამაზია ცხოვრება, ეს არის მისი ხმა და დატყბი, იცხოვრე და გაიგე ემოციებისგან! გეტყვის, გიყვარდეს და გჯეროდეს! ეს

ყველაფერი იქნება ლამაზი, მაგრამ იქ არ ვიქნები მე, იქ არ იქნება ეს ჟღერადობა. დიდ ადამიანებს არ ესმით ის, რაც ახლა შენ გესმის. ეცადე, არ დაივიწყო ეს ხმები!

— მაინც ვერ გავიგე, რატომ აღარ ესმით ხოლმე? და ეკალ-ბარდები რა არის? სულს აგიფორიაქებს რას ნიშნავს? რა არის სული?

— მთავარია, შენ ყველაფერი დაიმახსოვრო, რასაც გეუბნები, და ნელ-ნელა ყველაფრის მნიშვნელობას მიხვდები. იმიტომ აღარ ესმით, რომ არ სცალიათ. თან მათთან ადამი, ევა და გველი მიდიან, სრულიად ცდილობენ, მისი გემო გაასინჯონ. ადამიანებიც ვერ ამბობენ ვნებაზე უარს და სუსტდებიან. რომ ჰგონიათ, ვმსუბუქდებით და აფრენა შეგვიძლიაო, ზუსტად მაშინ უფრო და უფრო მყარად დგებიან მინაზე; კარგავენ ხედვის და სმენის ფართო არეალს. ეკარგებათ გამა. მათთვის იკვეთება უცხო სხეულები და ვიკარგები მეც. მათთვის ისეთივე უსულო ვხდები, როგორც უდირიჟორო ორკესტრი.

— ისევე ეს ვნება, რა არის, ნეტავ?! ან დირიჟორი რა არის?! ორკესტრი კი გამიგია...

— ყველაფერს მიხვდები, ჩემო ბიჭო! არ დამივიწყო! ადამიანები იზრდებიან და მათთვის ვიცვლები ხოლმე მეც, უფრო სწორად, ისინი მცვლიან მე. როგორც ახლა გესმის, როგორსაც ახლა მხედავ, ეცადე, ისეთივე დამინახო და გამიგო. ნუ ჩამაცემე მუქი ფერის სამოსს, ნუ დაუკარგავ ჩემს სხეულს ფორმას! ეცადე, დამინახო ყოველთვის ასეთი — ნუ დააჭკნობ ჩემში რას!

— ვეცდები, ვეცდები! მაგრამ, მითხარი, რა არის რა?

— რა სულია, ჩემო ბიჭო!

— სული რაღაა? სულ იმეორებ, სული, სული. და ვინ არის სული?

— სული ყველას აქვს და ის ყველაფერშია. სული არ ჩანს. ის შენშიც არის, ჩემშიც, გამაშიც. ის ხეებშიც არის, ფოთლებშიც, ყვავილებშიც, პეპლებშიც, ფუტკრებშიც. ის ზღვაშიცაა... სული არის ყველა ნოტიში, ყველა ბგერაში, ყველა ინსტრუმენტსა და, შესაბამისად, ყველა კომპოზიციაში. გაგებაა ძნელი იმ ყველაფრის, რაზეც შენ კითხვები გიჩნდება. არ ვიცი, როგორ ავიხსნა ისე, რომ ზუსტად გაიგო, რისი თქმა მინდა. მე ჯერ არასდროს მილაპარაკია შენაირ პატარა ბიჭთან. ახლა გელაპარაკები, როგორც მოზრდილ, გამოცდილ ადამიანს. შეიძლება, ბევრი რაღაც გაუგებარი იყოს, მაგრამ, კიდევ ერთხელ გთხოვ, დამიმახსოვრო, ბევრი წლის შემდეგ გაიხსენო ეს შეხვედრა და დაფიქრდე... სული არის ხასიათი, ის არის გრძნობა, სული განაპირობებს ქმედებას, აზრს. სულს ჰქვია ადამიანი და არა სხეულს. რასაც ჩვენ ვხედავთ ერთმანეთის დანახვისას, იქნება ეს ტანი, ხელები, ფეხები, თავი თუ სახე, ეს ყველაფერი სულის ნავსაყუდელია, ანუ სულის სახლია. როგორც ადამიანები ცხოვრობენ სახლებში, ისევე ცხოვრობს სული სხეულში. ნოტივი ცხოვრობენ ინსტრუმენტებში და მათი გაცოცხლება მათი ახმინებაა. სულიც ასევეა, ის ხეულში ცხოვრობს და ჩვენი ქმედებებით, ჩვენი საქციელით ვაფლერებთ მათ. ადამი, ევა და გველი, რომელთაც ასე ელოდები და ასე გაინტერესებს, ცდილობენ, სიმები — აი, ინსტრუმენტებს რომ გაჭიმული ძაფები აქვს — ის სიმები მოუშვან, აღარ იყოს ისე დაჭიმული, რათა ხმა გახდეს არასასიამოვნო. სული ზრდასთან ერთად იცვლება, შენ კი ეცადე, დიდხანს დარჩეს ის ისეთი, როგორიც ახლა გაქვს!

დობი ჩაფიქრებული სახით უსმენდა და ცდილობდა, რამე გაეგო. „ნუთუ დიდ ადამიანებს, ეს ყველაფერი ესმით?! მგონი, ძნელია დიდობა... მაინც ვერ გავიგე, რა არის სული? ან რა არის კომპოზიცია? ქმედება?“ აღარ უნდოდა ზედმეტი კითხვების დასმა, მაინც გაუგებრად ლაპარაკობდა ერა, მუსიკა ვარო, ეუბნებოდა. როგორ შეიძლება, მუსიკას ვხედავდეთ, მუსიკა ხომ გვესმის?! გავა დრო და ველარ დამინახავო. გამაც იმავეს ეუბნებოდა. რატომ ველარ უნდა დავინახო და ველარ გაეგო, თუკი არც დაბრმავდებოდა და არც დაყრუვდებოდა?! კითხვები მოდიო-



მარიამ ჯანელიძე

ბაბა, ერა და რა



დასასრული

და და მოდიოდა, პასუხის გაცემა კი ძალიან უჭირდა. ვინც პასუხობდა, ისე გაურკვეველად ელაპარაკებოდა, აზრი არ ჰქონდა, მაგრამ მაინც იკითხა: — სულს ვერ ვხედავ?

— ვერა, ჩემო ბიჭო, სული უსხეულოა. ის თავად არის ყველა სხეულში.

— თუ მაინც ვერ ვხედავ, როგორ შეიძლება, შეიცვალოს? ისეთი დარჩესო, როგორიც ახლა არისო, და, რა ვიცი, როგორია ახლა? როგორ უნდა გახდეს სხვანაირი, თუ არ ჩანს? მგონი, ეს სული თქვენ მოიგონეთ და, გინდათ, მომატყუოთ.

— არა, დობი! უბრალოდ, ძალიან რთულ შეკითხვებს მისვამ და მიჭირს პასუხის გაცემა. შევეცდები, აგიხსნა და, რასაც გეტყვი, კიდევ ერთხელ გთხოვ, არ დაივიწყო! დიდი ადამიანი რომ გახდები, მერე მიხვდები ყველაფერს, რაზეც ახლა ვლაპარაკობთ. ადამიანები იბადებიან ჩვილები და ნელ-ნელა იზრდებიან. უკვე დიდებს უჩნდებათ ნაოჭები და ბერდებიან. ასევეა სულიც — თავიდან ის პატარა ბავშვივით მიამიტურად სუფთაა, მაგრამ ადამიანების გადადგმული ნაბიჯები მასაც უჩენს ნაოჭებს. ისიც ისევე მახინჯდება, როგორც ჩადრმავებული ხაზები სახის ნაკვთებზე. თუ თქვენ ჯანმრთელი ცხოვრების წესით იცხოვრებთ და სხეულს გაუფრთხილებით, გვიან დაბერდებით! იცოდეთ, სულიც გვიან დაჭყნება, თუკი ადამიანები მასზე იზრუნებენ!

ბევრს ეცადა, მაგრამ მაინც ვერაფერი გაიგო დობი — ალბათ, მართლა პატარა იყო და, რომ გაიზრდებოდა, გაიგებდა. დიდმა ადამიანებმა ხომ ყველაფერი იციან, რაც უნდა იკითხო. ისიც ვახდებდა დიდი და ისიც ყველაფერს მიხვდებოდა. ისე წამოვიდა, ერას არც კი დამშვიდობებია, დაავიწყდა ფიქრებში ნასულს... თავდახრილი გაუყვა პატარა ბიჭი ბილიკს ქოხებისკენ. გზაში კი უაზროდ ითვლიდა ნაბიჯებს ოცამდე და მერე ისევ თავიდან იწყებდა: ერთი, ორი, სამი...



დასასრული

დის სიღრმეში შეჩურთა და მაშინვე მივიწყა.

— გინდათ, გაჩუქებთ? — შესთავაზა მოხუცს.

— არა, მე შოკოლადი მირჩევნია, ან ნამცხვარი, — მოიწყინა მოხუცმა.

„რა ვქნა?“ — მერამდენედ გაიფიქრა ელისაბედ-ლიმ, მაგიდას მიუჯდა, ფუნჯი მექანიკურად ამოაწო საღებავში და მექანიკურადვე გაუსვა კერამიკის ჩაიდანს. ხელმა ნღების განმავლობაში შეთვისებული მოძრაობა გაიმეორა.

— ეს რა ფოთლებია? — მოესმა ამ დროს მოხუცის ხმა. ელისაბედ-ლიმ ჩაიდანს შეხედა და ახლა აღმოაჩინა, რომ უსახური ანგელოზის ფრთები დაეხატა.

— ფოთლები არაა, ანგელოზის ფრთებია. ასეთებს ვხატავდი, — იმართლა თავი.

— რა სისულელეა მარტო ფრთების ხატვა, — ცხვირი აიბზუა მოხუცმა, — ბარემ ანგელოზიც დაგხატა.

— არა მგონია, გამომივიდეს, — ელისაბედ-ლიმ სამზარეულოდან კერამიკის თეფში გამოიტანა, მერე უცებ მოხუცს შეხედა, დააკვირდა, ჩაილიმა და ხატვა დაიწყო.

— ამას არა უშავს, ჩემნაირი კაბა მაინც აცვია, თუმცა ძალიან მსუქანია... მაგრამ კარგია, — თქვა მოხუცმა, როცა ელისაბედ-ლი ხატვას მორჩა, — რომ იცოდეთ, შეგიძლია, გაყიდო კიდევ. მეც ვიყიდი, უბრალოდ, ფული არ მაქვს.

— მართლა იყიდი? — გაუხარდა ელისაბედ-ლის და ბევრი აღარ უფიქრია. ანგელოზიანი თეფში ფრთხილად ჩადო ქალაქის პარკში, საწვინარი მოიცვა, ბერეტი ჩამოიფხატა, ფეხები ბოტებში ჩაჰყო და კიბეზე დაეშვა.

— მოკლავს მომიტან? — აივნიდან გადასძახა მოხუცმა.

— აუცილებლად, ანგელინა! — ხელი დაუქნია ელისაბედ-ლიმ და ქუჩას დაუყვა.

რა თქმა უნდა, პირველსავე წამს მისი თეფში არ გაყიდულა, არც მეორე წამს და, საერთოდ, არც ერთ და ორ საათში, მაგრამ დღის ბოლოს, ვიღაც წითელშარფიანმა ქალმა თეფში იყიდა და თან დააყოლა, ასეთი სასაცილო მოხუცი ანგელოზებით მოხატული სერვიზი რომ მქონდეს, უარს არ ვიტყვოდი.

— თუ გნებავთ, მოგიხატავთ, — გაუბედავად ჩაილაპარაკა ელისაბედ-ლიმ.

— ჰოდა, ძალიან კარგი, — გაუხარდა წითელშარფიან ქალს, — მისამართი მითხარით და ჩემს ჩაის სერვიზს მოგიტანთ მოსახატად.

მალე ჩაის სერვიზის წითელშარფიანის მეზობლისთვის მოსახატი ჩაიდანს მოჰყვა, ჩაიდანს — მეზობლის ბიძაშვილის სარძევე, სარძევეს — ბიძაშვილის თანამშრომლის ფინჯანი და თანდათან ელისაბედ-ლის შეკვეთები მოუმრავლდა.

— მგონი, საქმე კარგად მიდის, არა?

— ჰკითხა ერთ დღეს მოხუცმა, როცა ელისაბედ-ლიმ ბინის მეპატრონეს ქირა ჩაუთვალა, დარჩენილი თანხაც გადათვალა და შევებით ამოისუნთქა.

— კი, ძალიან, — კიდევ ერთხელ ამოისუნთქა შევებით ელისაბედ-ლიმ, — ნავალ, საღებავებს ვიყიდი, სულ აღარ მაქვს.

— მარტო საღებავებს? ტკბილეულსაც! და შეგიძლია, პალტოც კი იყიდი, — თვალი ჩაუკრა მოხუცმა, — ეს საწვინარი აღარ გამოგადგება.

— იცი რა, — ელისაბედ-ლი მაგიდას იდაყვებით დაეყრდნო და სახე თითებში ყვავილივით ჩარგო, — გინდა, ერთად წავიდეთ? შენც გიყიდი რამეს, მაგალითად, თბილ კაბას, ან ქუდს, ან თავშალს, არ გინდა?


— აჰ, — თავი და ხელები ერთად გააქნია მოხუცმა, — ახალგაზრდა ქალბატონმა, რომელსაც შეყვარებული არ ჰყავს, ქუჩაში მარტომ უნდა იაროს. რა იცი, რა ხდება?

— რა მეშველებოდა, შენ რომ არ გამოჩენილიყავი ჩემს ცხოვრებაში, — გაეცინა ელისაბედ-ლის, მოხუცთან მივიდა და ლოყაზე აკოცა.

— ოჰ, კაი ერთი, — მოხუცი სარწევლა სავარძელში ჩაჯდა და გადაქან-გად-

ლელა ცუცქირიძე

ამბავი, როგორც ნამდვილი



მოქანდა, — იმედია, დღეს ბევრი ტკბილეული მექნება.

— რა თქმა უნდა, — გაუცინა ელისაბედ-ლიმ და კარი გაიხურა.

ზამთარი სქელტანიანი, უინტერესო წინგით გადაშლილიყო ქუჩაზე და ცხენის ნაბლის ხები სანიშნეებით გამოჩნდა. ელისაბედ-ლი ვიტრინებს ათვალიერებდა და მალაზიიდან მალაზიაში გადადიოდა. ჯერ ჩაის ვარდებიანი ქიშმირის თავშალი იყიდა ანგელინასთვის, მერე ტკბილეული ორივესთვის, მერე ფუნჯები და საღებავები თავისთვის და ის იყო, სახლისკენ უნდა გაბრუნებულიყო, რომ საოცნებო ყვითელმა ზურგჩანთამ მოულოდნელად ანთებული ფარანივით გამოუნათა ერთ-ერთი ვიტრინიდან.

„ესეც რომ ვიყიდი, რა მოხდება?“ — ვიტრინასთან ძალაუნებურად გაშეშდა ელისაბედ-ლი.

— რამე გნებავთ? — საათის გუგულივით გამოხტა ამ დროს ახალგაზრდა მამაკაცი მალაზიიდან და ელისაბედ-ლის გაუღიმა.

— მე?.. — ცოტა არ იყოს, დაიბნა ელისაბედ-ლი, — ზურგჩანთას ვუყურებდი და...

— არაჩვეულებრივი ზურგჩანთაა! ხელნაკეთი! იცით, ფასდაკლებაა და შემიძლია, ნახევარ ფასდაც კი მოგცეთ. იყიდეთ, არ ინანებთ, ძალიან მოგიხდებათ... მობრძანდით, ახლოდან ნახეთ...

ახალგაზრდა მამაკაცმა ელისაბედ-ლი მალაზიაში შეიყვანა, სავარძელზე დასვა, მერე ზურგჩანთა ფრთხილად ჩამოხსნა ვიტრინიდან, წინ დაუდო, თავად კი ერთ წამში ფარის უკან გაქრა და იმავე წამს ჩაის ჭიქებით გამოჩნდა.

ელისაბედ-ლიმ ვერ გაიგო, ახალგაზრდა მამაკაცი ასე იმიტომ იქცევოდა, რომ ზურგჩანთის გაყიდვა უნდოდა, თუ იმიტომ, რომ ელისაბედ-ლი მოეწონა.

„ალბათ ორივე“, — გაიფიქრა და კიდევ უფრო დარწმუნდა, როცა ახალგაზრდა მამაკაცმა გაცილება შესთავაზა.

ელისაბედ-ლის უარი არ უთქვამს. ცხოვრებაში პირველად აცილებდა მამაკაცი!

ასე, კაკაოსფერი ქალაქის პარკებით, პარკებში — ტკბილეულით, საღებავებით, ფუნჯებით, ჩაის ვარდებიანი ქიშმირის თავშალითა და ყვითელი ზურგჩანთით ისე გაიარეს ცენტრალური ქუჩა, ვერც გაიგეს;

აიარეს ტურისტულ რუკაზე მოუნიშნავი ქუჩა და ვერ გაიგეს;

გადაჭრეს აკაციების ძირში არხინად წამოწოლილი ეზო და ვერ გაიგეს;

აიარეს ბულვარული რომანის ფურცლებივით გაცვეთილი კიბე და ვერ გაიგეს;

და ვერც სახლში შესვლას გაიგებდნენ, რომ არა ოთახის სიღრმიდან ბადმინტონის ვოლანივით გამოვარდნილი ხმა:

— წამოდი-მეთქი, გეუბნები!

— რა ხდება? — ახალგაზრდა მამაკაცს ისე გადახედა ელისაბედ-ლიმ, თითქოს ის მასთან ერთად კი არ მოვიდა, ოთახიდან

გამოვარდნილ ვოლანს გამოჰყვა.

— რა ხდება? — გაიმეორა უკვე ოთახში და გაოცებისგან ამჯობინა, გაჩუმებულიყო. ოთახში ერთის ნაცვლად ორი მოხუცი იდგა — დედაზარივით და ზანზალაკივით. ერთი მალალი, მსუქანი და გვარიანად მოსული, მეორე — დაბალი გამხდარი და გვარიანად მოუსვლელი. მხოლოდ თმა ჰქონდათ ერთნაირი: სიგარეტის გაფანტული კვამლივით ასდობდათ თავზე.

— ანგელინა, ეს ვინ არის? — რა თქმა უნდა, მსუქან მოხუცს ჰკითხა ელისაბედ-ლიმ.

— ეს ჩემი უფროსი დაა, სერაფიმა, — ჩიბურტყუნა ანგელინამ.

— უფროსი და? — ცოტა არ იყოს, გაუკვირდა ელისაბედ-ლის, მაგრამ ეცადა, არ შემჩნეოდა, — იცით, ახლავე წყალს ავადუღებ ჩაისთვის. ისეთი ტკბილეული მოვიტანე, შოკოლადიც, ნამცხვარიც, დაშაქრული თხილიც, რომ...

— ვის მოუტანე? — უხეშად შეანწყვეტინა სერაფიმამ, — ამ ქალბატონს? ბევრი ტკბილეულის ჭამა რომ არ შეიძლება, არ იცით? მით უმეტეს, ამის ასაკში.

— თორემ შენ მყავხარ ახალგაზრდა, — აშკარად იწყინა ანგელინამ.

— მე ტკბილეულს არ ვჭამ, — წარბი აუწია უფროსმა დაე და ქვევიდან ახედა.

— მაინც ვერ გავიგე, როგორ მომაგენი, — ამოიოხრა ანგელინამ.

— როგორ, — უკმეხად მიუგო სერაფიმამ, — ყველგან შენ ბრძანდები გამოჭიმული: ფინჯნებზე, ლამბაქებზე, სარძევეებზე... ვითომ ის მყავხარ, რა ჰქვია იმას... სოფი ლორენი!

— მე ანა მანიანი მირჩევნია, — ლამის გაიბუტა ანგელინა.

— სოფი ლორენი-მეთქი! — ფეხი დაუბაკუნა სერაფიმამ, — მაგაზეც მადლობა მითხარი. წამოდი ახლა, დროზე!

— კი მაგრამ... — შეწუხდა ელისაბედ-ლი და უკან მდგარ ახალგაზრდა მამაკაცს ისე გადახედა, თითქოს მოუბოდიშა ამ უცნაური სიტუაციის გამო, — თუ არ უნდა, რატომ უნდა წამოვიდეს? თქვენ ხომ გამოაგდეთ და...

— რა? გამოაგდებ? მე გამოაგდებ?! ეს უსაქმური თავად წამოვიდა! ასე იცის ხოლმე, დაადებს თავს, გაიპარება და მე ვეძებ და ვეძებ. ისე კი, ნამდვილად უნდა გამოემგდო, ისეთი ზარმაცია, მაგრამ არ მინდა, მერე ჩემზე იჭორაონ, გააგდო, რაც უნდა იყოს, უმცროსი დაა... — დაქოქილი სათამაშო თავივით ველარ გაჩერდა უფროსი და.

— მართლა? — ელისაბედ-ლიმ ანგელინას შეხედა. მოხუცი ჭერს ისე უყურებდა, თითქოს არაფერი ესმოდა.

— წამოდი, გეყოფა, — სერაფიმამ ჯერ ლურჯი კაბის კალთა ჩამოუქანა ანგელინას, მერე ფეხის წვერებზე აინია, მკლავი მოუჩქმიტა.

— კარგი, ჰო, მოვდივარ ისედაც. აქ ყველაფერი კარგადაა. მაგრამ იქნებ... იქნებ ტკბილეული მაინც... — აწუნუნდა ანგელინა, მერე ელისაბედ-ლის გაუღიმა და თვალი მხიარულად ჩაუკრა.

ელისაბედ-ლის მხოლოდ მათი გასვლისას გაახსენდა ჩაისვარდებიანი ქიშმირის თავშალი და აივანზე გავარდა:

— ანგელინა! ანგელინა! — ყვიროდა და თავშალს იქნევდა, თუმცა არც ეზოში და არც ქუჩაზე ჩამი-ჩუმი არ ისმოდა და არც მოხუცები ჩანდნენ. თითქოს არც არავინ გასულა სახლიდან.

სწორედ იმ წუთას, როცა ახალგაზრდა მამაკაცმა ელისაბედ-ლი აივნიდან შემოიყვანა, ოთახის ლიმონის სიმწვანე გასკდა და ყვითელი ნაყოფი კვერცხუფრევივით გამოიტყორცნა გარეთ.

სურვილი ფირცხალავს ნახატები

„ლიტერატურული გაზეთის“ გამომწვევის მსურველები დაუკავშირდით სს „მაცნე“-ს: 214 74 22; 214 39 06

ლიტერატურული გაზეთი
 საქართველოს კულტურისა და ძეგლთა დაცვის სამინისტრო
 საქართველოს მხარეთმცოდნეობის ინსტიტუტი

რედაქტორი **ირაკლი ჯავახიძე**
 რედაქტორის მოადგილე **უჩა შერაზადიშვილი**
 ჟურნალისტი **თამარ ჟურული**

მობ. ტელ.: (577)742277; (599)269852; e-mail: litgazeti@yahoo.com